

ПЕТО 1926 ВОСЯНЬ

ЛЭДЗЁНЫ: КОМИ РЕСПУБЛИКАСА ГИЖЫСЬ КОТЫР, ПЕЧАТЬ ДА ЮОР
СЕТАН КОМИ РЕСПУБЛИКАСА АГЕНТСТВО

ВОЙВЫВ КОДЗУВ



ISSN 0134-4323

БЫД ТÖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

8

МОЗ (АВГУСТ)

2010

ТАЙÖ НОМЕРЫН:

Виктор НАПАЛКОВ. Войся ангел. Роман	3
Чолöмалöм	24
Вячеслав БАБИН. Ставыс сёлöм шөрö инмö. Кывбуръяс.	
Телефон. Висьт	25
Алексей ПОПОВ. Баба гожöм. Повесьт	30
Татьяна КИРПИЧЕНКО. Чужан му йылысь. Кывбур.	
Куим лун да нэм	60
Лия ЛУДЫКОВА. Велöдысь гозъя. Казытылöмъяс	62

Обложка вылын снимокыс Владимир Ануфриевлөн.

© «Войвыв кодзув» («Северная звезда»), 2010 г.

СЫКТЫВКАР

СЕВЕРНАЯ ЗВЕЗДА



***Ежемесячный
литературно-художественный
журнал***



Учредители:

СОЮЗ ПИСАТЕЛЕЙ РЕСПУБЛИКИ КОМИ

**АГЕНТСТВО РЕСПУБЛИКИ КОМИ ПО ПЕЧАТИ
И МАССОВЫМ КОММУНИКАЦИЯМ**



РЕДАКЦИОННАЯ КОЛЛЕГИЯ:

Главный редактор

ЕЛЬКИН М.А.

Зам. гл. редактора

ПОЛУГРУДОВ А.В.

КОЗЛОВ Е.В.

ЛИМЕРОВА В.А.

ТИМИН В.В.

УЛЬЯНОВ А.В.



Войся ангел*

РОМАН

Мөд юкөн

1

Таркойтлань Ягдор пыр мунісны груз тыра машинаяс, сідз шусяна «полупорткаяс». Тайо машинаяс война кадө вөліны медшөр транспортөн и фронт вылын, и тылын, а вөр лэдзөмыс — районын народнөй овмөслөн медтөдчана юкөнөн. Сикт-грездьяс гөгөрын воссялісны вель лесопунктьяс да леспромхозьяс, писькөдісны вель туйяс, стрөитісны улыс складьяс, мөд ног кө, вөр кражуйтанінъяс. Коліс пыр унджык и унджык йөз, мед эськө во гөгөр вермисны уджавны вөр лэдзөм вылын. Войнаөдзса да войнабөрся медводдза воясө лесопунктьясын кызвын уджалысьясыс вөліны ссильнөйяс да спецпереселенецьяс. Дерт жө, вөр лэдзан планьяс тыртөмө төдчана пай пуктісны и колхозник-сезонникьяс.

Таркойт пырис Льөмдін леспромхозө. Сійө — Эжва катыдын вөр лэдзан медваж предприятие, котыртчис сюрс өкмыссө кызь өкмысөд воын нин. Вөр лэдзан планьяс өтарө содісны, а олөм да быт вөліны шогмытөмөсь. Посёлокьясын баракьяс эз тырмыны, странаса мукөд обласьтьясысь вайөм административно-ссильнөйяс да спецпереселенецьяс төв и гожөм овлісны му чомъясын, тшөтш и коми кыйсьысьяслөн вөр керкаясын да пывсянъясын. Тшыгла, кымалөмла да висьөмла морт кувліс веськыда делянка вылас. Сортровка кер вөлі донаджык морт олөм серти. И тайө сэк, кор страна коммунистическөй партия веськөдлөм улын стрөитіс социализм да коммунизм. А «Комилес» трест ОГПУ-лөн Коми областнөй отделкөд сёрнитчөмөн Льөмдін леспромхозө мөдөдіс вель и вель йөзөс. И тадзи кутас кыссыны нелямынөд вояс помөдз.

Сортровка лэдзөмөн пикө воштісны и колхозьясөс. Социалистическөй видз-му овмөс пыр на вөлі пидзөсчань вылас, а октябр заводитчөмсянь уджавны вермысь унджык колхозниксө, тшөтш и анюловөс, мөдөдісны кер лэдзны; сэсся, юяс воссьөм бөрын, найөс жө индылісны кылөдчыны. Артмыліс тешкодьтор: колхозник во джын вөлі вөрын, гортас веськавліс сөмын турун пуктіг-кежлө. Крестьянин ропкөдчыліс: партиялөн татшөм нырвизыс пө помөдз джагөдас партияөн жө котыртөм колхозьясөс. Сезон-

* Заводитчөмыс 2009 вося 11, 12 номерьясын, 2010 вося 1, 2 номерьясын.

никъяслөн уджыс да олöмыс этша мыйöн торъяліс ссыльнöйяс-лөн удж-олöмысь. Баракъясын дзескыд, эз тырмыны весиг пызан-улöсьяс, мыссян чуманъяс, йöз узылісны турун вольпась да турун юрлöс вылын, пытш-лудікъяслөн пинь туйысь зöлитліс вир-ййныс; лампаяс пыдди сартаса би, эз тырмыв сёян-юан; торъя косьтысянін эз вöв, и кöм-паськöмнысö, и вöвъяслысь сийöс-кöлуйсö косьтылісны сэнi жö, узыланінас. Овліс сідз, мый нывбабаяс сьöкыд уджысла жугöдлісны гырк пытшкöснысö, нэм жежлö кольлісны калекаясөн. А пышъян кö вөр лэдзанинысь — сетасны судö. Коммунистическöй ад да и ставыс! Тадзи вöвлі войнаöдз, война дырйи и война помасьöм бöрын.

Сьöкыдлунъяс вылö видзöдтöг, дерт жö, вöліны и вөр лэдзысь ударникъяс да стахановецъяс, кодъяс йылысь паськыда гижлісны газетъясын. Олöм вылö норасяна письмöяс эз йöзöдлыны. Öд коммунистическöй пропаганда серти, сöветскöй общество — мирын медся справедливöй общество, кöть и татшöм страм олöмыс эз вöв европаса ни öти странаын.

Сюрс öкмыссё нелямын сизимöд во помын «Комилес» трест-сянь Лёмдін леспромхозö воис тшöктана кабала: бур сорта вөр лэдзöмсö содтыны кык пöв. Кыдзи тайöс вöчны — виддалісны партия райкомлөн бюро вылын. Сэнi и шуисны: выль лесопункт котырттöг тайö могыс абу олöмö пöртана. Воисны öти кывйö: кад воштытöг восьтыны Таркойт лесопункт, кöні вöрыс абу на ёна жугöдöма и Эжвасянь матын. И тайöс позьö вöчны донтöм уджалан вынөн: вайны сэтчö власовецъясöс, кодъясöс районын некытчö нин инавны.

Сійö жö бюро вылас вежисны некымын лесопунктса начальникöс, на пыдди индісны ыджыд стажа коммунистьясöс. Вель дыр думайтісны, кодöс вынсьöдны веськöдлысьнас Таркойт лесопунктö. Чуйдіс мортсö Лазарь Кузьмич Костин: ме пö эськö вöзйи Аркадий Степанович Расовöс, кодi öні веськöдлö вöрын да сплавын уджалысьяслөн рабочкомөн. Бюроса членъяс корисны тöдмасьны Расовлөн личнöй делöн. Документъяссö пыр жö вайис учёт секторса томиник нывбаба, мыччис Костинлы. Сійö и лыддьöдліс: «Аркадий Степанович Расов — чужлöма 1916 воын Лёмдінын, велöдчöма сизим класс, Великöй Отечественнöй войнаса участник, нелямын кыкöд восянь партияын, миномётнöй взводса командир, лейтенант, наградитöма Боевöй Краснöй Знамя орденөн, медальясөн...»

— Думайта да, зэв бур кандидатура,— чöвтіс райкомса первой секретар, коми-пермяк Тотьянин.— А мый шуас Бочков ёрт?— шыöдчис сэсся леспромхозса директор дінö.

Директорлы коліс сöмын сöгласитчыны. Райком бюролы шуны мыйкö паныд эз вöв модаын.

— Коліс эськö водзджык аддзысьлыны аскöдыс, Расовыскöд, сэсся вöлисти примитны колана решение,— шыасьліс бюроса членö кандидат, районнöй газетса редактор Безносиков.— Öд сылөн тані семья.

— Сійö абу помка. Вывь посёлок стрöйтöм — государственнöй тöдчанлуна мог. Дай Таркойтыд абу Сибирын, а миян районын,— гөлöссö кыпöдліс первой секретар.— А Расовкöд сёрниыс лоö, корлам райкомö. Бочков ёрт, Таркойтö став техника да колана материал мөдöдöм кузя кутанныд кывкутны ті.

— Йӱзӱс вайӱдам, а кӱнӱ кутасны овны, ӱд ӱшинь улын тӱв?— бара на шыасьлис районса главнӱй журналист.

— Вернӱ. Та кузя ми танӱ тожӱ примитам решение,— водзӱ нуӱдӱс бюролысь заседаниесӱ районса главнӱй коммунист.— Эм кутшӱмсюрӱ вӱзйӱм Лазарь Кузьмичлӱн. Кывзам сйӱс.

— Таркойгыс Ягдор деревнянь куйм-нӱль верст сайын. Тӱ тӱданныд, сӱнӱ уджавлисны нин лагерникъяс, но война ӱзъян воӱ йӱзсӱ кытчӱкӱ нуисны, гашкӱ и, кодсюрӱӱс мездӱсны. Сулалӱ некымын барак, но овны шогмытӱмӱс, колӱ вайӱдны найӱс тыр пӱрадокӱ: сувтӱдны ӱшинь-ӱдзӱсъяс, тӱчны пачьяс. А места-ыс зӱв гажа, позьӱ стрӱитны сӱн, Эжва берегас, мича посӱлок. Но вот, думайта да, гашкӱ, вайӱм йӱзсӱ позьӱ овмӱдлыны ягдорсаяс ордӱ. Чайта, кад кежлад примитасны, йӱзыс сӱн бур сьӱлӱма-ӱс. Но водзвыв колӱ сӱрнитчыны та йылысь Юсьбӱжса сиктсӱветкӱд да Ягдор колхозса предыскӱд.

— Кысь тӱ ставсӱ тайӱс тӱданныд, Лазарь Кузьмич?— юалис бюроса член, районын водзын мунысь Берия нима колхозса пред Зезегов, кодӱ, тӱдӱмысь, эз на вунӱд ягдорса коммунистъясӱс льякӱсытана нимпастӱм письмӱ йылысь.

Колӱ шуны, Зезегов и ачыс эз вӱв гректӱм. Воис война вылысь нелямын нӱльӱд вося гожӱмын госпитальын бурдӱдчӱм бӱрын, и гӱтыртӱм мортыд вӱлӱ племеннӱй уж кодъ — «тырсӱдӱс» то ӱти анӱс, то мӱдӱс, то коймӱдӱс, и сиктсаяс нимтӱсны сйӱс «дамскӱй угодникӱн», а сӱсся и бӱрйисны (стӱчджыка кӱ, индӱс райком) колхозса предӱн. И овмӱссӱ петкӱдӱс водзын мунысьяс лыдӱ. Зезеговыд, гашкӱ и, бурлачитӱс на водзӱ, но веськалис ӱти том учительницалӱн капканӱ. Кывсьылис, велӱдысьыд кор сьӱктӱма, ӱлӱдӱма мусуксӱ: он кӱ пӱ менӱ вай, юӱрта пӱ бабаястӱ ылӱдлӱмысь и райкомӱ, и личнӱ Сталинлы. А ми пӱ, кодъяслы вӱчалӱн кагаястӱ, ставным кутам перйыны тӱнсьыд алимент. Повзис-ӱ, мусмис-ӱ том велӱдысьыд, Зезегов сы вылӱ и гӱтрасис.

— ӱти-кӱ, ме ассыным районнымӱс тӱда вит чуньӱс моз,— вочавидзис Костин.— Мӱд-кӱ, менам тесыт да тьӱща чужлисны и нӱм чӱжыс олӱны Ягдорын. Коймӱд-кӱ, Ягдорын вӱлӱ менам бур тӱдса, Веня Турьев, кодӱс ме примитлӱ комсомолӱ. Дас кӱкъямыс арӱсӱн ас кӱсйӱмнас муниӱ фронт вылӱ и вошис «без вести».

— Ме вӱвлӱ Ягдорад, збыльысь шань йӱзкӱд аддзысьли,— эз вермы чӱв овны редактор.— Сӱтчӱс колхозса конюкыс, шуӱны Федот Кирьяновичӱн, лыддъыссьӱ районын медбурӱн. Сйӱ миян районын дзик ӱти конюк, кодлы сетӱма Коми АССР-са Верховнӱй Сӱвет Президиумысь Почӱт грамота. Очерк ме сы йылысь йӱзӱдлӱ. Чайта да, примитасны ягдорсаыд воысь выль йӱзтӱ тӱлысь-мӱд кежлад. Ме неважӱн вӱлӱ райвоенкоматын, вель дыр сӱрнитӱм сӱтчӱс офицеркӱд, висьталӱс кутшӱмсюрӱ лыдпасъяс. И вӱчи ме татшӱм кывкӱртӱд: Ягдорӱс позьӱ шуны том дӱваяслӱн деревняӱн. Сӱдзкӱ, выль посӱлоксӱ восьтӱмыс зӱв на и кивыв лӱӱ аслыныс дӱваясылы.

— Шань йӱзыд, редактор ӱрт, абу сӱмын Ягдорын. И бур конюкыд абу сӱмын сӱтчӱс «Заря» колхозын, дай дӱваясыд быдлаын тырмӱны,— лыддӱдлӱс Зезегов.— Мед эз кус олӱмыс, уна выль посӱлок на ковмас стрӱитны миян районын.

— Та йылысь мунё нин сёрниыс республикаса Министръяс Сöветын,— паніс ассьыс висътасьомсö бюроса член, райисполкомса юралысь Елфимов.— Матысса воясö Комиын вөр лэдзöмсö шуöма содтыны куим-нель пöв, йöзсö ковмас вайны мукöд республикаясысь да обласътъясысь. Вот и ковмас стрöитны выль посёлокътястö. А казътыштны кö дöваяс йылысь, то тайö мян олöмын збыльысь трагедия. Кора бюроса членътясöс не сирасны «трагедия» кыв дінас. Быд сельсöветын, райисполкомын эмöсь лыдпасъяс, кодътясöс некор на эг йöздöдöй.— Районын Сöвет власътön веськöдлысь вушъялöм папкаысь кыскис бумага, босьтчис лыддьöддыны:— Талун кезлö Лёмдінын матö нельсё дöва, пöшти сы мында жö Керчомъяын да Ручын, неуна этшаджык Пожöгын, Дереваннöйын да Мысын, пöшти кыксё дöва талун олö Немдінын, сы мында жö Помöсдінын. Пöшти мужиктöммисны ичöt сиктътяс да деревняяс. Таөн ме эськö кöсьи тöдчöдны со мый: вайö ёнджыка кутамöй тöждысьны йöз вöсна, овны налөн интересътясөн. Райком частö примитö сэтшöм постановление, коді абу олөмö пöртана. Вайö öвсамöй татшöмторсыс. Ми öтарö корам да тшöктам, а ми öд тшöтш и отсöг сетысьяс! А Таркойт посёлок колö стрöитны, мед эськö сэнi вöліны оланінътяс, школа, медпункт, пошта, клуб, столовöй, магазин... Пасибö, менам ставыс.

— Ме неважөн вöлі командировкаын Вуктыл лесопунктын, кöні уджалöны колхозник-сезонникътяс,— бара на шыасис редактор.— Пола и висътавнысö, мый ме сзсь аддзылі. Газетö гижны ог кут, а вот тiяны, бюроса членътяслы, висътала. Асьныс лэдзöны вөр, а оланінныс некытчö шогмытöм. Прöститöй, но Ягдoryн конюшняыс мичаджык сезонникътяслөн барак серти. Дзескыдысла кык судта нарътяс, сёян-юан пуан пач весьтын косътöны тюнияс, купайкаяс, сийöс-көлуй. Барак öтар помас олöны мужичöйяс, мöдар помас — нывбабаяс. Карасин абутöмла рытътясын пемыд, пилаяснысö кеслöны сартаса би дoryн. Сёян оз тырмы, оз тырмы кöрымыс и вöвътяслы. Каменнöй нэм да и ставыс.

— Позьö-ö мыйкö бурмöдыштны матысса кадö?— кузьмös чужöма, кузиник голая, тöдчана бан лыа первой секретар юалис Бочковлысь.

— Тi тöданныд, бокысь вайисны йöзсö öтпырiйö вывтi уна, район та мындасö виччысьны эз куж. Налы дасътöм оланінътяс эз вöвны, а планътяс индiсны гирысьöс, вот и ковмис кодйыны му керкаяс. Öнi накод орччөн стрöитам баракътяс,— висътасис Бочков.— Сэсса, «Комилес» трест зэв омöля могмöдö мянös кöм-паськöмөн. Корам сы мындатö, а мöдöдöны сöмын коймöд пайсö. Сёрнитны кö колхозникътяс йылысь, танi делöыс со мыйын. Сы пыдди, медым быдтыны нянь, вöчны йöv да яй, сикт-деревняса став вермысьсö мырдөн мöдöдöны кер лэдзны. Мед лöсьöдны сы мындаыслы бур олан условиеяс, колö стрöитны вöрас быдса выль деревня. Ме вот пола: йöзтö ваям Таркойтö, а ягдорсаыд кö оз примитны найös?

— Примитасны! Заставитам!— брунган гөлөсөн шыасьліс дун рушкау, глобус кодъ шыльыд да гöгрös юра майор, милицияса начальник Андреев, бюроса член.

...Ягдорсаяс примитісны власовецъясос мырдон тшөктытөг. Деревнясалы найо вöліны прөстө рочъясон, көть и вайом йоз пөвстын вöліны и украинечъяс, и белорусъяс, и литовечъяс, и азербайджанечъяс, и тотаринъяс. Коми мужикъяс кодъ жö мужичöйяс, сöмын ставныс сёрнитісны рочөн-а. Найо тöдісны, мый мездмытöдзныс ковмас на терпитны уна сьöкыдлун. Сьöкыдлуныс вичмис быдöнлы: эз сöмын спецпереселенецъяслы, тшöтш и вужвойтыр-крестьяналы. Колхозникъяслөн олöмыс этша на мыйон торъяліс крепостнöй кадся олöмысь, көть и партия да правительство примитлісны кутшöмсюрö законъяс колхознöй строй сöвмöдöм могысь. Сиктъясын пöшти эз стрöйтчыны, крестьяна мынтісны гырысь вуз-вотъяс, государство ичöt донысь примитліс колхозъяслысь прöдукция; ичöt удждон вöсна сиктсаяс олісны гöля, эз вермыны ньöбны мичаджык көм-паськөм; посни деревнясса ныв-зонлөн велöдчöмыс помасьліс нель-сизим клас-сөн, сöмын кодсюрö вермыліс помавны сыктывкарса кутшöмкö училище либö техникум. Колхозник эз вермыв велöдны ассьыс челядсьö странага гырысь вузъясын. Водзвыв пасъям: сэтшöм семьяслөн, кодъяслы мойвиис пышйыны колхозъяссысь лесопунктъясö либö местнöй промышленность предприятиясьö, лоис позянлун велöдны ныв-писö и Москваын, и Ленинградаын, и Горькийын, и Казаньын...

Эз лöгавны ягдorsa комияс Таркойт посёлок кыпöдысь рочъяс былö. Водзтi кө, кор сэнi уджöдісны лагерникъяссö, сиктсаясöс эз лэдзлыны пырны посёлокас, то öнi серпасыс дзик мöд. Кывсис да, посёлокыс пö лоö ыджыд, көнi кутасны овны да уджавны оз сöмын мырдон вайöмъяс, но и ас окотанас локтысьяс.

Як Марья öдйö и велаліс смоль сьöд юрсиа да сэтшöм жö сьöд синма Богдан дінö. Рытнас изба-читальняысь локтігөн кежавліс энъка ордас, вайöддіс гортас Володя писö. Кык семья былö видзисны мös и олісны йöлөн, а айкаыс могмöдліс зверпöтка яйнад. Роч патерантыс удж былö муналіс водз и бöрсö воліс зэв сёрөн. Як Марьялы жалъ вöлі тайö мортыс: мыйон вермис, сійон и вердіс-юкталіс. Аньлы вöлі дзик веськодъ, кутшöм мыжысь мöдöдöмаöсь сійöс татчö. Квайт во кежлö пö тай, колис пö нöшта вит во. Войвывса лагер бöрад коми нывбаба ордö веськалöмыс курортö веськалöм кодъ. Быд асыв пасьталö шоныд паччöрын косьтöм дөрöм-гачсьö да ыджыд гынкөмсö. Мужик руыс кутшöмкö ног да гажöдіс том дөвалысь керка пытшкөссö. Лун-мöд мысти, жалитіс да, Марья тшөктіс нямöд улас көмавны шоныд вурун носки. Емель Ваньыслөн öд кутшöмсюрö новлантор весь куйлö, нинöмла жалитнысьö.

Ок и гажтöма, мустöма колисны бөръя квайт-сизим воыс Як Марья олöмын. Нывбабаылөн медъюгада дзордзалан кадыс кызьсянь комын арöсöдз. Война, верöсыслөн усьöмыс, батътöм пиös быдтöм, колхозын сьöкыд удж эз сетны Як Марьялы ни долыдавны, ни дзоридавны. Дай шудтöминик вöлі челядьдырыс. Бур көть, ныв туйö пыр пуктісны энъка-айкаыс да. Гашкö, наысь яндысис да, эз на и лöсьöдлы ни öти другöс. А öд сы дінö пондысьясыс вöліны. Ас сертиыс томджыкъяс, но вöліны. Вир-ййыс гияліс, да кутчысис, поліс сьöктöмысь. Öнись Пекла аборттö оз нин вöчав; верöсыс, Спиридоныс, помöдз дугöдіс тайö удж-сьыс. Дерт, вöлі кө верöса, кага-мöдтö эськö Як Марья вайис на, öд Воваыс таво ар мунас нин школаö.

Бордъя ангелö пöртчöм зонмыд сідз эз и эновт Машöös; шочджыка, но век на воывлö войяснас, век на вöзйысьö шебрас улас, и шебрассö вештігкості век палялö. Садьмас да, Педот Надьöлысь шуöмсö кылö: «Этша верöсыдкöд олін, тэн мужик колö!» А дзик на неважөн тешкодъ вöt вöталіс: Машö быттьöкö рушкуасьöма. Повзьöмысла, садьмис да, ньылöмөн тырöма. Шамыртлис кынöмсö, нёньяссö, тап-тапкерис бекъяссö — шебрас улын орччөн нискис-узис Воваыс. «Тэ жö Як Марья, а абу Дева Мария, коді тай сьöктöма Вежа Ловсянь да чужтöма Исус Кристосöс!— ас йывсьыс думыштіс аныд.— Кажитча али ог бара этійö Богданыслы-а? Ачым тай синмас видзöдлыны ог лысьт-а, сідзи и пола син пыдöсöдзыс вöйöмысь. Анна Платоновнаыс, надейнö, нарошнö ме ордö вайöдіс татшöм мича том мортсö. Луннас Öнись Пекла ордö ветла, юала, мый водзö рушкуасян вöтсö вöталі. Бур водзö али лёк водзö?»

Пекла гыöрзъыштöм öшинь дорын печкис. Спиридон нажöвитчö: медасьöмөн таркойтса баракъясын пачьяс тэчö. Мунö и локтö удж вывсьыс патерантъясыскöд öтлаын.

— Кутшöм нин мог, Машук, суис? Сьöктін али мый рочсянныд?— нюжмасьтöг юаліс Пекла да ачыс жö и вочавидзис:— Ог ме перъясь, важөн нин ог.

— Эг ме сы ради лок, ог ме нöбась,— öдйöджык сьöйсис сёрниас Як Марья, но Пекла водзö на ассъыс висьталіс эз ёна мича кывъясөн:

— Тойсясны бөрөн петтöдзныс кодкöд веськалö, сэсся перйысьны локтöны. Кыкөн волісны бөръя вежонас, кыкнанныс льöмдінса уполномоченнöйяссянь сьöктöмаöсь. Жальöсь бабаясыс, но öткажиті, Спиридонысь пола. Öні абу война, мед быдтысьöны.

— Öнисимовна, ме ог нöбась, а вот вöтаси да, быттьö рушкуассьöма. Мый водзö татшöм вöтыс, тэысь бурджыка некод оз висьтав. Вот и локті.

— Вöтнад сьöктöмыд, Машук, бур водзö. Мыйкö выльтор лоас тэнад олöмын, кöсйöмыд збыльмас. А кор да кыз тайö лоас — ассянныд кутас тöдчыны. Эн ылав сöмын патерантыды. Мужикъясыд öд сэтшöмöсь: мусукаласны, сэсся эновтасны дай. Сöмын сэк сетлы, гөтрасьны кö кöсьяс. Йöйöсь ягдорса дöвабабаясыд, уполномоченнöйясыдлы ылалöны да. Воласны сиктад, да нинöм бурсö оз вöчны, добранысö сöмын и нюжйöдлöны.

— Асланыд патерантъясыд оз на Таркойтас вуджны?

— Мед шондöдыштас, сэсся тон вуджасны. Спиридон тай накöд зэв кутіс лöсявны-а, Данилалөн кодъ арлыдаöсь пö. Данила пиыс öд томиникөн на пинскöй война вылад усьöма, нелямынöд воын. Пиыслөн усьöм бöрын и вошласьны кутöма Вассаыс.

— Асьныс нö кодарысьсöсь тиянын олысьясыд?

— Öтиыс, коми чужöм-öбликаыс, белорус, Ярослав нимыс; мöдыс, мугöминик гөгрöс чужöмаыс, тотарин — Муса нима.

— Нимыс Муса?— пырсö эз гөгөрво Машö.

— Да, да, нимыс — Муса.

— Ой, сэтшöм мича нимыс!

— И ачыс абу мисьтöм. Ме кö томджык да верöстöм вöлі, эг эськö татшöм мужиктö прöзевайт. Кöлдуйта да, мед Педот Надьöлы мойвиас дай.

— Гётыртёмось али мый ставныс?

— А код тодас: коді гётыра да абу. Кодкөлун Епимович ор-
дö волісны эсйö погона Чалановыс да таркойтса начальныкыс —
Аркадий Степанович Расовөн шуоны. Ме самöвар пуктылі, вель
дыр варовитісны, венö весиг волісны.

— Мыйыс?

— Чалановыс татчö вайöмаяссö шуö предательясөн, и став-
нысö пö коліс лыйлыны. А Расовыс мöд ног шуö: абу пö ставныс
предательяс, унджыкыс пö эз ас окотанас сетчыны пленад.
Война сувтан воас пö миян салдатъясыд сюрсъясөн веськалісны
немеч кытшад.

Колö шуны, Расовыс кö воюйтіс фронтъяс вылын, то Чаланов
война чöжыс служитіс тюрьмаясын. Отисö со индісны Таркойтö
участкөвöйөн, мöдсö — лесопунктса начальникөн, кöть и сэтшöм
вöрпунктыс абу на. Öнi кыкнанныс олісны Таркойтын; көзяиныс-
кöд сёрнитчöм серти — Спиридон Ефимовичлөн керкаын.

Власовецъяс пиын, дерт жö, вöліны и гётыртёмьяс, и гётыра-
яс. Сöмын тай судьбаныс ставныслөн вöлі öткодъ: кодкö видзöдіс
на вылö кодзыда, кодкö и веськодя. Но мам-батъныслы да чой-
вокыслы найö пыр кежлö колисны асөн да донаөн. Таркойтö
воöмаяслы тавосянь позьö письмöасьны гортсаясыскöд. Öнöдз
найös шыблалісны лагерысь лагерö, вуджöдісны öти местасянь
мöдö, и гортсаясыскöд некутшöм йитöдъяс эз вöвны. Öнi позьö
письмöасьны Ягдорса пошта пыр. Сэні уджалысь Зина Терен-
тьевналөн кывъяс серти, Ягдорсянь абу на мунöма ни öти письмö.

— Менö гортын некод оз виччысь, ме детдомса...— öтиысь
Ефимовичлы висьтасис Муса.— А вот кор мездма, ветла Каза-
ньö, бытён ветла, ме сэні помавлі кооперативнöй техникум.
Бухгалтер ме, Ефимович.

— Тi томось на, ставыс на тiян водзын. Ловйөн кольöмныд,
да и то Енлы пасибö. А вот менам Данилаöй кызь арöсөн пö-
гибнитіс, буретш сизим во сайын, нелямынöд вося певральын...
Сэсся и, видзчысьöй асланыд участкөвöйысь: Чалановыд лёк
морт, нинöм абусьыс вермас удтыны гырысь начальстволы.

Мужичöйяслысь варгöмнысö пыр кывзыліс и Öнись Пекла.
Корсюрö суитчыліс весиг налөн сёрниö, кöть и рочнас сёрнитіс
некытчö туйтöма. Зато асьсö кутіс зэв сöстöма да пелька, öд
куим мужичöй пöвстын сйö öти нывбаба. Абу на пöрысь и зэв
мича! Шылыд чужöма, ковта улас тöдчисны көза вöрасьыс гы-
рысьджык нёняс, джекъя бекъяса. Мöд ног кö, синтö манитана
мыгöра нывбаба. Кутшöм на мича коми аныд ветымын öкмыс
арöснад! Майбыр, эм, кыті кутыштлыны, кыті мелiавны да малав-
ны, кыті окавны. Сöмын тай зэв на этша вичмыліс шудыс кы-
зьöд нэмся коми аньясыдлы-а.

Вель дыр на и лои Öнись Пекла ордын Як Марьялөн пукалö-
мыс. Нимкодълун ылькмуни Машöлөн, нöбасян вöтыд пö бур
водзö да. Изба-читальнясö кö восьтывліс пöшти быд лун, то
клубö пыранінсö толаалöма. Тöвнад том и шөркодъ арлыда йöзыд
кер лэдзанинын, и клубö волысьыс абу. Кор вайлісны кино,
петкöдісны сйös школа залын. Кыдзи и воддза велöдысьыс,
Антонина Николаевна сёрнитчыліс механикыскöд, и челядöс
лэдзлісны залас дон босьттöг.

Керкаыс эськö шоныд, но рытъяснас дзоля көрт пачсö öти

гор тыр ломтывлö Машö. Ломтысигас на Вова радейтö сэн пö-
жавны картофель. И öтарö мыйкö висьталö дядя Богданлы (тадзи
шуö роч дядьöсö), а мöдыс нюмъялігтыр тожö мыйкö шуалö,
сöмын тай оз гөгөрвоны öта-мöднысö-а. Пач вом дорас квайт
карфель чöвтас пöсь пöим пиас, и мед оз сотчы, шом чеплянön
бергöддö. И кор ёна нин банъяс, чепляннас жö и кыскалас —
быдöнлы кык печенчаön: аслыс, мамыслы да дядя Богданлы.
Сэсся дядя Богданкöд шашкиön ворсасны. Шашкисö да морта
журналъяс мамыс изба-читальняысь вайлывлö.

Век жö тölка мортön вöлöма коммунист Расовыд. Дзоньтавтöм
на баракын йöзкöд тöдмасигön шуис: квайт лун пö кутам уджав-
ны синмысь би петмön, а вöскресенньöö — шойччыны. «Шойч-
чöм» кывсö, гашкö и, вунöдлісны нин тайö йöзыс да весиг ош-
кана шыззылісны. Сикт-грездад пырджык пывсьылісны субöтаö
удж бöрын. Но арнас да тöвнас, кор лунъясыд дженъыдöсь и
водз пемдö, мед видзтыны карасин, ягдорсаяс ломтылісны пыв-
сянсö вöскресенньöö. Як Марья кöть и избачалис, эз жö кедзовт-
чыв колхозад уджысь ни тöлын, ни гожöмын. Вель на уна трудо-
день нажöвитліс и энъкаыс — Трепил Иван Öгаш. Энъка-моня
вевъявалисны и кöрым заптыны гортса скöтыслы. Мöскыдлы öд
вель уна турун колö тöвбыд кежлад.

Субöта асыв вöлі, кор Як Марья энъкаыс ордö пырис. Öгрöпена
удитöма нин и мöс лысьтыны, и сёодчыны. Пöжасян пач дорас
ноксис, ваймыштас да вöлисти пуанторъяссö пачас сюяс.

— Емель кык вежон нин вöрын; талун, надейнö, локтас,
пывсян ковмас ломтыны,— шуис Öгрöпена, сэсся чöv олыштöм
бöрын юалис:— Патерант вылад эн на дöзмы?

— Нинöмысь, энъка, сы вылö дöзмынысö. Вовакöд рыт-рыт
шашкиасöны. Талун, энъка, пывсянтö эн ломты. Ме аски ассьы-
ным ломта, миянын ставön пывсям луныюгыднас. Кöсья, патеран-
тыд мед тшöтш жö пывсяс, айкакöд да Вовакöд öтлаын, а то
öтнасöнсö коми сьöд пывсянад оз тöд кыдзи мый.

Öгрöпеналы тайö эз во сьöлöм вылас, кöть и нокайтис. Öти-
кö, сыын чужис öнöдз вöвлыгтöм вежöглун, мый сылön пи керка-
ын, монъыс ордын, олö кутшöмкö бокöвöй морт. Но ветымын
куим арöса Öгрöпена эз дивит том да мича моньсö, коді сы
мында во нин дövуйтö, и эз на кывлы сы йылысь нинöм лёксö.
И сэк жö энъкаыслön вöлі полöм: ылöдас вот тайö «роч шпана-
ыс» Як Марьяöс и вермас кольны чуркаön. А «роч шпанаыс»
öд ныма Як Марьялы, зэв на и лöсяланаöсь öта-мöдыслы.

Богдан туша-мыганас Емель Ваньö кодъ кымын жö: шöркөдъ
тушаа, мешöк картофель öшйымön зумыд пельпома. Машö петис
кумас, кöні ыджыд мамсянныс на кольöм важ сундукын куйліс
Емель Ваньölön улыс и вылыс дөрöм-гачыс. Тайö сундукыс öти
казытыланпом нин и эм, мыйön коркö вöдитчылісны мамыс да
ыджыд мамыс. Колис казытыланпом и Емель Ваньöсянь — тайö
керкаыс да Вова пиыс. А вот верöсыслысь дөрöм-гачсö видзны
нинöмла, кадысла сійö рыжмас, либö воз сёяс, и коркö ковмас
шыбитны. Часлы, аски пывсян бөр кежлас и бөръяс мыйсюрö
Богданлы пасьталöм вылö. Сöмын вот айкаыс мед эськö эз гө-
гөрво, мый тайö кöлуйыс Ваньö пиыслön.

Сергей Емель воис вöрсьыс буретш да вöскресенньöö. Зэв
на и кивыв лоис Як Марьялön бура тöпитчöм пывсяныс. А ва-

сö новлісны и ломтісны пывсянсö Богданкöд öтлаын; водзвыв öлöдіс, кутанныд пö пывсьыны куим мужик; висьталіс, мый сі-йö сэтшöм кунваыс. Емель гозъя локтісны монь ордас сьöраныс тазйöн и корöсьöн, көть эськö корöсьыс Як Марьялöн сараяс сёр тыр. Пывсянö лэччигмоз Сергей Емель жалитіс öтигор: Öгрöпена мозыс лöсьыдасö некод оз куж зыравны сылысь мышкусö. Дай Öгрöпеналысь лайкыд мышкусö некод оз куж шамравны Сергей Емель моз. Сэсся и важöн нин пырöма гозъялöн модаö да, пывсянын кутчысьлöмсö найö шулісны райö волöмön. Лоö мый казътывны, кор пöрысьмасны, а Емельы сöмын на ветымын көкъямыс, унаысь на вевъяласны зыравны гöтырыскöд öта-мöдыслысь мышкунысö, тшöтш и воыны райö.

А талун жар пывсянын вылыс джоджас Георгиевскöй креста кавалер, коми вöралысь Емельян Сергеевич Воробьёвлысь паськыд сьылісö зыраліс вöвлöм сöветскöй салдат-украинец, радöвöй власовец Богдан Иванович Шевчук. Да, быдöнлöн аслас судьба. И быд морт вылын медыджыд судьяыс — Ен!

Öти рытö Богдан корис Машöлысь бумага да карандаш, шуис:

— Чаланов юöртіс, позьö пö гортаным гижны письмöяс.

— Öнöдз эз али мый позь?

— Эз.

— Ладнö, ставыс лоö: и бумага, и карандаш, и конверт.

Куим рыт зунясис письмö вылас Богдан. Сьöкыда сетчис письмö гижöмыс. Гижис украина кыв вылын, көть и бура тöдіс рочсö. Машöлы висьтасьöм серти позьö шуны: сійö интеллигент семьяысь. Войнаöдзыс батыс веськöдлöма Киев обласьтын районса просвещениеöн, мамыс велöдöма школаын. Ичöтджык чойыс велöдчöма видз-му овмöс техникумын, ачыс помавлöма автомобильнöй техникум, но войнаыд вöчис сійöс власовецöн. Богдан лыддис ассьыс сөвесьтсö сöстöмön: сійö эз вузав Рöдинасö — Сöветскöй Союзöс, эз веськöд ни öти пуля сöветскöй салдатлы паныд. Письмöсö шуис мöдöдны сэтшöм адрес серти, көні и овлісны войнаöдз, мамыслöн ним вылö — Оксана Дмитриевна Шевчуклы.

— Бать и мам тшöтшгьяс, таво тырö налы ветымын куим арös, а Юлия чойлы кызь вит. Гашкö, абу нин и ловъяöсь да?— майышмунліс Богдан.

— Мам-батыд, сідзнад, менам энькакöд тшöтшгьяс. Кутам бурас эскыны, виччысьны письмö вылад воча кыв.

— Ме кори мöдöдны воча кывсö татшöм адрес серти: Коми АССР, Льöмдін район, Ягдор сикт, Воробьёва Мария Яковлевнаы. Абу паныд?

— Абу. Тадзи жö колö гижны и конверт вылас.

— На, ачыд и гиж сэтчö и татчö адрессö,— Богдан мыччис клеиттöм на конвертсö Машöлы.— Кöсьян, ме лыддя тэн письмöсö?

— Ог. Мед кольö мен гусятöйöн.

— Збыльысь, эм сэнi öти гусятор. Тэ йылысь гижи.

— Ме йылысь?

— Да,— сьöд пуля моз лэбыштіс Богданлöн видзöдласыс том дöвалöн лөз синъясö.— Тэ ордын ме ачымöс куті кывны ловъя мортön на. Гажтöм лоö мен посёлокад тэнö да Воваös аддзывлытöг.

— Ми Вовакöд тожö кутам гажтöмтчыны. Вай клеитам кон-

вертö и пернапасалам, мед письмöйд аддзас мам-батьö. Аски ме нуа пошта выlö.

— Пасибö. Сэтшöм окота бурлунсьыд аттьöавны тэнö пöся окыштöмөн, да ог лысьт.

— Сизим во нин ме дöва, но ас дінö некодöс на матö эг сибöдды.

— Прöстит, мыйкö кö шуи эг сідз.

— Мый тэ, Богдан? Нинöмысь тэнö прöститнысö, шуин зэв лöсьыда.

— Эг на ставсö шу. Он кö дöзмы, шуа на.

— Шу нин, терпенньöй абү.

— Радейта ме тэнö, Маша. Öтарö полі, мися, менö вöтлан да, а со тай, кык тöлысь нин терпитін. Вермыла-ö мынтыны тэн водзöссö? И кымын водзö, сымын ёнджыка на мусман...

Аньыд чöв оліс. Сійö, збыльысь кö, тайö кывъяссö и виччысис Богдансянь. Машöлы вöлі нимкодъ, öд сы дыра нин эз кывлы тадзи меліа шуöмсö: «Радейта ме тэнö, Маша». А войнас бара на вöталіс тешкодъ вöтъяс, и сы весьтті бара на лэбаліс том зон бордъя ангелö пöртчöмөн, вöзйысис шебрас улас, но шебрассö вештігкості бара на паляліс. Нывбаба тільыштіс синсö, надзöник петіс шебрас улысь, мед не садьмöдны орччөн узьысь писö, и ньöжйöник лэччис гөбöч вылысь. Пыді жырыын узис Богдан, код дінö и кыскис том дöваöс кывйөн висьтавны вермытöм вын. Лэдзалöм лэзь юрсиа, дөрöм мыг кежысь сійö сувтіс пыдіö пыран öдзöс дөрö. Кытчöкө воши и полöмыс, и яндзимыс, сöмын пемыдас кыліс сьölöмыслысь ёна чеччöмсö. Восьт нин öдзöссö, воськовт порог вомöныс! Тэ абү нин ныв, а нывбаба, сідзкö, нинöмла падъявны! Вир-яйнас öзйöм ань йөткыштіс öдзöссö, и сы здукö гөбöч вывсянь кыліс Вовалөн унзіль гөлöс:

— Мам, кудзöй петö, исясьны кöсья...

2

Мартын некымын барак лоис дась. Кык жырыын восьтісны лесопунктысь контора, лоис участкөвöйлөн служебнöй кабинет. Нöшта кык жырыись вöчисны столовöй сямäс: öтарас — ыджыд плитаа кирпич пач, мöдас — сёянін, кытчö сувтöдісны кузь пызанъяс да кузь лабичьяс. Ягдорö овмөддöмъяс пиысь унаөн нин вуджисны Таркойтö, котыртісны бригадаяс и заводітисны пöрöдны да чинтавны вөр. Начальник Расов да милиционер Чаланов пыр на олісны Спиридон Ефимовичлөн керкаын. Таркойтö воліс леспромхозса директор Бочков, видзöдіс ставсö аслас синъясөн, мый вöчсьö вель посёлок стрöитöм могысь. Рытнас вöлі собрание, көні директор юөртіс:

— Коми правительстволөн индöд серти Лёмдін районын шуöма ёна содтыны вөр лэдзöм. Та могысь и кутам стрöитны вель посёлокъяс, көні эськö вермисны бура уджавны да овны рабочöйяс. Таркойт — на пиысь öти. Посёлокын кутасны овны сизимсё рабочöй да служащöй. Семьяс вермасны кыпöдны ашшөръя олан керкаяс. Лоасны тані магазинъяс, больнича, пошта, школа, клуб. Вочасөн мездысям кипом уджысь, воасны тракторъяс, автомашинаяс, лебөдкаяс. Стрöитам ыджыд гараж техника дзоньталан мастерскöйясөн. Вуджъя да пöперечнöй пилаяс

пыдди лоасны электропилаяс; и посёлокын, и делянкаясын кутасны сетны ток передвижной электростанцияс. Татшом аския луныс Таркойт посёлоклон, и аския луныслы подувсö ті пуктан-ныд талун...

Директор сёрнитіс сідз, мед йöзыс, талунъя сьöкыдлунъяс вылö видзöдтöг, эз усьны сьöлöмнаныс. Мед налөн вöлі кутшöмкö да лача: помасяс «пукалан» срокныс, и вермисны бöрйыны — мунны-ö чужан муаныс либö жö кольччыны татчö, Коми муö. Бочков чуйдіс начальниклы: колö пö бурджыка тöдмасыны быд мортлөн войнаөдзса профессияөн да уджөн. И кор пö лоö позян-лун, индыны мортсö уджавны сылөн специальность серти. Тайö эз вöв аслас директорлөн водзмöстчöм, а татшöм индöдыс воис вылісянь. Öд республикаса народнöй овмöслөн ни öти юкöнын, тшöтш и вөр промышленностьын да видз-му овмöсын, эз тырмы-ны бур, велöдчöм кадръяс. Со и шуисны корсьны татшöм йöзсö спецпереселенецъяс пöвстысь.

Таркойт котыртан воö Эжва катыдын воссис нöшта некымын лесопункт да весиг леспромхоз. Öткымынлаын нюжöдісны векни коста көрт туйяс, көні кутасны кыскыны вöрсö мотовозъясөн да тепловозъясөн. А Юсьбöжсянь сизим верстсайса Вадбöж лесопунктын сэтшöм жö көрт туй кузя краж тыра вагонеткаяссö Эжва берегö кутасны кыскыны ыджыд ён вöвъясөн (тяжело-возъяссö шуисны «Комилес» вöвъясөн). Сэні, көні лöсьöдчисны кыскасьны автомашинаясөн, вольсалисны лежнёвкаяс, мöд ног кө, бона туйяс.

Войнабöрся воясö Комиын вөр овмös сöвмöдöмын спецпересе-ленецъяслөн тöдчанлуныс зэв ыджыд. Льöмдін районса лесопунктъясын кызвын уджалысьясыс вöліны власовецъяс. Виль посёлокъясыс кыптисны сикт-грездъяскöд орччөнмоз. Тайö дзи-кöдз конйыштис жебиник, öдва «лолалысь» колхозъясös. Судзся-наджык олöм корсьом могысь деревнясысь йöз кутисны пышйы-ны лесопунктъясö, каръясö, войвывса виль стрöйкаяс вылö. Пышйисны весиг быдса семьяясөн кианыс пашпорттöг и асьныс эз тöдны: бөр бергöдасны-ö, пуксьöдасны-ö? Колхозник вöвлі Комиын медся гöля олысьяс лыдын. И тадзи кутас нюжавны во бöрся во.

Март помын Ягдорын олысь унджык власовецъис вуджисны Таркойтö. Районса веськöдлысьяс көть и пинялісны Расовös вөр пöрöдан кварталса план тырттöмысь, Аркадий Степанович эз дугöдлы стрöйтчан уджъяс. Бригада сöмын на эштöдіс дас вит мортлы öтпырйö тöрмөн пывсян. Местасö индіс Спиридон Ефимович Эжва юлөн нывкös, но ытва улö веськавтöм бере-гын.

Богданлөн мунöм бöрын Як Марьялөн керкаыс быттö шуш-тöммис. Некодкöд лои пашкиасьны Вовалы, рыгтьяснас пиыс дугдіс пöжавны печенча, пыр частöджык узыліс пöчыс ордын. И пыр частöджык юавліс мамыслысь: кор нин волас на ордö дядя Богданыс?

Лунъяс öтарö нюжалісны, шоналісны, югзисны. Шонді пыр вылісянджык дзöръяліс вөр-ва вылö. Виль шыяс, виль тöждъяс вайис аскöдыс виль тулыс. Як Марья тыр пöрадокö вайöдіс клуб. Том йöз дзоньталісны лабичъяс, кильчö перилöяс, парторг Нестеровкöд вильмöдісны клуб пытшкöсса лозунгъяс да плакатъ-

яс, өшлісны странаса вождяслысь портретяс. Рамаын Сталин-лысь портретсö чышкалігөн некыдз эз мын стеклöас, генералиссимуслөн ус весьтö, сибдöм гут сит. Сэки Машö сьöлыштис стеклöас и кöсийс чышкыны дульнас. Казяліс тайöс Нестеров и пöдöм гөлөсөн шуис:

— Мария Яковлевна, абу мича сьöлавны вожды чужöмас. Аддзылас кö татшöмтортö лейтенант Чаланов, пуксьöдас.

— Ог жö сьöлав, чышкала да,— правдайтчис мöдыс.

— Сэсся, Мария Яковлевна, тэн кад нин пырны партияö,— водзö сёрнитис парторг.— Тэ культурнöй пронтвывса уджалысь, сиктса агитатор, йöз пöвстö ленинско-сталинскöй партиялысь шуöмьяссö вайöдысь. Асьтö петкöдлан сöмын бур боксянь, красноармеечлөн дöва, öтнад быдтан пиöс.

— Сійö и лёк, Степан Андреевич, мый ме сизим во нин дöва, мый ме öтнам быдта пиöс, и некутшöм партия оз бырöд менам сьöлöмысь шог-печальсö. Ог пыр ме партияд, Степан Андреевич.

— Жаль, но мырдөн тшöктыны ог вермы.

Ягдорса партийнöй организацияын сöмын вöвлöм фронтö-викъяс, эз на ло примитöма ни öти вель мортöс. Мöдарö на, Никöн Толь да Öртем Ермолай ыршасьöны петны партиясьыс. Оз кö асьныс петны, вермасны на и вöтлыны, оз кö юöмсьыныс да пöдруга видзöмсьыныс öвсьыны. Сэк на, кор вайöм йöз олісны деревняын, колхоз правленнöын вель ёна кыпъялöма Никöн Толь. Гажа юрөн, дерт. Увгöма власовецъяс вылö, пигасö петкöдлөмөн косьöбтöма: со пö налы, предательяслы, ягдорса бабаяс пыдди! Вежөгтö ас сиктса аняьссö на дінö. Гöтыртöм на. Бöрйысьö на. Унджык дöваöс окота видлыны; коді медъёна кажитчас, ськөд и гөтрасяс. Закар Агни сысянь пиöс чужтис, но алиментсö эз судит. Агнилөн лача эм: шöйтас-шöйтас пö да сы дінö на и локтас Толейыс. А кутас кö судитчыны, вермас и не локны. Агни тöдö аслыс донсö, сы вöсна и кутö надеясö. Көть и вайис чуркатö, сійö абу друг видзысь баба. Верöссяныс вот абу сьöктылöма, а Толейсянь регыдөн и көвъясьöма.

Никöн Толь сідзсö нинöмөн оз торъяв мукöдысь, деревняса мужик дай ставыс. Ягдорса мужичöйяс, видзöдан да, унджыкыс мыйлакö нырсермунöмаöсь. Толей абу жö пельдöма землякъяс-сьыс: нырыс гоб кок моз шмака пома. И кор куритчö, тшыныс пуркйö сзсь Эжва катыд ветлысь «Бородино» пароходлөн труба-ысь моз. Толейлөн эм ошйысянтор: сійö вöвлöм фронтöвик; көсьяс кö, любöй нывбаба сетчас. Тадзи думайтö Никöн Толь, кодлөн дуль петмöныс вежыс петö Як Марья вылö. И сэк жö полис: ылöдас вот тайö мича аньсö сы ордын олысь эсійö власовец-ыс да. Удитны колö Машöсö, панийны патерантсö.

Öти рытö, Öртем Ермолай ордын вель чорыда аскурасьöм бöрын, Никöн Толь кöсийсис ёртыслы: көть кыдз, но пöкөритас Як Марьяöс.

— Пöкөритан кö, бур гөтыр лоö Машöйд,— буркнитис другыс.

— Эн тэ менö гөгөрво, Ермолай. Ог ме гөтрасьöм йылысь сёрнит, а мөдтор йылысь, сэсся тон тыдовтчас — гөтрасьны али мый вöчны. Машöйдлөн öшпи эм, Вова нима, Емель Вань-сяныс. Сэтшöм приданнöйыд мен оз ков.

— Сідзкөнöсь, эн и пондысь Машö дінад, оз сибöд сійö тэ-нö ас дінас.

— Сибодас, абу нин од ялавич.

— Сы дыра нин мужиктём, да ялавич кодъ и эм. Оз сійо радейт юысястё, оз тэнё примит.

— Примитас!— асланьыс синіс Никён Толь.

— Оз!— эз сетчы Ермолай.

— Заклад вартам!

— Вартам. Мыйысь?

— Парта самёкурысь.

Долыд сёлёмён Никён Толь петіс Ермолай ордысь, шутля-лігтыр веськөдчис топалём лымья юж туй вывтї изба-читальня-лань. Кадыс сёр нин, но өшинь пырыс төдчыштїс чусалысь би, сідзкө, Як Марья тані на.

— Бур рыт, Машенька! Мися, биа на да, часлы кежала; мися, видзөдла ассым сёлём косьтысьёс,— меліа шыасис Никён Толь.

— Корсянь нө ме лои сёлём косьтысьнас? Тэнад эм нин сёлём косьтысьыс.

— Тэ мен томсянь глянитчан, а вот Емель Ваньлы мойвиин. Öнї ми вермам веськөдны сійо өшыбкасө,— Толя матыстчис нывбаба дінө, көсйис кутыштны кисө, но эз артмы.

— Анатолий Никёнович, тэ талун гажа, аски садь юрөн во-лы. Мен колө томнасьны нин, со пызан вылын томаныс.

— Мария Яковлевна, эн тэрмась. Тэрмасьлёны сөмын каньяс, а тэа-меа — ныла-зонмаяс. А мый вөчлёны ныла-зонмаыд, кор найө ас кежынөсь? Кутчысьлёны да окасьлёны!

— Тэнад эм, кодкөд кутчысьлынысө. Агнюшаыд сэтшөм ми-ча да шань нывбаба, а тэ отарө мыйкө шлөнтялан, абу нин том-а. Пи нин быдмө, а челядь руөн олан.

— Емель Ваньыдкөд ми тшөтшъяяс, сы пыдди и примитлы менө морөс бердад. Тэа-меаысь өтдор некод оз и төдлы,— Толя отарө сибөдчис нывбабалань, кодї вөлі водзяньыс кизя ас кыём шоныд ковтаа, кузь сьөд юбкаа, ас гындөм гын сапөга.— Маш, тэ меным адөй ёна кажитчан, лун и вой тэ йылысь думайта.— Петіс, тыдалө, ку письыс Никён Тольыд и бөрсяньыс сывйыштїс Машөөс: отар кинас шашаритчис нёняс, мөднас писькөдчис бөж улас.— Мед эг дойдав, сетчы ас окотанад, а он кө сетчы — войнас джагөдча и нэм помөдзыд кута тэн каститчыны.

Машө гораа чилөстїс өтчыд дай мөдысь:

— Вешты китө, яндысьтөм бугыль! Аски жө норася Чаланов-лы, и лэччөдас льөмдінса чижовкаө.

Нинөм эз повзьөд ярмөм Никён Тольөс, пыр пыдөджык пись-көдчис аньөн юбка улө. И сөмын сэк, кор Як Марьялөн орис гач вөньыс, нывбаба кватитїс пызан вывсьыс колькъя сьөкыд томансө да колскөбтїс мырдөналысьлы юрас. Буретш сэк посво-дзас кылісны кок шыяс. Дзуртыштїс өдзөсыс, и керкаө пырис... Закар Агни.

— Чилзөм шы кылі, кодөскө, мися, джагөдөны али мый. Вот и кежи, а тані со мый вөчсьө...— шензьөмысла Агни кальквартїс вомсө и вель дыр эз вермы тупкыны, быттьө мегыр сэтчө веськаліс.

— Эг вевъяв гортө мунны, пырис Никён Тольыд да. Бурөн сёрнитөм пыдди гач пиө кутїс пырны. Эг виччысь татшөмторсө, гач вөньюс стервоыд орөдіс. Нёньюс шамыртіс да, надейнө, лөзөдіс.

- Нёнъодзых инмодчыны али мый лэдзин?
- Ковта пыр шамыртис чорыд кабырнас.
- Мыйкө ещö удитис эз вöчны?— вежöглун ышнитис Агнилөн.
- Вöчны öд эг жö сетчы. А мыйөн веськалö вартнытö верми.

Со этйö томаннас и кучки.

— Став бур мужикыс усисны война вылын, а татшöм лöптыс и бергöдчис бöрсö,— Агни, тыдалö, тöд вылас кутис ассъыс усьöм верöссö.— Ноко, вина гаг, видзöдлы менам синмö,— Агни кабыртис мусуксö юрсиöдыс,— мед алимент эг судит, быд лун кöсьян гöтрасьны мекöд, а тэ йöз юбка улö пыран! Но, мый татчö шуан? Кутан кö менö пöрийöдлыны, райкомö норася. Öнi жö кор прöща Машöлысь, и мунам, эн манит мортсö.

— Мыйысь прöщасö корны?— кодысла ли, томаннас кучкöм-ла ли, Толя тэрыба лапйöдлис лазъя синъяссö.

— Гач вöньсö орöдöмысь — со мыйысь!— гөлөссö кыпöдлис Агни.

— Маш, вай пöрччöда гачтö: ме кö орöдi, вай ачим и йита вöньтö, — нурбыльтис Толя.

— Со тэныд, вöнь йитöм пыдди!— кулаксö мыччылис мусукуыс-лы Агни. Босьтис Толейöс сойбордйöдыс, и петисны керкаысь.

Сэк, кор Як Марья воис гортас, ломтысис нин дзöля кöрт пач. Сы дорын киас шом чепяна пукалис Вова, пöжалис квайт печенча. Пызан сайын Богдан листалис изба-читальняысь водзти-джык вайлöм журналъяс.

Аскинас Никөн Толь мунис удж вылас лöз син дора. А сйö да Ермолай скöт картагасын вöчисны дзоньтасын уджъяс.

— Но мый, Толь, Як Марьяыд сетлис?— ки на ки чолöмасьöм бöрын мудера юалис Ермолай, кор ёртыслөн шуйга син горулысь казялис лöз пыкөссö.

— Сетöбтис юрö сiдз, со лöз кырымпас колис менам чужöмö.

— Мыйөн нö тадзисö гөститöдис?

— Колькъя томанөн.

— Ме öлöдлi тэнö: оз сетлы, мися, Машöыд; эн мун сы дiнö.

— Ладнö, ме ворсси тэн парта самöкур. Закар Агни вийöдас, и сэки мынтыся.

Рытнас, Агнилөн корöм серти, Толя бара на мунис изба-читальняö. Тайö пöрийö корны прöща Як Марьялысь. И Як Марья прöститис, и некор некодлы тöрытъя йывсьыс эз висьтавлы.

Вежон кык мысти Никөн Толь да Закар Агни гöтрасисны.

3

Ягдорсаяс посёлокö вайöмаясöс некор эз нимтыштлыны вла-совецъясөн, а шулисны прöстö рочъясөн. Этша мужика деревня-лы вöли веськодъ, кодыас найö, медтыкö эз гусясьны да эз пакöститчыны. Агникöд öтувтчöм бöрын дугдiс скöравны «пришлöй-яс» вылö и Никөн Толь, но нывбабаяс дiнö окочлуныс эз быр. Дай кутшöм мужик овлö веськодъөн анюлов дiнад? Мужикыд сэтчöдз мужик, кытчöдз кутас кыскыны сйöс нывбаба дiнö. Сiдзкö, огö кутöй ёна дивитны Никөн Тольöс.

Посёлокын клубыс эз на вöв, и таркойтсаяс гажöдчыны во-лывлисны Ягдорö. Кино видзöдöмысь öддор йöктывлисны. Нывъяс да том дöваяс колылисны зэв дöвöленöсь. Быд мужичöй пырджык

йоктывліс өти и сійö жö анькөд. Педот Надьöс, вöсни коскөдыс кутöмөн, тшапа новлөдліс тотарин Муса Шаймиев. Як Марья пырджык вöлі украинеч Богдан Шевчуклөн сывйын. Белорус Ярослав Лукашевич, морöс бердас топöдыштöмөн, йоктывліс районса медтом трактористка, ягдорса медводдза комсомолка Нина Распоповакөд — верöс сайö петавтöм нывкөд. Ставныс вöліны донтöминик, омöлик көм-паськөмаöсь, но томöсь да мичаöсь.

Нина Распопова дінö пондысьлісны сиктса зонъяс пиысь то өти, то мөд, но матөсö некодöс эз сибөдды. Деревняын шулісны: Нина пö ассыс тракторсö радейтö ёнджыка зонъясöс серти. И со, том ань быд пöрйö кутіс йоктыны өти и сійö жö морткөд — Минскысь энергетическөй институтса вöвлөм студент, руд кудриа белорус, власовец Ярославкөд. Нина воывліс клубö морöсас югыд наградаөн — война воясö зіль уджысь Юсьбөжса сиктсөветын торжественнөя сетісны сылы «За доблестный труд в Великой Отечественной войне 1941—1945 годов» медаль. Клубö воывлісны йöзыс эз сöмын йоктыны да кино видзöдны, но и аддзысьлыны да варовитны öта-мөдныскөд. Вöвлөм салдатъяс пинжак либö гимнастёрка морöсаныс пысавлісны боевöй наградаяссö. Сиктса том йöз пөвстысь кодсюрö воывліс гажа юрөн, но некор эз вöвлы зык-шум, ставөн полісны югыд погона лейтенант, участкөвöй милиционер Чалановысь. Сылы ар комын, гө-тыртöм, пыр шыльыда бритчөма; и шинель, и погоныввса кизь-ясыс век югыда дзирдалісны.

Войнабөрся воясö сиктъясын и посёлокъясын ёна кутіс сөвмыны художественнөй самодеятельность. Юсьбөжын сьылысь-йоктысьяслысь коллектив котыртіс Ольга Ермолаевна. Рытъясын кагаыскөд гортас пукавліс Георгий Евгеньевич. Коллектив концертъясөн ветлывліс матысса сиктъясö. Ноябрьрса праздник водзвылын воліс Ягдорö. Сэтчөс артистъяслысь сьылөм-йөктөмсö видзöдны локтісны и таркойтсаяс. Буретш сэки клубын пукалысьяс казялісны: лейтенант Чаланов пырис залö Карить Розакөд ки на ки кутчысьмөн. Роза, тыдалö, мича чужөмнас сывдөма участкөвöй милиционерлысь чорыд сьөлөмсö. Кызь куим арöса нывлы повны вöлі нинөмысь. Ирина Көсьтакөд, коді служитö армияын морскөй флотын, эз письмөасьны. Олісны эняныла, батыс усис война вылын.

Изва-читальняын (шуисны библиотекаөн) либö клубын Як Марья манитчыліс вель сёрөдз. Володя пиыс велөдчис первой классын и урокъяссö гортас дасьтөм бöрын мунліс пöль-пöчыс ордö. Удж вывсьыс локтігөн мамыс кежавліс эньякаяс и, эз на кө узь, писö вайөдліс гортас. Декабрпомса вöскресенньöö Богдан локтіс Як Марья ордö водз на. Керка öшинь улас кык додь пес и коліс поткөддыны. Көзайка шуис сёрөнджык ломтывны пывсян. Ывлаас көдзыдыс кызь кымын градус, и колуннад кыдз пу чуркаяс потласисны кокниа. Сиктсаяс чайтісны, кызь көкъямыс арöса Як Марья важөн нин кутчысьлө Богданкөд, но збылысьсö на костын нинөм на эз вөв. Дерт, кутас кө пондысьны, аньыд ыръянитчыны оз кут. Гашкө и, ачыс на водзмөстчас, тырмас терпитны войся ангеллысь дэльөдчөмсö.

Төвся луныд дженьыд, и Богдан зіліс помавны уджсö лунъ-югыднас. Поткөдлөмсö ачыс жö и новліс лэбулас. Тöрыт мам-

батьсö видлыны бöра-водз воліс Елизавета Емельяновна. Лазарь Кузьмичлөн шоперыс вайöдліс «козликөн». Вовалөн заводитчис төвсә каникул, и обыс сьöрсьыс лэччöдіс гөститны Льöмдінö. Сергей Емель вежон нин ыліса вöр керкаын и көсйöма локны Öгрöпена дінас кыйдöсөн Выхь во кежлö.

Богдан казәліс: мир туй кузя талань восьлалö руд гын сапöга, лэдзалöм пеля шапкаа, еджыд пася лейтенант. Гашкö, тöрытсәнь нин Ягдoryн да? Чаланов кепыссьö пöрччылöмөн здоравайтчис Шевчуккöд. Тадзи эз на вöвлы, мед участкöвöй киасьöмөн чолöмасис власовецкöд. Тыдалö, мича Розаыд аслас ныв мывкыдлунөн дзикöдз небзьöдöма милиционерлысь стрöг öбичасö.

Дисциплина да пöрадок кузя Таркойт лои районын медбур посёлокъяс лыдын. Лесопунктса начальник Аркадий Степанович кужис котыртны бригадаяслысь удж, тöждысис коллективлысь оласногсö бурмöдöм вöсна. Таын эм заслугаыс и участкöвöй Чалановлөн, но медыджыд пайыс ягдорса аняслөн, кодъяс во сайын вайöм йöзöс примитисны асланыс шоныд керкаясö. Кывсьыліс, шогмытöм олан условиеяс вöсна районса посёлокъясысь пышйöмаöсь во чöжөн нелямын спецпереселенец. Таркойтса власовецъяс асланыс уджөн зілісны вештыны ассъыныс мыжсö, көть и веськавалісны пленö эз ас көсйöмнас. Тырвыйö мездмытöдз налы колис нель во!

Шевчук висьтасис лейтенантлы, мый сёрöдз кутас отсавны öттор-мöдтор вöчны Мария Яковлевналы и воас посёлокö сöмын асывнас удж вылö петігкежлö.

— Валяй!— кинас öвтыштис Чаланов и чöвтис ассъыс радейтана кывсö.

Як Марья тöдіс, мый Богданыс локтöма узыöмөн, и шуис судзöдны парта самöкур. Пестö поткöдлöмысь öд кызкö колö мынтысьны. Дерт, эз самöкур ради лок Богдан, сідз нин винатöг курыд сылөн том олöмыс. Як Марья йылысь думъясыс оз сетны покойсö Шевчуклы, сэтшöма мусмис сылы тайö коми аныс. Сьöлöмнас кылö тайö радейтöмсö Як Марья и виччысьö стрöка, кор вермас вочавидзны радейтöмөн жö. Самöкуртö деревняад вийöдöны унаөн. Код ордö ветлыны? Мед эськö эз паськав сёрни: Як Марья пö роч другыслы самöкур вöлі корсьö. Закар Агни чорыд аскур вийöдö, но Толейыс, надейнö, гортас, дай дзоля кага налөн. Абу лöсьыд сы дінö шыöдчыны. Гашкö, пöдругаыс, Педот Надьö, мездас? Шоча, но вöчö жö корсюрö ас винатö. Сы ордö и муніс.

— Выхь во кежлö вийöді парта-мöд,— шуис Надьö.— Висьталан кө, мый могысь тэн ковмис, сета.

— Богдан пес поткöдліс, сылы колö.

— Пемдö нин, а век на тан али мый?

— Узыны көсйö.

— О-о, та ради ме кык парта верма сетны.

— Öтиыс тырмас. А Мусаыд эз воы?

— Воліс. Гын сапöгсö батьö утьяліс, лунтыр мыйкö кургисны-сёрнитисны. Неважөн на и муніс, катыдпомöдз кольбöді.

— Чаланов тай тані жö вöлі-а.

— Карить Розаыд сылысь синсö пöртöма. Гөтрасьны пö көсйöны.

— Медъя, медъя. Зэв на и бур, Чаланов кө ягдорсалы зятьөн лоас.

— Асланыд нө Богданыдкөд мыйкө гынмө оз?

— Висьтасьліс, радейта пö. Ачым эг на вочавидз.

— Тэ вочавидз. Тырмас манакиня моз овны. Абу ми мыжаоьсь, мый томөн колим дөваясөн. Воваыд гортад али пöчыс ордын?

— Лиза обыс тöрыт Лёмдінö лэччöдіс. А тіян нө көнөсь?

— Власик ыджыд батыскöд конюшняын,— Надьö восьтіс гөбöч öдзөссö, джаджыйсь судзöдіс дөра пробкаа сулея.— На, тавой мед лоас тіян юмов вой.

— Тіян вöлі нин Мусаыдкөд сэтшөм войыс?

— Эз на. Гозйöдчывнысö некөн.

Гортас локтіс Як Марья питшөгас парта аскурөн. Ломтіс дзоля көрт пачсö, вой кежлас век ломтывлö. Пывсян пачыс ваймытөм на, юрийыв öшиньыс тупкытөм. Богданлөн пыригкежлö көзйяка нурьясян дасьтіс. Пуксисны пызан сайö воча ныр. Мужичöйлы гранья стöкан тыр кисьтіс курыдторсö, аслыс — стöкан джын.

— Пасибö пестö поткөдлөмысь,— шуис Як Марья, лэптіс стöкансö.

— Аслыд ставсьыс пасибö. Лун и вой ме думайта тэ йылысь; кор мездма, тэ дінысь ме некытчö ог мун, примитан кө. Вовалы бать пыдди лоа.

— Примита. Дыр кө он воы, гажтöмтчö Володя, батьсö öд сійö эз тöдлы. И ачым гажтöмтча.

Видзöдісны лöза-сьöд синьяс öта-мöд выланыс — кызь көкъямыс арöса коми ань Як Марья да ськөд тшöтшья украинеч Богдан — и думсьыныс жалитісны öта-мөднысö.

— Таысь унджыксö ме ог ю, мен водз ковмас чеччыны,— кыкысьөн тыртöммöдіс стöкансö Богдан.

— Час кык мысти пывсян и вьлөн чужөм морт кодь лоан,— көзйяка чеччис пызан сайысь, пытшкөс комнатасьыс петкөдіс дөрөм-гач.— Менам верөсöй тэ кодь туша-мыгаа вöлі, ставыс тэн лөсялас. Вывсьыд ставсö пөрччан, да ме пєслала, а тайöс пасьталан.

Дзоля көрт пач öдйö сетіс шоныдсö, и керкаын оняліс. Пызан вывсö эз идрав, Як Марья бара пырис пыді жырьяс. Здук-мөд мысти кыліс көзйякалөн джын гөлөсөн шуөм:

— Богдан, пывсьөм водзвылад верман шойччыштны, ме дасьті вольпасьтö.

Мужичöй пөрччис гын сапөгсö, ас кыөм джодждөра кузя тапиктіс аслас узыланінö. Крöвать дорын сулаліс еджыд дөрөм мыг кежысь көзйякаыс, көмтөм, мыш вылас лөзыгөдөм кузь сьöд юрсиа.

— Ме тöда, тэ полан ме дінö инмөдчыны. Тайö здуксянныс верман не повны,— ань пырис шебрас улас.

Сизим во да джын колис сэксянь, кор Як Марья медбөрьяысь узис верөсылөн сой вылын. Томлуныслөн медбур кадыс колис дөвуйтөмөн. Як Марья абу пуысь вöлалөм нывбаба, а радейтны кужысь яй сьөлöма ань. И öні сійö тырвийö петкөдліс Богданлы ассыйс нывбаба меллунсö, мичлунсö и чөскыдлунсö. Со пö кутшөм на лөсьыд дөва-нывбабаыд!

— Тэ шойччы, ме пєтавла пывсянö, юрийыв öшиньсö тупка, мед сэсся төпитчас,— пасьтөм Як Марья пуксис крöвать дорышö, öні кыліс асьсö бордья ангел кодь кокниөн. Богдан нөрыньт-

ліс на крөөватяс и быдлаті окаліс да шыльодіс. Нывбаба лесьт кань моз и гатшасьліс, и кымынясьліс, и корсюрё лосьыдысла ымөстліс. Енмөн вөчөм медся мичаыс да мусаыс му вылас — Нывбаба. Сөмын тай войнаыс, гөлиник олөмыс кадысь водз нюкыртісны аняясльсь сьөлөмнысө, колис сьөлөманыс зөлитана дой. Но колө овны водзө.

Төпитчөм бөрас пывсянө водзджык лэччис Як Марья. Век жө поліс, мед эськө некод эз казяв мусукускөд өтлаын пывсьөмнысө. Регыд мысти пывсянө пырис и Богдан. Джоджас, порог дорас, чусалыштіс карасина лампа. Саөн вевттьысьөм стенъяса, из горъя сьод пывсяныс Як Марьялы да Богданлы өні кажитчис му вылас медъягыд дворецөн.

4

Конюк Педьлөн конюшняса медся яр уж моз кыккокийыв лэбө олөмыс. Воліс дзоридз дукъяса, сялыгысь гөлөса тулыс, пукалыштіс му вылас юмов озъя да чөдлач синъяса гожөм, вежис сійөс тшака-вотөса ар. Сэк, кор гора гөлөса турияс джуджыд енэжті лунвылө лэбигөн прөщайтчисны чужан муыскөд, Як Марья чужтіс нывкаөс. Бабитчис Педот Надьө, коді и лоис кагаыслы гөгиньөн. Сёрнитчисны Богданкөд да нывкалы сетісны ним — Люда. Як Марья лэччыліс Юсьбөжө кагасө чужтөм йылысь бумагала. Свидетельствоын пасйисны тыр ним-овсө да овнасө: Шевчук Людмила Богдановна.

Жытниксьыс Як Марья пыртіс мичаа серлөдлөм потан, кодөс вөчліс Емель Вань аслас медводдза и медбөръя пиыслы — Володялы. Дзик выль нюдз лайкан вайис да крепитіс ыджыд жырса пөтөлөк бердас Тикөн Опонь. Мөдөд классын велөдчысь Володя Воробьёвлөн лоис чой, сөмын вот абу өткодь оваөсь да вичаөсь.

Война кусөмсянь нель сайө во, и тайө каднас сиктын чужисны выль нывкаяс да зонкаяс. А найөс чужтісны кага вайны вермысь ставсикас арлыда анюловыс: өтияс — верөссянныс, мөдъяс — мусуксянныс, коймөдъяс — таркойтса рочьяссянь, нельөдъяс — льөмдінса да юсьбөжса уполномоченнойяссянь. И эз вөв өта-мөдөс некутшөм дивитөм. Та вөсна и эз кус Ягдорын олөмыс. Оттшөтш артмисны и выль семьяс. Ноябрьса праздник водзвылын Карить Роза да милиционер Чаланов гижисны. Сэки жө участкөвөйлөн погон вылын содіс өти звёздочка, и лоис Чаланов старшөй лейтенантөн. Таркойтсянь сійө вуджис овны гөтырыс ордө.

Сиктсалөн корөм серти Ягдорын восьтісны крестьянскөй керкаын ясли-сад. Быд ногыс отсаліс сиктсөвет. Керка өтар джынъяс кутісны видзны посни челядьөс, мөд джынъяс — гырысьджыкөс. Кага видзсысясөн индісны Педот Надьөс да Карить Розаөс — Роза Чалановаөс. Яслиө новлөдліс мамыс и Людаөс. Богдан өдва виччысьліс удж помасьөмсө, мед өдйөджык локны кутыштны моздорас ассьыс кагуксө. Сэк, кор Як Марья библиотекаын, Людаөс гортас босьтліс Педот Надьө. Но рыгтьяснас медсясө вөдитчылісны кагаөн Володя вокыс да Ягдорө пөшти быд рыт воливльысь Богдан. Посёлокын помалісны стрөитны техника видзан да дзоньталан ыджыд гараж, и Богдан Шевчукөс,

кызди автомеханикӧс, лесопунктса начальник индіс веськӧдлыны гаражӧн.

Кызди и водзті, тӧвса тӧлысьясӧ тӧдчанаджык мероприятияс мунлісны эз клубын, а школаын. Сэні и пасйисны великӧй вождь Стаины 70 ар тырӧм. Волісны и челядь, и колхозникъяс, и найӧ, кодъяс уджалӧны Таркойт лесопунктын, но олӧны Ягдорын. Вождь йылысь нейджыд доклад вӧчис парторг Нестеров. Степан Андреевич кужис лӧсыда сёрнитны, кӧть и ёна пӧръясис; йӧз кывзісны сійӧс вомнысӧ кальквартӧмӧн. Октябрёнокъяс да пионеръяс сьылісны сьыланкывъяс; нельӧд классын велӧдчысьяс — нывка да зонка — ӧта-мӧднысӧ вежлалӧмӧн лыддисны Стаинӧс ошкана-лэптана кывбуръяс Яков Рочевлысь да Серафим Поповлысь. Шызылісны йӧзыс, кор нывкаыс лыддис кывбур, кӧні висьтавис Стаинлӧн Комиӧ волӧм йылысь. Быттьӧкӧ вождьыд лэбзылӧма ӧти районса лесопунктӧ вӧр лэдзны, отсалӧма тыртны плансӧ.

— Мыйла эськӧ Ӗсип Писсароновичыс миян Ягдорӧдз эз волы? — кыліс Конюк Педьлӧн кыз гӧлӧсыс. — Воліс кӧ, гашкӧ, эськӧ колхозаным вель конюшня отсаліс стрӧитны-а. Важ эжваса свежӧй черинад эськӧ гӧститӧдім и.

— Степан Андреевич, надейнӧ, тӧдӧ, мыйла эз волы Стаиныс Ягдораным, — шысальіс нывбаба.

— Тӧда, ӧртъяс, тӧда, — сувтлӧмӧн шуис Нестеров. — Коми муным паськыд, а Стаиныд му шар пасьтаыс ӧти, быдлаӧ воыны эз удит. А вот мӧдысь волігӧн кежалас, сэки и гӧститӧдам и ягдорса самӧкурӧн, и свежӧй, и сола чериӧн.

Йӧзыс клопайтісны, медьёна кекӧначасис старшӧй лейтенант Чаланов, коді пукаліс воддза радас нюмъялысь гӧтырыскӧд орчӧн. Во-мӧд сайын кӧ, Стаинтӧ самӧкурнад юктавны кӧсийӧмысь Чалановыд эськӧ вермис и лэччӧдны Нестеровӧс льӧмдінса чижовкаӧ. Милиционер ягдорсалы кутіс лоны ас мортӧн. Со ӧд кызди радейтӧмыд вежӧ морттӧ! Районса газет сетіс юӧртӧмъяс, кӧні да кызд пасйисны вождьысь юбилейсӧ. Вӧлі тшӧтш индӧма: Иосиф Виссарионович Стаины сиӧм гажа рыт пӧ муніс и Ягдорын.

Локтан вося гожӧмнас гырысь вежсьӧмъяс лоисны сиктьясын. Ичӧт колхозъяс пыдди котыртісны Ленин, Сталин, Калинин, Молотов, Маленков, Хрущёв, Берия, Жданов нима ыджыд овмӧсьяс. Ягдорса «Заря» колхоз ӧтутны вӧлі некодкӧд, и сӧмын коми ног шуисны нимсӧ, и лоис «Кыа». Быд овмӧсӧ индісны вель юралысьӧс. Колхоз нимъяссӧ да юралысьяссӧ вынсьӧдіс партия райкомлӧн бюро. Анна Платоновналӧн предалӧмысь пӧтӧм бӧрын ягдорса колхозӧ вайисны нин коймӧд юралысьӧс, бара боковысь. Чукӧртлісны колхозникъяслысь собрание, но мода вылас. Райкомса инструктор воліс, сійӧ и вӧзйис да тӧдмӧдіс вель предкӧд: шуӧны пӧ Алипий Артемьевичӧн, уджалӧй пӧ зіля да дружнӧя.

Людалы куим ар тырӧмсӧ Шевчукъяс пасйисны ыджыд кыпыдлунӧн. 1952 во помын странаса ӧкмысдас сюрс власовецӧс мездісны вӧвлӧм мыжысь, и найӧ лоисны странаса тыр правоа гражданаӧн. На лыдын и таркойтсаяс. Найӧ, кодъяс эз йитны олӧмнысӧ коми аньяскӧд, мунісны чужан муаныс. Но унаӧн и

кольчисны. Юсьбѡж сиктсѡветын гижсисны да лоисны законнѡй гозъяясѡн Як Марья да Богдан Шевчук, Педот Надѡ да Муса Шаймиев, Нина Распопова да Ярослав Лукашевич. Куимнан аныс босьтисны овнысѡ верѡсныслысь. Татшѡм гозъяясыс кыртчисны районса став лесопунктас, кытчѡ вайлісны власовецьясѡс. Коми ова аныслѡн лоисны татшѡм овъяс: Зубаревич, Лях, Зейналова, Ойнус, Дубровина...

Гижсьытѡдзныс на унаѡн чужтисны челядьѡс, кодъяслы сетисны батыныслысь овнысѡ. А Педот Надѡ сиктсѡветѡ муніс Мусаыскѡд ыджыд кынѡмаѡн. Ветымын коймѡд वोся февральын комын кѡкъямыс арѡса Надѡлѡн чужис нывка, кодлы сетисны ним — Карима. Воддза верѡссияныс, Пантелеймонсяныс, Вла-сик пиыс велѡдчис нин сѡк Лѡмдінса шѡр школаын. А Володя Воробѡвѡс мамыс да Богдан дядьыс водзѡ велѡдчыны лѡчѡдісны Юсьбѡжѡ.

Сталинлѡн кулѡмыс эз парализуйт сѡветскѡй йѡзлысь олѡмсѡ. Пракмунѡм йывсьыс юѡрыс ѡтиясѡс уськѡдіс шогѡ; а мѡдъяс, кодъяс веськавлісны вождьлѡн ѡсь пиня кык изки костѡ, радлісны. Ягдорын, пѡжалуй, эз ѡшйы инас сѡмын парторг Нестеров. Ѳд эз вевъяв волены Иосиф Виссарионовичыд Ягдорѡ, эз вевъявны гѡститѡдны вождьѡс ни самѡкурѡн, ни важ эжваса чериѡн. Сы пыдди комын во чѡж ыджыд странаѡн веськѡдлігѡн Сталин удитіс пуксьѡдны да лыйлыны крестьянѡс, рабочѡйясѡс, попъясѡс, учѡнѡйясѡс, военачальникъясѡс, писательясѡс, артистъясѡс, политикъясѡс, партийнѡй да сѡветскѡй уджалысьясѡс — мужичѡйясѡс и нывбабаясѡс. И сѡк жѡ сы веськѡдлѡм улын лои шедѡдѡма Великѡй Отечественнѡй войнаын победа. Мѡд ногыс и лоны эз вермы. Ѳд ворссис кѡ странаным, Гитлерыд эськѡ Сталинтѡ ѡшѡдіс кремльса медджуджыд башня йылас. Со мый вѡсна и Сталиныд эз жалит ассъыс салдатъяссѡ: кѡть кутшѡм донѡн, но коліс победа. Сідзкѡ, Сталиныд медводз дорйис ассъыс олѡмсѡ миллионъяслысь олѡмсѡ воштѡмѡн.

Уска грузин Джугашвили бѡрын партияѡн во джын веськѡдіс паназыр кодъ тшѡг чужѡма рѡч Маленков. Но креслѡ вывсьыс сійѡс зырыштіс мольыд юра хохол Хрущѡв. Страна пасьтаысь Комиѡ ыльѡбтісны вербованнѡйяс. Думсьыныс локтісны ыджыд нажѡткала кутшѡмкѡ кад кежлѡ, а унаѡн кольчисны пыр кежлѡ. Быдмисны-паськалісны каръяс, промышленнѡй предприятиеяс, вѡр лѡдзысьяслѡн посѡлокъяс. Вежласисны веськѡдысьяс, колхозъяссянь босьтѡмѡн да ЦК-ѡн помалѡмѡн.

Ѳтарѡ быдмис-мичаммис Таркойт посѡлок. Эжва берег пѡлѡныс унаѡн босьтчисны стрѡитны ашѡр оланінъяс. Юлань видзѡдысь ѡшиньяса лѡсьыдик керка лѡптис и Богдан Шевчук. Кыптисны посѡлокын клуб, школа, столовѡй, пошта, вѡчисны волейболѡн ворсан кык площадка. Ветымын квайтѡд воын, Людалѡн первой классѡ мунан воѡ, Шевчукъяслѡн семья Ягдорсянь вуджис овны таркойтса выль керкаѡ.

Сійѡ воыс сѡветскѡй йѡзлѡн олѡмын лоис паметьѡ коляна: февральын КПСС кызьѡд съезд вылын Хрущѡв вѡчис Сталинлѡн культ йылысь доклад. Гожѡмнас Москваын петысь став газетъяс йѡзѡдісны КПСС ЦК-лысь юнь 30 лунся «О преодолении культа личности и его последствий» постановление. Сѡветскѡй Союзын Сталинѡс Ен туйѡ пуктѡм помасис. Аминь!

Странаон водзё на веськөдліс верной ленинец, дона Никита Сергеевич, кодлөн юрнуөдөм улын партия да народ стрөитісны СССР-ын коммунизм. Стрөитісны и адмовысланнойяс, и тюрьма-ясысь мездөмъяс да прөституткаяс, кодъясөс Льөмдін районө вайисны мукөд обласътъясысь гырысь чукөръясөн, а сэсся разө-дісны лесопунктъясө. Таркойтө вайисны вöрын мырдөн уджөдөм могысь мича чужөма, джаджъя бекъяса нель прөституткаөс. Лун-мөдөн найө асланыс гөгулөн висьмөдісны нель зонмөс, и найөс, висьмөдысь анясыскөд өтув, лэччөдісны Сыктывкарө бурдөдчыны.


Өтпертаса олөм олісны ягдорсаяс. Колхозникъясыд көть и эз нин тшыгъявны, но озыра олөм-вылөмөн ошйысьны эз вермыны. Да начальной школа бöрын унджык ныв-зон кутісны велөдчыны водзө. Сідз, медым помавны шөр школа, Владимир Воробьёвлы ковмис велөдчыны Ягдорын, Юсьбөжын да Льөмдінын. Ветымын көкъямысөд воын дас класс бура помалөм бöрын Володя пырис Ленинградса государственной университетө. Кыдзи и мөвпавліс школаын велөдчигөн — журналистика факультетө.

— Велөдчы, көні көсян и мыйта көсян. Дядьыс пыр кута отсавны,— эскөдіс Богдан Иванович и кутіс ассъыс кывсө.

Водзвыв пасъям: вөвлөм власовецъяс пиысь унаөн лоисны уджыввса ударникъясөн, коммунистической партияса членъясөн, асланыс водзмөстчөмөн нажөвитісны орденъяс да медальяс.

Водзё лоө на.





Чолөмалам!

Моз (август) 21 лунö нималана коми гижысь, кывбуралысь Вячеслав Бабинлөн чужан лун.

Творчество чös туйöдыс Вячеслав Леонидович восьлалö дас сизим арöссиянь нин. Гижны окотитöмыс вайöдіс сійöс Кулөмдін районса «Парма гор» газетö. Журналисталигөн Вячеслав Леонидович медводз велөдчис вöдитчыны перöөн ыджыдджык гижысь-вокъясылысь, а регыдөн и ачыс пондіс чуйдöдны томъясöс — босьтчис веськөдлыны газет бердын лöсьöдöм литература котырөн.

Перö улысь петысь сылөн став гижöдыс — сёлөм-ловсяныыс. Быд аслас лыддьысьысь дорö, верстьö көть посни дорö, Вячеслав Бабин матыстчö кывкутöмөн, вежавидзöмөн, аслыснога да пыдісянь мөвпалöмөн, ыджыд кужöм-сямөн. И сэк жö кывбур-висьтъясыс сылөн артмöны кокныдöсь, кыпыд руаёсь, лöсьыдöсь, гөгөрвоанаёсь да дзик пыр и сибöдöны ас дорас.

Быдлаысь ылькйöмөн ылькйö сөдз, мыла, шоныд, чöскыд коми кывйыс.

Чолөмалам Тэнö, Вячеслав Леонидович, тишупöда пасён. Сиам ыджыд вын да ён эбös сьöкыд, но кыпыд гижан уджын! Уна на верстьö да зонпосни лыддьысьысьöс гажöдны-нимкодйöдны небөгъясөн!

КОМИ РЕСПУБЛИКАСА ГИЖЫСЬ КОТЫР,
«ВОЙВЫВ КОДЗУВ» ЖУРНАЛ РЕДАКЦИЯ.

Ставыс сьолём шөрө инмө

* * *

Ставыс на тай сьолём шөрө инмө,
Көть и шулөмаось, яйыд пө оз пот.
Чизыр биыс, коді тэнад синмын,
Ньөвйөн сатшис буретш сьолём дінө.
Кыдз нө сійө лачатө оз сот?

* * *

И кедзовта, и вежавидза,
И ёма кодъ, и ставсьыс мича,
И ковтөм дзик, и медся колана.
Тэ веськодъ мен. Но талун волан-ө?

* * *

Лымйөн тырөма кильчө пос дорөдыс,
Быттё чышкыны роскыс и абу.
Бура төдчө на: төрытнас сөрөн
Кодкө кок туйсө кольөма тшапа.

* * *

Муна татысь, да кодкө кө казътыштас,
Мед жө бурсө, мый вөчи, оз вунөд.
Мед жө син дорыс этшаник вазыштас,
Со пө кутны эг вермөй, да муніс.

Вөлі олөм чөж паныда вой төлыс,
Некор ньылыдсө мунны эз мойви.
Мыйла эськө и вир-яйөс дойдалі,
Мыйла весьшөрө песлалі сой вын?

Нинөм быттё эз шед меным олөмас,
Но век йөзыскөд нянь-совтө юки.
Муніг лоас кө кодлөнкө волөмыс,
Мед жө бурыс оз вун тайө здукө.

* * *

Полі, виччыси да манитчи,
Быттё медся донаторлань сині ме.

И со донаторйыс пасьмуніс, кыдз клянича,
Ќти здукѡн сійѡ пѡрис нинѡмѡ.

Мыйла эськѡ коліс повны-педзнысѡ,
Киын нин ѡд вѡлі, а ме — йѡймывлі.
Ќні сэсся чукѡртнысѡ-тэчнысѡ
Торпыригсѡ ѡдвакѡ нин слѡймывла.

* * *

Тэ быттьѡ мѡдлапѡлын
Быдса во.
Ме эськѡ вуджи тэлань,
Да эг во.
Тэ кѡнкѡ быттьѡ руын —
Пель ни син.
И руас тэ эн мекѡд,
Мѡдкѡд аддзysin.

* * *

Морттѡ олѡм песлалѡ быд ног,
Ќти шогыд кыскѡ на мѡд шог.
Он тай тѡд, мый лоѡ — абу тун.
Сѡмын вѡвлѡмаыс вѡтыд моз оз вун.

* * *

Пузчужѡм кага моз лимзалѡ-бѡрдѡ,
Быттьѡкѡ вунѡді нѣнюксѡ сетны.
Быттьѡкѡ потаныс — дзескѡдысь йѡртѡд,
Чужъясьѡ-пессьѡ, мед рузумсьыс петны.

Ог кѡ ѡд бурѡд, лѡзѡдас-семдас,
Моздорѡ кагуксѡ колѡ жѡ босьтны.
Музаѡй, керкаыс тѡрытcянъ пемдіс
Сыысь, мый ѡшинъ эг слѡймы тэд восьтны.

* * *

Дзодзѡг-юсьясыс бокиті лэбисны,
Важ моз пѡткасьыс вадйыс эз гыв.
Гашкѡ, тырмидз эз ло налѡн эбѡсныс,
Гашкѡ, повзѡдіс пицальяс шыыс.

Воис тулыс, да чайті, мый лѡньѡда
Помея эскысь, но мудзѡм нин лолѡс.
Кѡджті-ластаті лачаѡй гѡнитіс,
Суніс Эжваѡ, тадз пѡ и тэд колѡ.

Дзодзѡг-юсьяс ас вадъяс эз пуксьыны,
Тадз жѡ лачаѡй ме дорысь муніс.

Кодкөд тувсовъя шоглуннас юксыны
Татшөм мича, но нормодысь лунö?

* * *

Сөдз заравасö туисö ме вийöдi,
Эг дойдав кызсö, öти ув и чегыштi.
А босьтi джынйöдз тырöм дозсö киö да,
Мен кыддзыс быттö көритöмөн векрыштчис:

— Тэн, мортöй, оз нин тырмы öмöй юаныс?
Мун ассыд гөлкйы суртö, ырöш-винатö.
Мый дзоньвидзалун корсьны локтiн, шуан-ö,
Öд пакöститчан сöмын вöрыс дiнын тэ?

Став парма-ягсö важөн бертiн-гугöдiн,
Тэн кубыс-рубис, вöлөм, ёнджык колана.
Кор увйöс чегин, менсьым олөм жугöдiн.
А аслад торксяс мый, он пов ли полан-ö?



Телефон

В И С Ъ Т

— Этадзи мөжган! А керка тыр семьянас нö кызди бергöд-чылiн? Татшөм нюжмасьöмтö менам Сава Öльöшöй терпитны оз вермы. Лок нiн, лок, кытчö эся сибдiн?

Педöр Степан Анна талун асывсянныс дöзмöма пöчук вылас. Чеччöмсянныс кималасөн легöдыштiс мыссян чумансö, тяткöд-чыштiс моньпунас лышкыда выялөм да песокалөм манка рокөн, а сэсся пыр на со ропкöдчö. Во куим нин сiйö нинөм оз аддзы. Кыдзкö зэв öдйö синтöммис. Некутшöм öчки эз отсав, да и операцияыс лой весьшөрö, көть эськö пиыс и ас кадö быттö нулiс карас. Öнi бедь отсөгөн тапъялыштö на керкаын, а ывлаö петкöдны колö киöдыс нин. Ывлаас вöзйысьлö луннас куимысь-нельысьöдз. Кыдзи сöмын оз дышöд моньпусö помся пасьтöдöм-пöрччöдöмыс? И öшинювса лабич вылас пукалöмсö на колö кы-йöдны: беддыс век нуöдö-кыскö кытчöкö. То суседъяс йөрöдз пыртöма олöма морттö, то мир туй вылөдз пышйöдöма. Дерт, дзик кагакöд моз ноксыны кадыс некодлөн абу жö: пиыс лун кост мысьт стөрöжалö, моньпуыс яслиын завхоз, быд звукö вермасны чукöстны. Бөръя кадас ёнджыкасö Анна öтнасөн и олö. Стöчджыка кө, пöчукуыскöд. Гажтöмысла ли, кодкöдкö сёр-нитны коланлунысла ли, лöсьöдiс тыдавтöм вомъёртсö кольöм воын. Иван локтiс удж вывсьыс и керкаас пыртöдз на кылiс мамыслысь кодкöдкö гораа сёрнитöмсö. «Öдзöсыс таса, выльөн усьöм небыд лымъя пос помыс кок туйтöм. Кодкöд нö тадзсö варгö?»— шензис том мужичöй. А пырис да, мамыс аслас жыр-

йын койка вылас пукалӧ, ӧти киӧн вом дорсӧ сайӧдӧмӧн зэвгылыда варовитӧ. А мӧд кинас ӧвтыштӧ на: «Локтан ӧд? Но, лок, лок. Ме ӧшинь улын кута виччысьны. Да ӧдйӧджык, эн ылав бара. Парась Агниясӧ менӧ петкӧдлы. Нылыс пӧ локтӧма. Видзӧдлыны колӧ. Сійӧ пӧ апарация жӧ син пӧлас вӧчӧма». Иван ӧтилаӧ кыйкнитліс, мӧдлаӧ, но некод абу. Вӧлисти гӧгӧрвоис: мамыс вошласьӧ нин. Ачыс аскӧдыс сӧрнитӧ. Со ӧд пӧрысь-луныд кутшӧм. А сідзсӧ ӧд, кор гортынӧсь ставӧн, кывйыс оз пышъявлы. Тыр вежӧрӧн юасяс-висьтасяс, велӧдыштас на ичмонь гозъятӧ.

Сэксянь пӧчуккӧд эз нин торъявлыны. Кодкӧд нӧ колявны дзурс пемыд лун-войсӧ, кор орчӧн лов шы оз кыв? Кодлысь юасьыштны сиктса выльторъяссӧ, кодлы бӧрдыштны шог-дойнас юксигмоз?

Кор дыр висьӧм бӧрын кувсис верӧсыс, шуштӧм лои быдтор на вермысь-керысь Педӧр Степан Анналы кык вежӧса ыджыд короминаын. Узьтӧм войясӧ лыддьӧдлӧмӧн лимзалӧмысь, петтӧм нин синвасӧ пычкӧмысь, гашкӧ, и ваймисны синъясыс. А ӧд сюсьӧсь вӧліны. Кер пилитанінад примитчис да, он, небось, нинӧм сыысь дзеб. Баланс, «капрон», фанера,— ставсӧ торйӧдны ӧти видзӧдлас тырмыліс. Сісь пипутӧ лента вывсьыд ӧдйӧ и тшӧктас йӧткыштны, ачыс кӧть сулалӧ транспортӧр помас. И вотчигӧн сыысь сюсьыс эз вӧв: мырпом-чӧдъя, тшака-пувъя наберушкаыд Анналӧн дасысь нин пӧрлӧма дозъяс-пестерас, а мукӧдлӧн и пыдӧсыс на абу бердлӧма. Либӧ со верӧсыскӧд кыбны ветлывлісны. Анна бӧжалӧминсяньыс бурджыка аддзис черисӧ яръягыд биа «кӧза» дорын азыласа Сава Ӗльӧшысь. Индас вӧлі: «Тонӧ, тонӧ, кокора бердас! Сир кӧ-а. Сатшкы нін, сатшкы!» А верӧсыс пыж ӧтар боксьыс видзӧдӧ, оз казаяв. «Бара на лӧдзин»,— мукӧддырийыс чуткыштлас на бӧжалысь ань мужиксӧ. Мӧдыс дзӧрнясьыштас чужӧмтӧ сотысь югӧрыс водзас, а сэсся и мыжа моз йӧткыштас азылас мӧдар помнас пыж нырсӧ: «Куръяас пыравлам. Дашкӧ, пӧдыпи сэнӧ эм».

Ӗтлаын нэм джынтӧ олӧгӧн гозъя гӧгӧрвоисны ӧта-мӧдсӧ кывджынсянь. Сы мында сьӧкылдун вуджӧдлісны шӧрипельӧ юксӧмӧн. Олӧм джынсӧ Ӗльӧш трактористаліс колхоз-совхозлы. Анна век кер дорын, то улыс, то вылыс складын. Челядьыс, Иванысь ӧддор, нӧшта нӧльӧнӧсь на, но некод орчӧн абуӧсь нин, ставныс разӧдчисны карӧ-юрсиктӧ. Найӧс быдтіг-велӧдігӧн мыйтакӧ майшасьӧмсӧ гозъя и тӧдлісны, мыйтакӧ уджӧдісны асьнысӧ! Анна тай дурпоп моз и бергаліс лесопункт да горт овмӧс костын: и нажӧвитчыны колӧ, и семьятӧ син улын кутны. Кытчӧдз аддзис тай, гортас ставыс на гӧгӧрбок дзим-дзурк вӧлі. Кӧть и пенсия вылӧ во дасысь унджык сайын петӧм бӧрын шуліс аслыс: «Эсся шабаш. Кыккирудз кута пукавны. Заслуженнӧя шойччыны. Мед ныв-пи эсся менӧ видзӧдасны». Видзнысӧ ӧтнаслаы Иванлы мойвиис, сійӧ ӧтнас эз мун бокиӧ да. Оз лӧка старайт. Да и сылӧн гӧтырпуыс, Анналӧн моньпуыс, кодӧ колян гожӧмсянь нин олӧ кӧзаяка туйӧ, нинӧмӧн оз ӧддор. Мамӧс моз удӧ-вердӧ, пывсьӧдӧ и пасьтӧдӧ. Мыйлакӧ тай Иваныскӧд оз гижсьыны-а. Ӗнія том йӧзыд, гашкӧ, тадзи и гозйӧдчылӧны. Со тай шӧркодъ нылыс Степан Анналӧн, Ира, тадзи жӧ кӧнкӧ ылі Вӧркутаас жыкруйтӧ. Верӧсӧн шуысьыс, мӧд ногӧн кӧ, сожительыс, шахтаын биа из

перйö, ачыс автобусын кондукторалö. Мый-мый, а деньгатö мамыдлы оз жалитны. Да и волігъясас мыйсö сöмын оз вайлыны! «Тарелкаа» телевизорыс да автомат-песласяныс налөн жö. Жаль сöмын, гежöда тай артмылö волöмныс. Гожöм кежлас кө пышйыласны, и то бур. Таво тай көсйысисны жö деревняын отпускалыштны лунвылас мунтöдз. Курортöдз пö көть картупельтö мудйыны отсалам. И со лун-лун виччысьö карсаяссö пöрысь мам. Кадысь кадö юасьö Иванлысь: «Эз на звöнитлыны? Кор нö таладор туяс мöдасны?» Пиыслөн, оз дöзмöм ради, а шмонитігмоз петлывлö: «А тэ ачyd звöнитлы. Менам телефонöй оз босът. Пöчуктö тай асладнад вой и лун верман кыйны. Сы пыдди öтчyd көть нылыдкöд ачyd сёрнитышт».

Смена бöрас Иван телевизорводзса креслöас и вугыртіс: көть и стöрöж, а мудзыд тай шедö. Садмöдіс сійöс мамыслөн ньöжйöник броткöм шы: пöчуксö бара видіс вольтöмсьыс. Вунöдін пö дзикöдз. Пöдругаөн пö шусян, а видлыны весиг он пыравлы. А сэсся мамыслөн гөлöсыс горамыштіс, небзыштіс. Öнi сійö думнас сёрнитіс нылыскöд нин: «Ирук, мися, некутшöм «Ерисон» ни «Симсон» оз кол меным. Аслам эм наысь бурджык. Со тэкöд сёрнитам, да быттö öдзöс сайын сулалан. Пöчуккöд вой көть лун верма йитчылны. Нинöм, мися, оз кол, асьныд локтанныд кө, медбур пöдарки!— быттö кывкöрталіс олöма ань да чöv олыштöм-кывзысьыштöм бöрын содтіс:— Да, пöлиннö, машинаад пуксьытöдз меным татчö быть тринькнитлöй. Стречайтам».

Мамыслысь ас кежысь сёрнисö кывзігөн Иванлөн гөрдазасис горшыс. А öд водзті ставсö вуджöдліс шмонь вылö.



Баба гожом*

ПОВЕСТЬ

Гелий Николаевичкөд янсалом бөрын Вась Микулай веськөдчис гортланьыс. Тулан эськө босытчыліс жө на бөрся вөтчыны. «Зятявны», тыдалө, окотаыс лоөма. Но көзяиныс чукөстіс, да карса понйыд өдйө и бөр бергөдчис. Мунас да инасыс ли оз ли на... А көзяиныд век шоныд керкаад лэдзас. Вась Микулай тай со мый кузя туй вуджис, а эз дыр кежлө и инасылы. Керкаыс вөтлөм пон моз өні шлапсьөдіс зэр улын. Эз видзөд ва гөпгяс вылө да келөмөн вуджліс. Катшаыс мудерджык. Ваад эз пыр, кытшовтліс гөпгяссө. Гашкө, сылөн сьөлөмыс бурмөмаджык татчө волөмсьыд, да сійөн. Вась Микулайлөн жө сьөлөм вылас вөлі деливө. Көсйис кузяджыка сёрнитны сы йылысь, медем Галяыс бөр бергөдчас. Лунтыр юрас бергөдліс, кызди кутас корнысө. Мый вылө ыстысьны, медем ськөд овны вуджас. А со эз сяммы и шунысө нинөм. Таысь медся нин вөлі дөсаднө.

Кутшөм шудаөн сылы кажитчис олөмыс, кор вөліны Галяыс-көд өтлаын. Оні весиг асьсө видіс сійө здукьясьсыс, кор сылөн мыж вөсна гөтырыс дузмунліс да лун-мөд эз сёрнит. Вошөм кадөн кутіс лыддыны сійө лунгьяссө, кор тай чөла овлісны, өтамөдсө быттьө адзытөг. Ок эськө, бергөдны кө кадсө! Эз эськө Микулай сет некутшөм помка, мед пөлыс скөрмыліс ли мый ли. Сы ногөн эськө и оліс. Сідзсө эськө эз лёк ногөн и овны. Сөмын тай челядыд эз артмыны-а. Вөліны кө найө, өдвакө гөтырыс тадзисө вөчис. Бөжыс кузь лои да. Керка өдзөс костад топалас мунны лөсьөдчигас на. Но некод кө абу, со тай мый вөчис.

Во джын сайын артмис татшөм ускөттөйыс. Гөтырыс мыйла-кө пыр сөрөнджык и сөрөнджык кутіс локны гортас. Ыстысис, мый бать-мамкөд собраниеыс нюжаліс, да сійөн. Либө шуліс, мый кутшөмкө велөдысьлөн нимлуныс вөлі. Первойсө вежоннас кыкысь кымын сөрмөдчыліс, а сэсся быд рыт тадзи лоис. Быттьө йөймөмаөсь школаас да помся кутшөмкө удж босытчөмаөсь нуөдны. Йөзсө горт олөмысь дзугөны. Сэсся өтчыд вой шөр бөрын воис. Зэв шуда чужөма. Весиг өд эз кут висьтавны, мыйла тадзисө сөрмис. Вась Микулайлысь юасьөмсө эз кыв. Чөв оліс. Мөд рыгнас и вой шөр бөрас эз лок. Микулай пыр өтарө өшиньө видзөдіс, виччысис, кор пуяс костысь мыччысяс гөтырыслөн

* Пом. Заводитчөмыс тавося 7 номерын.

мыгöрыс. Тулыс нин öд вöлі сэк. Рытъясыс югыдöсь, ылöдз ты-далö. Эз вермы сэсся виччысьны да ачыс паныд петіс. Паськыд-видз сиктöдзыс тапиктіс, да эз и аддзысьны. Школа дорас муніс, гашкö, сэні пукалöны, кутшöмкö нимлун пасйöны? Но чöв-лөнъ сэні. Öдзöсыс игана и. Кытысь корсян? Гашкö, кыткö веськыда-ліс да гортас нин виччысьö? Котöрөн-сорөн уськöдчис грездла-ньыс. И сэні абу жö. Муртса асывсö вермис виччысьны. Көкъямыс часöдзыс на пызйыштіс гöтырыслөн удж ылöдзыс. Сійö сэні нин вöлі. Аддзис Микулайöс да, лёкысь гөрдöдіс. Зэв öдйö босьтіс сой пöлöдыс да ывла ылас петкöдіс:

— Эн юась. Гортын ставсö висьтала.

— Мый висьталан? Кöні нö вöлін?

— Некöні. Висьтала, мися, ставсö. Öні мун. Йöз дырйиыс эн юась.

— Ме öд войбыд син эг кунълы. Гашкö, мыйкö лоис тэкöд? Ог тöд, вöрысь али ваысь корсьны. Öні öд быдсяма йöзыс вет-лö. Вöлөктö вуджигад, гашкö, кодкö мыйкö вöчис да?

— Нинöм мекöд оз ло,— орöдіс Галяыс.— Мун гортад, мун. Удж ылад сёрман. Рытнас водз локта, да сэки сёрнитам.

— Рыгöдзыс öд ме йöйма,— тіралан гөлөсөн сёрнитіс Мику-лай.— Кутшöмкö мыж али мый вöчин? Мый көть лоис?

— Бöрас висьтала,— муртса эз йөткав сійöс гöтырыс.

Юрсö лэдзöмөн ковмис довгыны. Унаысь на бергöдчыліс. Чайтіс, мый Галяыс бöрсяньыс вөтöдны уськöдчас. Лунтыр сэсся мурталіс, мый сэтшöмыс вермис лонысö? Гашкö, юисны школа-ас, да дзикöдз коддзис? Эз ло лöсьыд гажа юрнад сиктас петны. Быдсямаыс öд вермас тай лоны. Сідзи мед и висьталіс. Микулай öд морт жö. Этшаникатö юыштлö жö и быдөн. Дерт, бокуын не-кор на эз узыльв. Гортöдзыс пидзöсчаньон, а кыссьыліс кыкысь кымын. Но öд сійö мужик морт. Да и трактористалö сöмын. А гöтырыс школаын велöдö. Сійö кө кутас шатласьöмөн сикт кузя-ыд мунны, йöзыс мый шуасны? Бур, мый эз и лок татшöмнас. Микулай сійöс гөгөрвоас, оз видны кут. Сöмын висьтавыны жö öнісö коліс. Войбыд öд со син эз кунълы. Татшöм мөвпъясыс такöдыштісны сійöс. Син водзас кутіс, кыдзи рытладор Галяыс гортас воас да кутас мыжа гөлөсөн сылысь прöштша корны. Яндзим жö öд, көнкö, сылы ёна. Микулай оз и вид. Такöдыштас на весиг, мед оз асьсö сэтшöма пес. Быдторйыс тай овлö. Гöты-рыс сэк гөгөрвоас, кутшöм төлка верös дорö веськаліс. Мукöд мужикъяс эськö лёк горшөн пинялісны весиг. Гашкö, пöвсалыш-тісны на и. Микулай оз кут. Сійö абу мукöдъяс кодъыд.

Тракторнас талун сійöс пес ваявыны индісны. Төв кежлас заптылісны яг дорын. Сэні жö чинталісны да поткöдлісны. Го-жöмнас быгаліс, косьмис. Öні, вывті ёна туй тшыктöдзыс, мөв-пыштісны разöдны Кармыльк грездса олöма войтырлы. Налы ылö лöсьöдлісны да. Пес тэчысьяс эськö босьтчылісны жö ышöдны Микулайöс вирсö вежыштны. Асьныс эськö эз жö юны, сідз кывсö песігмоз больгисны. Öні абу важся кадыд, юёмсьыд öдйö бротьясны. Он на слöймы гортöдзыд воны, тэ местаö дасөн нин вöзйысьöны. Грездад уджыс быри, да весь олысьыс и тані тырмымөн лои. Коді веськаліс на удж шөрö — юём-кодалёмсьыд ковмис эновтчыны. Дерт, эз жö ставныс öтко-дъöсь вöвны. Уна пöвстад быдсямаыс мыччысьлас. Даръясьылісны

жō гусьōн моз, кодкō шōрō веськавтōдз. Сюрлісны шома юрнас, да пыр жō и янсōдчыны ковмыліс. Эз дыр чеченитчыны, вōтлывлісны. Вась Микулай водзті и уджалан кадад неунатō юыштіліс. Кыдз нō он? Мыйкō вōчан тракторнад грездсаяслы, да пыр доз лэптывлісны. Сьōмтō чургōдны яндысисны ли мый ли. Кыдз нō сэсся мудзтō он веськōдышт? Ōні оз. Полō жō вōтлōмсьыд. Пенсияōдз пō ōти местаын нин уджала. Вит воысь на неуна унджык эськō коли да.

Позьō на эськō вōлі ōтчыдысь пескысла ветлыны да. Мукōд лунō кō эськō Вась Микулай эз куражитчы. Олōма войтырыд пестōгыд кольны полōны. Арся шляча бōрын ōд тōв мыччысьлō. Кōть эськō быдōнлōн лэбулас кык тōв вуджōм вылō ломтассō чōжōма, но век тай водзō вылō олōны. Ōшійласны пес вайысьяс вылад да кевмысьōмōн корōны налōн керка дорō ректысьны. Сэтшōм тай йōзыд. Оз ōд сідз тай шулыны, мый морт горш да ад горш ōти пасьта вомаōсь. Со и талун Вась Микулайōс мырдысьōн корисны нōшта ōтчыд ветлыны вōр дорōдз. Эз и мун. Бōрсянныс на эськō ēна пинялісны да. Гортас тэрмасис. Тōдō, мый Галяыслōн урокъясыс регыд помасясны. Водзō виччысьны вын-эбōс эз нин вōв, сэсся и юрыс нин путкыльтчыны дзикōдз кутіс.

Воис гортас, да некод на эз вōв. Джодж шōрōд лажикасигмоз видіс асьсō такōдыштны. Сьōлōмыс ōд чеччōмōн чеччис. Мыйкō быттō кыліс. Юр вежōрыс ōтитор дольō, кокныдджык помка корсьō гōтырыслōн вошласьōм кузяыс. А сьōлōмыс со ставсō кылō да тōдō. Ōшиньō видзōдліс, гашкō, сēысь нин, кор медбōрын тыдовтчис жō Галяыс. Мыйкō оз ēна тэрмасьōмōн лок. Неокотапырысь восьлалō гортланьыс.

Пырис керка пытшкō да эз жō сērнисō пан. Чōв-лōня саймовтчис пытшкōс жырийō. Микулайлы бōрсянныс вōтчыны эз жō вōв лōсьыд. Виччысис петōмсō. Мōдыс час джын, гашкō, сэні оліс. Сідз тай кажитчис-а. Медбōрын петіс жō. Тыдалō, став вын-эбōссō зэвтōма сērни вылас.

— Кōть сэсся мыйдыра юртō пес, но тайō сērнисыыс он пышій,— петігмозыс ылōсас на шуис Галина Петровнаыс.

Вась Микулайлōн кывійыс эськō гияліс жō шуны, мыйла тадзи юрсō песнысō. Сійō ōд гōгөрвоас, быттō винаысь ēна гажмōм вōсна кō тōрыт гортас узнысō эз вермōдчы локнысō. Кōсйис ōд вомсō нин восьтны, да пōлыс эз лэдз. Мед нин нинōм эз слōймы шуны, ачыс зэв ōдйō босьтчис висьтасьны.

— Коля, ме тэ дорысь муна,— крапкис-шуис сійō.

— Мый?— эз весиг быттō велав мōдыс.— Кытчō мунан? Мыйла?

— Ог ме вермы гусьōнсō сэсся....

— Мый он вермы?

— Менам мōд морт эм. Мужичōй. Ме... ме ськōд овны муна.

Мый-мый, но татшōм юōрсō Микулай некыдзи эз виччысь. Быттō лабич вылас другысьōн веськаліс дон из. Чеччыштōмōн сувтіс. Галяыс весиг дзольмыштіс, сэтшōма йōжгыльтчис нем виччысьтōмысла. Тыдалō, чайтіс, мый верōсыс сійōс камōдны звиркнитіс. Но мōдыс сōмын сувтіс да быттō кынмис. Чужōмыс лōзōдлō и гōрдōдлō. Нывбаба повзис. Мед оз нинōм сэтшōмыс мортыскōд ло. Паралич вартас и быдōн. Ваō веськалōм морт моз сōмын вомсō паськōдлō. Мыйкō кōсйō шуны, да оз артмы.

Галина Петровна лунтыр дасьтысис, лосьодчис, мый да кыдзи висьтасьнысё. Ёні став кывйис лэбзьыштис юрсьыс. Шуан мыйкё, да нёшта кё лёкджык на лоё? Виччысис, кор верёсыс сайкалыштас да ачыс мыйкё висьталас. Вель дыр ковмис чёв овны. Нывбаба эз тёд, кытчо воштысьны верёсылён видзёдлас улысь. Мёдыслён синъясыс гёгрёсмёмаось да некыз ас местаас бөр оз воны. Медбёрын письтис жё гөлөсыс:

— Коді нё сійё? Код дорё тай мунны көсьян?— вашкөдігмоз артмис сылөн.

— Тэ сійёс аддзылін. Абу татчөс. Неважён на воис. Школаё велөдны.

— Эсійё өжын кодь ныраыс али мый?— пыр жё өд и аддзис, кызди крукыштны, Микулай.

— Абу эськё өжын кодь да. Ыджыднас ыджыд эськё да,— эз кут дорйыны Галина Петровна мортсё, кодкөд со овны весиг дасьтысьё.

— Сійё жё ачыс патеруйтё. Важ керкаын,— мыйлакё тайён видіс кутны мунёмсыс гётырсё Микулай.

— Медкё.

— А ме? Ме нё мый кута вёчны?

— Водзё овны.

— Эн вай йёйтав! Та дыра олім, да сідз өд он жё вөч!

— Радейта ме сійёс. Ок ёна радейта,— тайён видіс подулавны нывбаба.

— Абу тай тэнад яндзимыд. Пёрысьладор өд нин олөмыс со мунё.

— Нелямын сайё арёсөн мортыд абу на пёрысь.

— Дурнытё татшөм арлыднад нинөмла нин,— шай-паймунөмыс Микулайлы весиг гөлөссё кыпөдлыны эз лэдз. Да и сідзсё на сійё некор гора гөлөсөн эз горзыв.

— Тайё абу дурөм. Көдзалі ме тэ дорё, Коля. Сьөлөмөй көдзаліс. Тадзи овны ог көйы. Эн дивит. Ме талун жё и вуджа сы дорё. Миян сёрнитчөма нин. Пемдас, да муна... Быттьё видзан кө менё та бёрын рөмдытөдзис.

Микулай нинөм эз вочавидз. Чёла петіс ывла ывлө. Сөдз сынөдсё апыштөм бёрын ли мый, сылы сөмын ёні другысьөн юрас вартіс, мый тайё абу вөт. Сөмын кильчө ывлас босьтчис помөдз гёгөрвоны, мый лоис. И весиг дзикөдз лигышмуніс кикокыс. Шлапнитчис-пуксис лабич ывлө да кияснас чужөмсё тупкөмөн час джын оліс. Юрас мыйыс сөмын эз воы! Некызди эз эскыссьы, мый гётырыс босьтас да мунас сы дорысь, босьтчас овны мөд морткөд. А сійё коляс татчө өтнасөн. А кызди йёзыс?! Тайё мөвпсьыс Микулай эз повзый. Налён шуөмыд сылы веськодь. Дерт, шмонитыштасны на кодсюрё и. Ыджыд ныраыдлөн пё быдлаті ыджыд, да сійён гётырыд сы дорё вуджис... Татшөм шуысьыды позяс и пель бокас лөсыштны. Но некыз нё мөй кутны он вермы? Мунтөдзис на. Верман на кө-а. Шуам, со кызди кө видлыны... Тайё мөвпыс бөр пыргіс мужичөйөс керка пытшкө. Галяыслөн чоботан да ыджыд сумка дасьтөма. Пукалө өшинь дорын, мыйкё мөвпалө. Гашкө, пемдөмсё виччысьё.

— Галя,— лабутнөя шыасис пыригмозыс Микулай.

— Мый?

— Гашкө, вывті өдйө тайё да?

— Мый вывтi өдйö?— быттьö эз гөгөрво гөтырыс.

— Вуджнысö, мися, мөвпыштiн. Гашкö, ставыс на бөр мелань бергöдчас?

— Оз нин. Ме öд абу нин челядь. Ачыд тай со весиг пöрысьöн шуин...

— Пöсьйылысь артмис.

— Ме, Коля, ставсö артыштöмөн вöча. Радейта ме сийöс. Первойысь на олöмын тадзисö...

— Вушгъяс öд регыд-а. Радейтöмыд.

— Оз. Сьölöмтö он ылöды. Эн дивит, Коля. Ме и ачым весиг эг чайт, мый верма со тадзи радейтны.

— Мекöд мый лёк вöли? Сы дыра со олiм.

— Тэ абу шыбитана морт. Но сьölöмлы мöдтор на, вöлөм, оз тырмы. Сöмын öнi тöдмалi, кор Гелийкöд паныдасьöмыс лои.

— Гашкö, эсийö... тэ мекöд кольччан, а сы дорö узылыны корсюрö?.. Ме öд нинöм ог шу. И ог висьтав некодлы и.

— Дугды.

— Мыйла дугда? Гашкö, сöмын асьтö тайö радейтöмнас ылöдлан сöмын да? Нем виччысьтөг казялан, мый ылаlöмыд. Сэки мый кутан вöчны?

— Эг ылав,— чорыда шуис Галяыс.— Тэ вай эн йöйтав. Кутан тэ менсьым мöдкöд узылөм видзöдны. Кыв вылад сöмын.

— Збыльысь кута. Сöмын эн эновт менö дзикöдз.

— Вай ог кутöй быд нинöм абу йывсьыс сёрнитны. Нэм друг эг видзлы да öнi ог кут. Некодкöд öд, Коля, ме тэныд...

— Мыйла нö эськö öнi?

— Радейта со. Кыдзи нö сэсся тэныд висьтавны? Сытөг олöмыс абу. Кöсья, мед быд рыт и асыв орччөн вöли. Тайö мый абу радейтöм?

— Ме эськö кöсья жö да. Мед тэ эн мун.

— Он вермы тэ менö, Коля, кутнытö. Он. Сöмын эн дивит вывтi ёнасö. Меным öд и аслым абу лöсьыд тэ водзын. Сы мында во öд öтлаынöсь. А со торйöдчам. Мый сэсся вöчан? Олöмыд тай олөм на.

Кöть эськö Галина Петровна велöдчöм морт, но верöсыскöд пыр сёрнитiс сылөн кывгъясөн. Мөвпгъяснас да кывгъяснас эз вылитi лэбав. Дерт, ас кодь грамотаа йöзкöд сылөн сёрниыс вöли мöдджык. Верöсыскöд кö кутас накöд моз варовитны, нинöм оз гөгөрво. Тадзи тай чайтiс-а. Первойсянныс.

— Мый нö меным вöчнысö?— шай-паймунöм гөлөсөн нюргыштiс Вась Микулай.

— Шули тай, мый овны. Ковмас öтнадөн кургыны велöдчыны. Гортгөгöрсä уджтö и мекöд олигөн ачыд вöчлiн. Оз ков велöдчыны. Шыдыд да рокыд тэнад меысь чöскыдджыка век артмывалiс. Паськөмтö öд кызкö мыскалан.

— Тайöс эськö вöча да. Но дзик некодтöгыд абу жö олөм. Тэтөг овны ме ог кут.

— Кыдз он кут? Кытчö воштысян?

— Аддза, мый вöчнысö,— ышловзис Микулай.

— Сöмын аскöдыд нинöм эн кер. Ме ради. Кыдз нö ме сэки кута?..

— Тэ ради и ог вöч,— сьölөм на весиг сетiс мужичöй.— Мед тэныд лёкыс эз ло. Кутасны сэки сёрнитны, тэнö мыжавны...

Арся луныд тай дженьыд. Варовитігкостіис и пемдыны босьт-чис. Галина Петровна пасьтасис, кутчысис чоботанас да сумкаас.

— Эн вөрөд. Ме ачым нуа. Гашкө, кольччан да?

— Ог. Эн лөвт. Ме өд мөвпалөмөн ставсө вөча. Ог сідз-тадз. Кымын рыт нин со... И отсасьысь оз ков ни. Ачым нуа. Абу сьёкыд.

— Абу тай. Став платтьөтө кө тэчин, и кыпөднысө он вермы.

Вась Микулай тэрыба пасьтасис да босьтис көлуйсө. Сьёкы-дось вөлөмаось. Ковмас и нунытө. Гашкө, машина сюрас. Висьта-лас, мый отпускө гөтырыс мөдөдчөма. Төдса кө быттьө мунысь лөсялас.

Шудыд вылө машинаыс грезд помас и суөдіс. И абу татчөс весиг руль саяс. Көсийс эськө Паськыдвидзөдзыс колльөдны, да Галина Петровна эз лэдз сөвнысө. Ковмис кольччыны. Мыйла-кө сійө өні весиг кутіс эскыны, мый збыльысь шойччыны со гөтырсө колльөдны петавліс. Регыд бөр бергөдчас. Но татшөм эскөмсө зыртыштисны мөд мөвпгяс. Окота лои таысь лёк горшөн горөдны, водны эжа вылө да лёкысь чужъясьөмөн бөрдны. Зэв ньөжйө муніс гортланьыс, полис сэтчө пырны. Дзик өд некод сэні абу. Весиг лачаыс со некутшөм абу и. Сы вылө, мый тані бара кутас кывны Галяыслөн гөлөсыс...

Өтнадөнтө овны збыльысь сьёкыд вөлөма. Вась Микулай войбыд синсө эз куньлы. Дзикөдз омөльтчис. Чайтіс, мый грездсаяс кутасны сы вылын серавны либө Галясө лёкөдны. Но некод нинөм синмас эз шулы. Гашкө, ас кежъясын мыйсө эз сёрнитны-а? Но мужичөйысь вежавидзисны либө жалитисны, эз тай нинөм шуны-а. Вежон коли. Тайө кадколастас Микулай весиг вина юны виддіс, мед кокныдджык сьөлөм вылас лоис. Но мөдарө артмис. Стөкан бөрся стөкан клопйөдліс-юис. Некыдзи юрас оз дөвгы. Сэсся пыдөсыс судзөма жө. Оз тай нинөм төд вылас водзөсө уськөдны вермы-а. Асывнас садьмис да, керка пытшсө дзоньнас пузувтөма. Тасьті-пань, көм-паськөм, пызан-улөс,— ставыс джоджас куйлөны. Рытывбыд ковмис бөр ас местаас пуктавыны. Сэсся та бөрын шуис, мый курыдтортө вомас оз кут босьтлыны. Тайө абу петан туй.

Аскежся олөмлысь сизимөд рытсө эз кут гортын пукавыны. Төрыт на өти сумкаө тэчис Галяыслысь мыйсюрө колльөмторъяс-сө. Весиг тасьті-пань, көструль на тэчис и. Гашкө, бокысь локтөм мортыслөн патера пытшкыс куш, да весиг сёянсө пуны нинөмөн. Пемдыштөм бөрас босьтис сьёкыдсьыс-сьёкыд сумкасө да весь-көдчис Паськыдвидзлань. Сійө өд абу нин сэтшөм ыджыд, мед не төдны, кытөн бокысь воөм велөдысьясыс патеруйтлөны. Коркө өти том ныв воліс, да Галяыскөд весиг сійөс видлыны ветлісны. Микулай джаджкодьөс на мортыслы вөчис и. Нигаяссө мед велөдысьыс сэтчө тэчис.

Өтнасөн сэки ветліс. Катша понйыс гөтыр мунап рытнас жө кытчөкө вошис. Чайтіс, мый сы бөрся вөтчис. Но грездсьыс жө мөд луннас син улас усылі. Ай понъяс водзын вөлі зэв тшапа котөртө... Вежонөн сьөлөмыс абу на бурмөма, да со век на көнкө шөйтө.

Аддзис керкасө да вель дыр на эз пыр. Яндысис, гашкө, полис. Эз, дерт, ыджыд ныра велөдысьыс. Гөтыр водзас кызкө эз вөв лөсьыд петкөдчынысө. Дөзмас, гашкө, на ордө локтөмсьыд.

Но օд бօр та ыджда сумканас он мун. Ковмис пырны. Тотшкօд-чытօдзыс кыліс, кыдзи керка пытшкын зэв чольօба мыйкօ висьталіс Галяыс. Сылօн кывъяс бօрын Микулайлօн пельясօдз воліс мужичօйлօн азыма серօктօм шыыс. Тадзисօ гօтырыс сы-кօд сօмын томдырйиыс, гашкօ, дзользыліс. Бօръя вояссօ зэв кос сёрниа вօлі. Век жօ тотшкօдчис.

— Пырօй. Восьса օд,— вель ыджыд кост бօрын кыліс пытш-сянныс мужик гօлօс.

— Бур рыт,— кыдз позьօ збодерджык гօлօсօн чолօмасис пыригмозыс Микулай.

Сылы вочамоз сулалысь мужичօйлօн лоины повзьօм синъяс. Галяыслօн мօдарօ дай. Кодзнитліс, кօть бօр пет.

— Косясьны кօ локтінныд, то весьшօрօ. Ме тэкօд тышкась-ны ог кут,— мый воօма юрас, сійօс и шуыштис мужичօйыд.

— Ме сылы тышкася!— чорыда шуис Галяыс.— Мыйла нօ локтін? Ме жօ тэныд шулі...

— Со тай мыйсюрօ кольօмыд, да вайны ковмис,— лабутнօя вочавидзис Вась Микулай да джодж шօрօ пуктис сумкасօ.

— Мый меным коліс — ставсօ босьтлі.

— Кольօма на мыйсюрօ. Зэв на коланаторъяс и.

— Ме, гашкօ, ветла кытчօкօ,— кыв сетіс ыджыд ныра велօ-дысьыд.— Тіян ас сёрни, колօкօ...

— Эн мун. Миян некутшօм ас сёрни абу. И оз нин некор ло,— օлօдіс мунны лօсьօдчысьօс Галина Петровна.

— Ме некор на нинօм абусыыс йօз вылօ ки эг кыпօдды. Эн полօй, эг кампужитчыны татчօ лок,— ас ногыс гօгօрвоис мужичօйлысь мунны чепօсйօмсօ Вась Микулай.— Ме сօмын Галялысь кօлуйсօ вайи.

— Аттьօ вайօмсьыд,— мыйлакօ кокниа ышловзис мужи-чօйыд.— Вай тօдмасям. Менօ Гелий Николаевичօн ыдждօддօны.

Кисօ весиг чургօдіс. Микулай эськօ эз кօсйы топօддыны мыччօм кисօ, но мօдыс зэв нин корана да мыжа мортлօн кодь видзօдласօн дзоргис сы вылօ, да Микулай эз куражитчы, зэв օдйօ топօдліс небыдик кекօсօ велօдысь мортлысь.

— Николай Васильевич ме лоа. Сиктсаяс Вась Микулайօн-джык эськօ тօдօны да.

Мօдыды таысь лои зэв нимкодь.

— Галя, гашкօ, тшайօн юктօдыштан? Вель сьօкыд ноп со вайօма. Горшсօ веськօдыштас кօть.

— Мед гортас юօ,— мօд мужичօй водзын ли мый ли вывті нин коса сёрнитис Галина Петровна.

— Тшай стօкансьыд ог лօгась,— пызан сайօ нин пуксьыны лօсьօдчис Вась Микулай.

— Виччысьыштны недыр ковмас. Кօдзалис нин ваыс да,— тэрыба уськօдчис пузьօдчыны Гелий Николаевичыс.

— Таысь сэссия он мын,— ассыйс шогсօ висьталіс Галина Петровна.

— Ме ог дыр. Сёр вօрзьօдчи гортись, да войыс суас. Мунны на օд мыйта колօ. Машинаыс оз нин ветлы да,— сьօлօм сетіс Микулай.

Кօні օти тшай стօкан, сэні и мօд. И он օд чօв пукав. Колօ мыйкօ и сёрнитыштны. Гелий Николаевичыс варовкодь и бы-дօн. Гашкօ, эз шняпкօдны, да сійօн татшօмасօ нимкоддысла

лыбзис? Висьталё и висьталё. Галина Петровна весиг букыштчыліс сы вылө. Таысь Вась Микулайлы лои весиг лосьыдджык. Мед эськө дзикөдз скөрмас. Сэсся крапкас өдзөссө да ськөд бөр гортас мунас. Татшөм лача весиг кутны босьтчис. Та вөсна юасьö и юасьö, мед мөдыс вочавидзас.

Помыс быдторлы овлө. Эз жö вывтi скöрысь, но Галяыс кутiс гортас мөдöдны. Ковмис туйö петны. Гелий Николаевичыс весиг колльöдны уськөдчис. Оз эськө нывбабаыс лэдз вöлі, да эз со кывзысь. Кор веськалісны ывла вылас, сэки лоис гөгөрвоана, мыйла колльöднысö чепөсйис.

— Тэ, Николай Васильевич, эн вай сэтшöма лөгав. Галяыс да ме вылө. Сідз тай артмис. Семья костö менам суйсьöма лои со.

— Суйсин тай,— эз лёкысь шу Вась Микулай.— Быттö сэсся некод нин эз сюр.

— Радейта ме сійöс. Галясö,— дорйысис Гелий Николаевич.

— Ме быттö ог.

— Сідз эськө да. Тэ эн яндысь. Воливлы.

— Позьö али мый?— зэв нимкодъ таысь лои Микулайлы.

— Кокыд кө кыскö сы дорö, то ме паныд ог ло. Гөгөрвоа өд. Да и тэ водзын мыжыс менам абу ичöt. Сöмын эн жö быд лун лок.

— Эм менам кад быд лун сэтчö-татчö довъявны,— весиг броткыштiс на Вась Микулай.— Гортын уджыс юр выв тыр.

Тадзи вöлі налөн тöдмасьöмыс. Кык верстьö, олөмсö тöдысь да гөгөрвоысь йöзыд эз кутны зыксьыны да косясьны. Тасянь со во джын нин лэбыштiс. Эз öтчыдысь Вась Микулай вуджлы бөра-водза тайö вөлөксö...

...Со öні тапсьöдіс гортланыс. Грезд дорас матыстчигөн Катша увтыштiс да эновтiс сійöс. Кытчөкө ас могъясөн котöртiс. Ветлөм йивсьыс ошйысьны, гашкө, кодлыкө. Унджык керкаас биыс кусöма нин. Пемыд жö вöлі сійö öшиньыс, кысянь Паськыдвидзö мөдöдчигөн кодкө сюся видзöдіс Вась Микулай бөрся...

* * *

Миш Валя, кодi сэкнад и видзöдіс мужичöйлысь туйö петöмсö, эз на узы. Бисö час сайын нин кусöдіс, но эз водөм вылө. Öшинь дорын пукалігөн думсьыс виччысис Вась Микулайлысь бөр локтöмсö. Öнтай, кор мужичöй сöмын на вöлі мөдöдчöма Паськыдвидзлань, аслысмоз гораа броткөдчыштiс:

— Мый морла коксö песö. Гортас оз овсы. Төдö өд, мый весьшөрö довъялө. Век на мөй эскö, мый позяс олөмсö мөдарö бергöдны?

Арладорыс пачсö öтчыд лун босьтчис нин ломтыны, да керка пытшкыс оняліс. Сöмын сьölөм вылас тай вöлі жун и. Көдзыд мөвпъяс гартчисны юрас. Татшөм букыш кадад эськө вольпасын туплясьны радейтана морткөд, да кытысь сэтшöмсö босьтан? Чунь öтнасөн олө Миш Валя да. Коркө, во комын вит сайын на, тайö керкаыс вöлі век йöза. Бать-мамыс на ловъясь вöліны, чой-вокыс на ичötөсь чилзiгтыр котравлісны. Сэки, төв көть гожом, тулыс көть ар, вöлі гажа. Сэсся олөмыд тай водзö

пыр мунё. Уйкнитисны грездысь чой-вокыс, на бõрся ачыс карланьё жõ сетчис. Вояс кольыштõм бõрын батыс таладор югыдінсõ энõвтис, сы бõрся мамсõ гуалисны. Коркõ шума да кыпид керка коли сулавны лõня да гажтõма. Водзджыксõ чой либõ вок пõвстысь кодкõ гожõмъяснас воліс на да овмõдчывліс недыр кежлõ татчõ, но сæssя вочасõн кутісны мыччысьлыны пыр шочджыка и шочджыка. Кытчõдз дзикõдз эз ордчыны ас чужан грездсьыс. Мам-батыслысь гуяссõ видлыны машинаõн бõраводза кежлõ шуркнитласны да гортланьыс тэрмасьõны мунны. Сэтчõ, кытчõ асьныс вужъяссõ лэдзисны, кõні нин асланыс быдтасьыс верстьõ йõзõн лоины, кõні помасьлытõм тõжд-мог личкõма. Чужан керкаыд юрад волõ сõмын сэк, кор нин сьолõмыд ас местасьыс петлывлõ мõвгьясьыс, мый таво вылõ эн на ветлы видлыны бать-мамыдлысь гуяссõ. Тадзи жõ тавоя гожõмõдз оліс и Миш Валя.

Паськыдвидзса школа помалõм бõрын веськõдчис сійõ карлань. Эз торъясõ и мõвпав, кутшõм удж вылõ велõдчыны. Нывъёртыясыскõд важõн нин сёрнитчылісны, мый кутасны кыпõдавны виль керкаяс. Сійõн и пырисны велõдчыны штукатур-маярõ. Бõрас эськõ казяліс жõ, мый абу вежалана удж тайõ вõлõма. Кинояс вылад петкõдлісны, кыдзи шуда чужõма ныв-зонъяс кирпичысь виль веркаяс кыпõдõны. Зэв кокниа ставнас вõдитчõны, серамсорõн быдтор вõчõны. Сæssя и асьыныс шудсõ на сәні аддзõны и. Радейтчõны да бõрас гõтрасьõны. Кыдз сæssя татшõм олõмад оз кыскы грездса вõй нывъястõ?

Збыльвылас жõ ковмис уджавны чизыр тõв улын, кыммõм чунь помъясõн вõчны мавтчана да штукатуритана могъяссõ. Дерт, верõс сюри жõ. Эз аслас уджаланінысь. Йõктõмъяс дырйи тõдмасисны. Шопераліс зонмыс. Тõлысь-мõд паныдасьмõмъяс бõрын õтлаасисны. Первой общежитиенын во дас олісны. Кык пи Миш Валялõн чужисны. Дзескыдінад олігõн тшõкыда дум вылас усьлі грездса ыджыд керкаыс, паськыд йõрыс, кõні позис повтõг котравны. Сәки, во кызь сайын, сьõд удж вõчысьястõ пыдди на пуктылісны. Олõмыс кор вежсис, дерт, налõн чиныс дзикõдз уси. Водзтісõ позис на няргыштны, чинаяс дорõ ветлыны да мыйкõ ас вõснаыд корны. Кызылісны да весиг отсыштлісны на. Унаысь ветлõм бõрын со весиг кык жыръя патера чуктõдліс карад. Дерт, дыр тані верõсыскõд эз нин овны. Олõм дзугсьыштõм бõрын сійõ муніс кытыськõ бокиысь сьõмаджык удж корны. Кыкысь кымын воліс жõ. Уна сьõм эськõ аскõдыс эз вайлы. Но век жõ сетліс. Сæssя эз лок дай. Письмõ гижис, мед оз майшась. Мекõд пõ нинõм эз ло, ловъя и быдõн. Но ола пõ мõд нывбабакõд. И гортõ ог нин бергõдчы. Весиг эз юксыны. Сідз на õніõдз Миш Валя лыддысьсõ верõс сайын. Паспорт сертиыс кõ быттõ артавны, кытчõ штампсõ шняпкылісны. Ачыс Миш Валя эз жõ кут торйõдчõмнас водзмõстчыны. Штамыс сёйны оз кор, мед олõ. Челядсьõ тай та вõсна ас думсьыс эз лёка быдты-а. Водз верõс сайõ петõмнад быттõ аскõдыс тшõтш и быдмисны. Кольõм во сылы нелямын куим на и тырис, а ыджыд пиыс со ачыс нин гõтыра да котыра. Ичõтыс бокиõ велõдчыны муніс да сэтчõ и уджавнысõ кольччис.

Миш Валя нэмсõ со керка стен пытш мавтіс. Сэсянь, гашкõ, пенсия вылас и петіс, но олõмтõ ставнас водзвыв он вõлõм ар-

тышт. Ыджыд пиыс, Костяыс, гөтырсө ас патераас вайөдіс. Вид-лөй кык нывбаба өти пач вом дорын ноксыны. Көть кутшөма он лөсяв, помкаыд дузмуннытө век сюрө. Тайө эськө мед на да. Кыдзкө та вөсна олан. Но Миш Валялы окота на вөлі аслыс олыштны.

Верөсылөн сійөс эновтөм бөрын во-мөд мысти видліс жө шудсө корсьны. Весиг газетө гижліс. Некымын письмө воліс и. Куимкөд весиг паныдасьлыны мөвпыштліс. Кыкыс эз кажитчыны. Коймөдыс эськө быттө сьолөм сертиыс вөлі, да ачыс со, мужичөйыс, мөд аддзысьлөм вылас эз мыччысь. Зэв гежөда овлысь нима вөлі. А өд Валя весиг мөвпаліс нин, мый мөд аддзысьлөм бөрас оз на, а коймөд паныдасян рытнас гортас нин вайөд-лас. Кыдзи вайөдан, эз сэсса лок да? Вель эськө дыр виччысис, гөгөрбок гоньяліс. Повзис, тыдалө, мыйыськө. Либө эз кажитчы сылы. Ачыс эськө абу жө торъя мичаыс да. Но зэв лабутнөя сёрнитө. Эз весиг висьтась, көні уджалө. Но сёрни да неыджыд кияс сертиыс кө артыштны, кабала бергөдлан удж вөчө.

Та бөрын газетад сэсса эз нин гижлы. Но удж кузя төдсаясыс видлісны жө кодсюрөкөд төдмөдны. Войсө весиг өтлаын кольөд-чөтөдз воывлісны. Но Валялы мыйлакө век дум вылас усьлі эсію мужичөйыс, коді тай эз мыччысьлы мөдысьсө. Эз төд весиг, мыйла. Гашкө, эз лок, да сійөн? Коді тай ачыс киад воө, абу сэтшөм колана, а код дорө судзөдчыны онджык сяммы — век бурджык. Сідзи и өтнасөн водзө овны кольлі. Öти вой узьөмысь водзө нинөм эз лолы.

Век на лача эськө кутіс, мый сюрас кутшөмкө сылы лөсялана мужик лов, да ковмас гортад вайөдны. Дерт, бурджык аслыд мунны, кольны патератө пиыды. Но кытысь патераа мужиктө аддзан? Гашкө, дзөран пөрысьсө сөмын, кодлөн гөтырыс кувсьы-лөма? Томджыкъясыд асьныс юр сюянінтөмөсь. Торйөдчөмаяс кольлісны оланінсө гөтыръясыслы да челядыслы, а коді нелямын бөрөдз эз өтлаасьлы, өдвакө весиг патера нажөвитны вермыліс. Юөм-кодалөмысла либө дзик нин вежөртөм юр вөснаыс. Татшө-мыд Миш Валялы оз ков.

Тадзи и аския лун вылө лачаөн оліс да уджаліс. Сэсса Костя-ыслөн өти кага, сы бөрся мөд чужис. Нөшта дзескыд лои кык ичөтик жыръя патераад. Валя эськө видліс жө дзайгыны весь-көддысьяслысь оланін. Но пыр жө и вомалісны. Ньөб пө да ов. Көть дас жыръяын. Кытысь сылы сы мында сьөмыс, медем оланін ньөбны? Зэв этша асьныс мынтөны да! Дількмуніс сэк сьолөмыс Миш Ваялөн. Öд чайтіс на, мый гөгөрвоасны сійөс да отсаласны. Зэв бура уджалө да. Сы кодь кужысьыс да вөра-саыс лыда. Төлысь кымын мысти мыйыськө моньыскөд бон-бус пинясисны. Кыкнанныс мыжаөсь таысь. Синсө өта-мөдыслысь дзескыд оланінад өна нин вежисны да. Та бөрын нөшта муніс веськөддысьыд дінө. Зэв на том морт эськө да. Но вывті вылын ныра, мудер, тыдалө, ставсө тай ас вылас босьтіс нин-а. Стрөит-чан котырыс пө дзоньнас сы вылө уджалө. Нывбаба бура на төд вылас кутіс, кыдзи пычкыліс коркө оланінсө. Дыр эз кутны сетны да, повзьөдіс, мый мунас на дорысь. Эз вөв окота вошты-ны татшөм сяма морттө, да сійөн, гашкө, и вичмөдісны патерасө. Öні видліс тайөн жө повзьөдны. Он кө пө ыджөдөй миянлысь олан позсө — муна мөдлаө. Та вылө веськөддысьыд первойсө

азыма серöктіс да зумыш чужом вöчис. Мун пö, некод тэнö татчö абү домалöма. Мыйлакö вунöдліс Миш Валя, мый мöд кад нин воöма. Но асьтö он веж. Пытшкöсыс пузис таысь. Сы мында во со уджаліс, кынмöмсö да мудзсö тöдліс, а со крапкисны-шуисны, мун пö. Эз дыр и мөвпав, гижис корöм, мед лэдзасны удж вывсыс ас окота сертиыс. Чайтіс на, мый бөр сетасны кабаласö. Мөвпышт пö бура, да вöлись. Эз тай сідзи ло. Муртса на сетіс шыöдчöмсö, кызди рөштшөтла нин чукöстісны.

Чайтіс, мый сійö жö луннас мöдлаö уджавны пырас. Карас сы мында стрöйтчöны да. Öтилаö нырсö сүйліс, мöдлаö. Арлыдсö тöдмалöм бöрын видзöдісны сы выlö пöрысь выжив выlö моз. Татшöмъясыд пö миянлы весь оз ковны,— пенсия выlö петны лöсьöдчысысыд. Тэ пö сöмын легны кутан. Көть эськö сэтчöдз сизим во на ковмас мырсыны. Эз öд и некытчö инась. Öти тöдса велöдіс пырны кутшöмкö котырö, кодъяс патераясын быд-сяма дзоньтасян уджнас мошкоритчöны. Некумын морт и вöлі сэнi. Веськöдліс наян синъяса ар кызь вита ныв. Тöлысь чöж муркөдчис, водз асывсянь сёр рытöдз. Чайтіс, тадзи мырсигад вель уна босьтас. Гашкö, во-мöд мысти весиг патера ньöбöм мында нажөвитас. Но удждонсö сетісны, да муртса кыз синваөн эз бөрäдзы. Видліс жö эськö нылыдкөд сёрнитны, мыйла тадзи дзерөдöма. Мöдыд весиг кывзыны эз кут. Оз кө пö кажитчы, мöдлаö мун. Ме пö таысь уна тiянлы мынтыны ог вермы. Ковмис мунны. Тайö вöлі тавося тöv помнас. Сэки и уси дум вылас бать-мамыслөн керкаыс. Дерт, мөвпавлытöг сы йылысь эз жö ов. Но öни медводдзаысь уна вояс чөжөн кутіс кажитчыны, мый медся сьöкыд кадас тайö керкаыс сійöс век шонтас да узьтöд-лас. Тайö му вылас чужан грездыс — сэтшöм места, көні сійöс век виччысьöны. И другысьөн Миш Валялы кутіс кажитчыны, мый мунліс сійö коркö сэтысь, а карöдзыс сідзи эз и во. Көнкö грезда-кар костас и вошöма. Сьöлöмсö шонтысьыс век вöлöма чужан местаыс.

Тайöс гөгөрвоом бöрын кык вой эз вермы узьнысö. Йирисны мөвпгяс. Мый нö сійö тані, буса карас, вöчö? Мый лоас, олас кө тані аски, аскомысь? Дас во? Нинöм оз. Сöмын асьтö дойда-лан, сьöлöмтö пуксьöдан дзикöдз. Дерт, жаль кольны патерасö, кодöс аслас ньылöмнас, мудзнас, ки-кок юкалöмнас нажөвитіс. Но öд и пиыслы көнкö семьянас овны. Оз жö тай сэтшöм удж вöч, көні сьöмыс енэжсяныыс гылалö. Некор сійö оз сяммы па-тера вылад чөжнйтö. А Валя сöмын кок уланыс гартчыны мöдас, гашкö, торкас на унатор, кутас кө водзö накöд овнысö. Тöдö öд, мый моньыс сійöс и виччысьö, кор сыысь мынас.

Гижис письмöяс чойясыслы да вокъясыслы. Налысь юасьтöг-висьтасьтöг грездас овны вуджны эз жö вöv лöсьыд. Быттö некод нин эськö оз ов сэнi да, но видлы юртö сүйны. Гашкö, мыччыяс, мый ставныс сэнi овны видзöдчöмаöсь. Пырысьтöм-пыр кутасны шуасыны, мыйла пö тэныд тайö ставыс. Эз öд пö тай батыд да мамыд тэ выlö гижöдлыны. Көть эськö некод выlö сідзи и эз гижлыны. Кулісны да бырисны кабалаясö индав-тöг, кодды челядь пövстас вичмөдöны оланінсö. Чойясыс да вокъ-ясыс весиг ышöдана письмöяс гижисны. Тэ пö миян медся ичöтыс, а сылы ставыс кольö. Важөн нин пö коліс тэныд сэт-чö вуджны. Ов пö, мыйта көсьян. Сöмын пö волігъясö тшай

юны пыравны лэдзлы жё — весиг тадзи шмонитыштёма медся ыджыд вокыс. Кымынкё «аттьё» думсьыс налы висьталіс Миш Валя.

Лым сылом бёрын ветліс видлыны керкасё, йёрсё. Думсьыс көсйис нин таво жё босьтчыны пуктыны картофель да мый да. Сэсся гожомнас дзикөдз вуджны. Керкаыс овтёгыд важмыштёма. Но пытшкөссё абу некод вөрзёдлөма. Ставыс сэтшөм, кутшөм вөлі сылөн быдмигөн. Тайё серпасыс дзикөдз шонөдіс майшасьысь сьөлөмсё. Дерт, мыйсюрё ковмис дзоньталыштны. Шпалеритчан уджыд сылөн кокниа артмис. Мыйсюрё тувъялыштны, вежыштны ковмис, да та вылө медавліс грездса мужикъясос. Сьёмыс вөлі на, да өдйё вөчисны. Сэсся видліс корсьны татысь удж. Но эз жё сяммы. Велөдісны сувтны уджтөмалысьөн, көть нин пё «дыш» сьом кутасны неуна вештыны. Эз окотапырысь, но ветліс да сувтіс на лыдө. Лача, дерт, кутіс, мый недыр кежлө сөмын. Кутшөмкө удж коркө өд сюрас жё.

Кор керкасё помөдз пелькөдіс, петаліс суседъяс дорас. Гашкө пё, картофельсё көйдыс вылө вузаланнды?

— Миян сы мындаыс оз ло. Зэв паськыд йёрыд да. Тэ Вась Микулайысь кор. Сы дорысь гөтырыс неважөн муніс да, гашкө, весиг оз кут пуктысьнысё. Да и картофельыс сылөн век лишалөма. Ковмас кө кодыкө, пыр сы ордө кежавлө.

Тадзи Миш Валя медводдзасысь төдмаліс, мый Вась Микулай дорысь мунёма гөтырыс. Асьсё сійөс ёнасё оз төд. Быдмигас во вит-квйтөн буди ыджыджык вөлі, да эз өтлаын котравны. Бөрас, кор карас муніс, гежөда воывлігъясад эз жё унаысь син водзас уськөдчыв. Микулайыс эз торъя радейт йёз пөвстад гартчыны да. Пырджык мыйкө йөрас ноксис да трактор вылын кытчөкө муніс. Сідзсё, дерт, Валя ылөсас төдіс жё сійөс. Но мед воча сувтөмөн мый йылыськө сёрнитны — сэтшөмсё тай оз вермы төд вылас уськөдны-а.

Сы дорө сёрнитчыны картофель көйдыс вузалөм йылысь рытладорыс и кежавліс Миш Валя. Гөтырыс кө неважөн на пышйөма, то керка пытшкыс гудыр-гадыр вермас лоны. Либө код юра павкнитчөма джодж шөрас. Сійө, кор верөсыс мөд вылө ыштис да муніс, ёнакодь жё асьсё песіс. Дерт, юөмөдз эз воы, но керка пытшсё эндөдіс. Киас нинөм вөчны эз пыр. Сійө нывбаба, да сійөн. А мужик рөдыд мөд пөлөсджыкось. Вермасны дзикөдз юсьыны да олөмсьыс эндөдчыны. Посводзас на пыригөн казяліс, мый гөгөр дзим-дзурк мортыслөн. Джоджыс мавтөмысла югъялө. Керка пытшкөсас сыысь мичаджык. Некутшөм көлуй оз туплясь, ставыс ас местаын. Вась Микулай буретш ужнайтис. Пөсь тшайысь өприч пызан вылас вөлі быдсяма сёяныс: яйөн жаритөм картофель, сола өгурчи, сола чери на өти тасьтисянь мыччасис и...

Өдйё и сёрнитчисны. Сета пё. Меным пё пуктысьны тырмас и тэныд на вель уна кольё. Катөда пё гөбөчысь да тэнад локтөдз нырсёда. Век нин пё меным удж. Сідзсё и чужөм вылас абу на ропмунёма. Юысьыдлөн абу татшөм шыльыд да вир-яя. Матысянджык сэки первойысь видзөдліс ас грездса вылө Миш Валя да весиг эз шыбитанаөн кажитчы мортыс. Колө жё вөлі татшөмсё гөтырыды эновтнытө?! Код төдас. Гашкө, сэки нин нывбабалөн юрын кутісны веглясьны тешкодь мөвгъяс. Вась Микулай йы-

лысь. Мый нө? Өд сійө со грездө овмөдчыны лөсьөдчө. Нэмсө өтнадөн он ов. Сиктса керкатө нывбабаыдлы өтрасөнтө кутныгө сьөкыд и. Гашкө, вермас артмыны, мый өти овмөсаөсь на лоасны. Мыйла тайө мөвпыс чужис? Кысянь письтис? Өнi висьтавыны эз вермы. Но лачаыс сійөс босьтчис шонөдны. И грездас овнысө та вөсна лои весиг кокныдджык.

Вась Микулай эз сөмын картупель кйдыс сет, но весиг куйод вайис, гөрис йөрсө. Дерт, Валя вештысис таысь. Оз вөли эськө босьт да. Нинөм вөчөм дорысь пө отсая сиктса уджысь ордчылөм мортлы. Но нывбаба мырдысөн суйис киас сьөмсө. Мөдыс босьтис, лыддис да юкөн пуктис пызан пельөсас. Та мындатө пө ог босьт. Сэсся мыйсюрө вөчны сы дорө жө ковмылис шыасьны. Грездас эськө олысьыс сытөг на эм да. Сөмын тай кокъясыс сы дорө кыскылисны. Весиг шуысь на чужис. Мыйкө пө тэ, Валя, вывтi тшөкыда кутiн сы дорө волины? Он-ө нин пө пышйөм гөтырыслысь местасө вежны видзөдчы? Валя гөрдөдiс да кык лун гортсыс эз петавлы. Вась Микулайыс ачыс кежавлис. Эн-ө пө нин висьмы? Татшөм төждсыс нывбабалысь морөс увсө нөнявыны босьтчис, горшыс гөрддзасьлис весигтө. И юрас нөшта өнджыка кутiсны визъявыны мөвпъясыс тайө мужичйыскөд матөджык төдмасьөм кузяыс.

Буретш та вөсна сійө пыр өнджыка и өнджыка думсыс кутiс дивитны Вась Микулайөс, кор сійө веськөдчылис Паськыд-видзлань. Кытчө мөдөдчөма, сійө бура төдiс. Ачыс на Микулайыс коркө висьтавлiс, мый ветлывлө пышйөм пөвсө виддыны.

Со и тайө рытсө Миш Валялысь сьөлөмсө чепөльтiс, кор казалис мунөмсө. И нөшта на өнджыка сэк, кор аддзис сылысь локтөмсө. Зэв улын юра довгис. Весиг видзөднысө жаль. Мыйла бара и ас вылас таdzi тешитчынысө лэдзө-а? Мыйла бара и ветлөдлө-а? Мыйла бара и киссьөм васө куралө-а? Гашкө, курыштас и быдөн да? Тайө мөвпсыс Миш Валя весиг повзискодь. Быттө и жаль мортыс, мый таdzi майшасьө да век на радейтө гөтырсө. Мөддасянь кө кыйкнитлыны, бөр кө ладмөдчасны, сэки тувсов лым моз сылас сылөн лачаыс. Сійө мөвпъясыс, кодъяс отсалөны Валялы овны-вывны выльысь аддзөм позйын. Мый сэки ськөд лоас? Кыdzi мөдас овны грездас? Сэк, кор нинөм югыдыс водзын оз ло? Сэк, кор лачаыс нинөм вьлө оз кут мыччасьны? Тайө мөвпъясыс дзикөдз жугыльмөдiсны Миш Ваяөс. Сылы лои окота кыз синваөн бөрдны да лыддьөдлыны асьсө жалитана кывъяс. Таdzi сійө и вөчис. Письтөм синваыслөн помыс эз кут лоны, асьсө да олөмсө жалитана кывъясыс быттө асьныс кысянькө мыччысьлисны. Сьөлөм бурмытөдзыс лимзалис. Быттө став чөжсьөм дойыс синваыскөд тшөтш петiс юрлөс вылас...

* * *

Вась Микулайөн мунөм бөрын Галина Петровна да Гелий Николаевич видiсны кортөм гөсьт локтөдз пансьылөм рунас бөр овны, но некыdzi эз ладмы. Таысь чөв-лөнь пуксис керка пытшкын. Көсийсны со водз вольсасьны, а вель сөрөдз ковмис тетрадьас сайын пукавыны. Водөм бөрас эз жө вывтi варовөсь лоны. Сiдз, кыв мөдөн шыбитчылисны, и став сөрниыс. Эз өта-

модсö радейтöм йылысь тайö кывъясыс вöвны. Школаса удж, велöдысьясöс гарыштисны. Сэсса дзикöдз ланьтисны. Некоднанныс эз узыны, мыйкö быдöн ассьыс мөвпаліс. Дерт, ылöсас кыкнанныс тöдісны, кутшöм мөвпгяс везъялöны налөн юръясын.

Гелий Николаевич со кымынöдысь нин казтылö налысь медводдза паныдасьöмсö, татчö локтöдз олöмсö пырмунігмоз нуöдлас и. Думсьыс көсийö асьсö весиг дорйыштны Вась Микулай водзын сыысь, мый эз сідз-тадз ло Галина Петровна да сы костын тайö нем виччысьтöм радейтчöмыс. Ачыс Гелий Николаевич татчöдз локтöдз карын велöдіс. Көть эськö гöтырыскöд торйöдчöмыс лои вель нин важөн, но öтка олöм со öнiöдз оліс. Гоз-мöд нывбабакöд эськö видліс овмöдчыны, но эз артмы нинöм. Мый торкис, ачыс эз гөгөрво. Вирныс, тыдалö, эз лöсявлы. Видліс и тöдмасьöм йылысь газетгясын сетöм юөргяс серти кодöскö адзыны. Öти весиг кажитчис. Сöмын тай мыйыськö повзис сьölöмыс, да тöдмасьöмсö водзö эз нуöд. Гашкö, гöтырыслөн кодь нимыс весьöпöртис, да сійөн? Код тöдас. Эз тай йитöдсö водзö кут нуöдны-а. Мöд рытнас индöминас эз лок дай. Бöрас эськö ёна таысь каитчис. Көсийс выль пöв звönитлыны да бара корны паныдасьны, но эз вермы асьсö тшöктыны. Вежавидзис ли поліс ли мыйыськö? Код тöдас.

Бөръя каднас сылы сэтшöма мустöммис карыс, мый телепит лои кытчöкö татысь ылöджык пышйыны. Нинöм тані сійöс эз кут. Патерасö көртымавліс, аслас эз лолы. Велöдысьлөн сьöм вылö ньöбны сьöкыд. Мöд, няняджык удж корсьны эз көсийы. Позис эськö вузасьöм вылö сетчыны. Сылөн уна тöдса босьтчылісны коркö. Кодсюрö озырмисны, кодсюрö эновтчисны. А Гелий Николаевич весиг эз кутчысьлы. Коркö важөн, тьöщаыс на, ыстыліс öтитор вузавны. Карад пö кокныдджыка позяс инавны. Балкон вылас кык төв оліс вузаланторйыс да сідз и эз сяммы йöткыштнысö. Вöзйывліс эськö и быдöн да. Но, тыдалö, эз сяммы эскöднысö, мед ньöбисны. Быдтор вылö öд кужöмлун да ру колö. Гöтырыс броткöдчыштис таысь да ачыс нуис кытчöкö. Час джын мысти бөр воис, тувйыштöма нин кодлыкö. Сійөн и гöтырыс нимкодясис, кор тай ставөн вузасьны уськöдчисны. Олöм вежсьöм бöрас. Зэв тай тэрыба кутіс озырлунсö чöжны-а. Гелий Николаевичöс тшöтш видліс тайö уджас пыртны. Гашкö, тасянь и резьдіс налөн öтувъя олöмыс. Куражитчис сійö. Ме пö школаын челядьöс велöдöм кындзи нинöм ог сяммы вöчнысö. Тайö уджыс пö менам нэм кежлö тырмас.

Паськыдвидз сиктас сійö эз жö пырысьтöм-пыр веськав. Мукöдлаö историятö велöдысьясыд колöны жö вöлөм. Майбыр, позис весиг бөрйысьны. Öтилаö-мöдлаö волöм бöрын сувтіс тайö сикт вылас. Медсясö Галина Петровна вöснаыс. Кор воис татчö да корсис школасö — найö паныд веськалісны. Гелий Николаевич сувтöдіс нейджыд тушаа, лöсьыд тэчаса, мугöм сингяса нывбабаöс да корис петкöдлыны, кыдзи воöдчыны школаöдзыс. Тулан понйыс сэки сылөн вöлі нин. Во вит сайын карысь аддзис эновтöм понпиöс да вайöдіс оланінас. Шыбитлöм понгясыд медся ёна донгялöны мортöс, коді найöс ас дорас сибöдас. Зэв мича пон быдмис. Овчарка вöлöма. Зэв сюсь рöдысь петлöма и быдөн. Эз кут öтнассö колыны, аскöдыс сиктысь сиктö новлöдліс. Нывбабакöд паныдасигөн дом йылын жö нуöдіс.

— Ме сыланьō жō мунысь. Локтōй, петкōдла. Поннад сэтчō пырны оз позь,— зэв мыла гōлōсōн шуис нывбабаыд.

— Сійōс ме домышта. Ог пырт.

— Оз курччась?

— Оз. Зэв шань да кывзысьысь. Малыштōй кōть,— мыйлакō зэв нин тōдса мортлы моз вōзйис Гелий Николаевич.

— Миян гортын эм жō, понйыд. Сōмын абу татшōм ыджыд.

— Кыйсян пон?

— Ог тōд. Йōзсō тай гōлōс чиртōдзыс увтō-а.

Нывбаба полігтыр копыртчис да малыштис Тулансō. Сэтшōм небыдика инмōдчыліс. Понйыслы, тыдалō, зэв кажитчис. Бōжнас тай ворсыштис-а.

Школалань восьлалігмоз тōдмасисны. Велōдысь жō вōлōма нывбабаыд. Гелий Николаевич висьталіс локтōмыслōн мог йывсьыс. Збыльысь пō колō история велōдысьыс. Том ныв воліс да эз дыр и велōд, муніс неважōн. Школаō пырисны важ тōдсаяс моз нин. Галина Петровна, тадзи висьтасис нывбабаыд, директор дорас ачыс и пыртōдіс. Регыдōн и сёрнитчисны, да эскōдіс директорсō, мый локтас татчō. Сōмын пō мед юр сюянін вōлі жō. Патера пō сетны ог вермōй, ставōн тані ас керкаын олōны, но эм пō кытчō овмōдчынысō. Весиг нуліс да петкōдліс важиник нин керка. Ывласяныыс кажитчис ичōтикōн, а пытшкōсыс ыджыд вōлōма. Кык жыръя и быдōн. Сōмын пача, аслыд пō ковмас ломтысьны. Пестō пō ваям. Туланлы керкаыс да йōрыс медся нин ёна воисны сьōлōм вылас. Быдлаті исаліс да пасъясис.

Гелий Николаевич сэки эз и тōдмав весигтō, верōс сайын абу тайō велōдысьыс. Янсōдчигас тай коді зэв нин кыдзкō аслыспōлōса видзōдліс сы вылō. Быттō жалитіс, мый бōр мунō сійō. Эз на, тыдалō, тōд директоркōд сёрнитчōм йывсьыс. Та вōсна Гелий Николаевич мыйлакō шуис:

— Регыд бара аддзысям.

— Збыльысь?— нимкодълунсō эз сяммы дзебны нывбабаыд. Сэсся чōв олыштис да юаліс.— Гōтыртō тшōтш вайōданныд? Сійō смелмōдчас жō татчō локнысō?

— Ог,— вочавидзис Гелий Николаевич.

— Оз, дерт, быдōн татчō локны.

— Абу менам гōтырыс. Некодлы локнысō,— веськыда ковмис висьтавы Гелий Николаевичлы.

Татшōм юōрсыйс нывбабалōн мыйлакō ыпнитліс баңзибыс. Синъяссō зэв тэрыба дзебис. Гелий Николаевич понйыскōд мōдōдчисны автобус сувтланіно. Галина Петровна эз на дзик пыр воськовт школа ѓдзōссō. Мужичōйлы бōрсяныыс видзōдны яндысис жō. Сулаліс да ывла сынōднас зіліс шедōдны мыйыськō тасасьōм лов шысō.

Гелий Николаевичлōн мунігчōжыс син водзас вōлі нывбабалōн видзōдласыс. Неуна жугылькодъ мугōм синъясыс, аслыспōлōс нюмыс кажитчисны зэв мичаōн. Гелий Николаевич кыпаліс ловнас. Сійō бура нин тōдіс, мый вежоныс на оз коль, кыдзи бōр бергōдчас тайō сиктас. Гашкō, вежяс сылōн олōмыс, лоас карын дорысь кыпыдджык да гажаджык. Тайō гажсō да кыпыдлунсō корсьōм могысь ѓд сійō и мōвпыштис вежны оланінсō. Дзик нин дубōн кутіс кажитчыны карса олōмыс. Быттō ѓти пōлōс сьыланкыв быд лун сьылō. Некутшōм вежсьōм абу. Сэсся и

водзё олом йылысь на колё мовпыштны. Карас кё эз сюр муса мортыс, кодкёд позис отувъя поз лосьодны, гашкё, кёнкё сиктын виччысьё татшёмыс сійёс? Колёкё, буретш тайё нывбабаыс? Сэсся асьё кутіс дивитны сыысь, мыйла эз юав, верёс сайын абу. Дерт, кёнкё, верёса. Татшём мичаыд оз кут отнасён овны. Тайё мовпыс другысьён пазёдіс воддза нимкодясьёмсё. Лачаыс выль шуд вылё нем виччысьтөг сыліс. Сёмын кёнкё зэв пыдын кутчысис эскём, мый оз весышөрё лок сійё Паськыдвидзас.

Вежоныс на эз коль, кызди Гелий Николаевич босытчис нин велодны сиктса школаын. Унаторйё ковмис выль пөв аслыс велодчыны. Медсясё сиктса оломас. Дерт, кор тодмаліс, мый Галина Петровнаыс збыльысь верёс сайын, ёна шогё усыліс. Быттьо сэсся сылы тайё нывбабасыс өприч некод эз ков. Мыйла сійё сылы сэтшёмасё сёлём вылас воис? Гашкё, мелілунысь гажыс быри. Колёкё, матысмис сійё кадыс, кор отнадён овны некутшёма нин эз кут кыскыны. Отчыл весиг весёпөрліс юрас воём мовпсыс. Галина Петровнаыс мыйёнкё зэв ёна муніс коркёя нывбаба вылас, кодкёд тай модысь аддзысьломсыс пышйис. Дерт, ёнасё сылысь чужёмсё оз нин помнит. Но кажитчё, мый дзик жё Галина Петровнаыс кодъ сійё. Гашкё, весиг гөлөсыс татшём жё небыдик и. Синъясыс татшёмкодъ жё жугыльось-а.

Налён мусукасьёмыс артмис зэв нем виччысьтөг. Коркё велодысьяс отлаын рытйысисны. Нимлун сёйисны. И босытчисны йоктыны. Мужичойыс Гелий Петровичысь отдор сёмын кык. Отыс физкультура велодысь, модыс кодлөнкё верёсён висьтасис. Галина Петровна корис сійёс йоктыны. Зэв яндысигмоз матыстчис, быттьо поліс, мый куражитчас да оз пет ськөд. Дзик сідзжё, кызди томдырийыд овло. Кажитчас кутшёмкё морт, да матыстчан йоктыны корны, а сійё чушнитас сёмын. Либё шуас, мый оз куж йоктынысё. Гелий Николаевичлөн аслас сёлөмыс йоктыны босытчис. Небыдика топёдіс мыччём кисё да петіс йөз водзас медся мича да колана нывбабаыскөд. Йөктігад быдторйыс артмывлө. Со нин топёдчыштісны ота-мөд дорас да кыкнанныс повзёмпырысь вешйыштісны. Сэсся бара. Гелий Николаевич сёлөмнас кыліс, мый вирныс лөсялө тайё мортысөд. Кыскөмөн кыскё тай ас дорас-а. Та бёрын модысь на йоктыны петавлісны. Гелий Николаевич нин водзмөстчис корнысё. Юрас гартчис мөвп, медым сёмын мукөдыс нинөм сэтшёмсё эз казавны. Зіліс дзебны мелі видзөдлассё. Кор рытйысьёмыс помасис, отлаын петны лөсялісны. Гашкё, лосьодчисны. Тадзи збыльджык лө. Мужичой корис колльодыштны Галина Петровнаёс Кармыльк грездө кежан туй вылёдз. Восьялалісны, ылөсас сёрнитісны. Весиг серөктылісны. Гелий Петрович ас вылас водзё лоөмторъяссё эз көсйы босытны. Окота вөлі кутлыны да пөсясьыс-пөся окыштны небыдик паръяссё. Но эз лысьт. Верёс сайын өд. Абу лөсьыд. Гашкё, прөста кажитчё сылы, мый Галина Петровнаыслы сійё абу веськодъ. Окыштны босытчан, да пель боктё донөдасны. Галина Петровнаыс вөлөма збойджык. Ачыс торйөдчигас топёдчыліс сы бердө да окыштіс.

— Со кызди гажмыссьёма. Эн дивит,— ыстысис жё сэсся сійё.

— От жё дивит,— эз лэдз сывсыс нывбабаёс Гелий Николаевич да ачыс нин меліа вайөдіс паръяссё модыслөн паръяс

дорөдз. Татшөмасө сійө томдырйиыс сөмын оқыштчывліс. Сэ-тшөм мелілун да небыдлун чужис сылөн тайө меліасигас. Нэмсө нин татшөмыс сы пытшкын эз вөвлы...

Мөд луннас кыкнанныс зілісны дзебны өта-мөдсьыс видзөд-ласьяссө. Но верман мөй кутны асьтө? Верман мөй сэсся гусьон видзны мөвпьястө? Лун кык мысти Галина Петровна виччысис сылысь школаысь петөмсө да веськыда крапкис-шуис:

— Гелий Николаевич. Гелий, ми өд абу нин челядь. Кыкнан-ным бура гөгөрвоам, мый вөчсьө. Ог төд, кызди тэ, но ме быт-тө выльысь чужи. Овны тэтөг ог вермы.

— А верөсүд?— мыйлакө тайө юалөмыс чеччыштіс мужичөй-лөн вомысь.

— Мый верөсыс? Ог көсйи ме нинөм төдны. Көсья сөмын, мед тэ да ме костын тайө бипурыс эз чусмы. Быттө көсьян кө ачүд. А ме тайөс нэмсө нин виччыси. Буретш тайө кадсө. Тэнө...

— Кыдзи ог көсйи? Но мый вөчнысө кутам?

— Видзөдлам. Кадыс петкөдлас.

Томъяс моз найө гусьон, йөзасьомысь полөмөн, веськөдчисны сикт сайө да сэні пөсясьыс-пөся оқыштчисны. Мый йылысь кө сёрнитісны, шудаа сералісны.

Кык лун мысти рытнас бара өтлаынөсь вөліны. Сэсся кой-мөднас, нельөднас... Та бөрын воисны өти кывйө, мый кыкнан-ныс нин збыльысь абу челядь. Колө дугдыны йөзсьыс дзебсясь-нысө. Аддзөм шудыс мед некор эз ло гусяөн. Галина Петровна кольччис узыны Гелий Николаевич дорө. Кузь войбыднад унатор сёрнитісны. Шуисны, мый талунсянь найө сэсся оз нин торйөд-чыны. Татшөм сьөкыда кыкнанныслы сюри радейтчөмыс, да воштыны нинөмла. Рытнас, ёна нин пемдөм бөрын, Галина Петровна ыджыд чоботанөн да сумкаөн вуджис Гелий Николаевич дорө. Дерт, полісны шуасьомысь, янөдөмысь. И таысь эз вермы-ны пышйыны. Быдторйыс вөлі. Найөс гөгөрвоысьяслөн выныс вөлөма ыджыдджык, да ставыс бурөн помасис...

* * *

Галина Петровналөн аслас мөвпьяс. Зіліс муртыштны, мый-сянь ставыс йөткыштчис. Нелямын арөс бөрын олөмтө вежөмыд оз нем виччысьтөг артмыв. Кысянькө локтө сійө, ылө кольөм кадсяныс на. Сідзи өд и эм. Университет помалөм бөрын гежөд морт веськөдчис сиктад. Кызвыныс карө сирасисны. Галялы сэні уджыс эз сюр. Көнкө вузасьны, кытчө пысасисны кык-куим ныв, сійө эз көсйи. Паськыдвидзө воигас вөліны мөвпьяс, мый уджалас тані, а шойччан лунъясө да отпуск дырйи кутас корсьны кутшөмкө удж карын. Велөдысьон жө. Кор Коляыс сы бөрся босытчис вөтлысьны, торъя эз пышгьяв сыысь. Патераас, кодөс вичмөдісны сылы, колө пачөн ноксьыны. Пес пыртлыны, ва вайны. Коля, зіль да велаөм мортыд, став тайө могьяссө бергөдліс. Кор сысянь вөлі нинөм оз ков, сөмын сэк корсьліс помка, медем талун рыт эз воы. Шойччыштас көть трактор, турун да вурун йылысь сылөн лабутнөй сёрниысь. Сэсся артмис сідз, мый карсьыс нинөм эз кут сюрны. Тані жө дзик өтнадөн

олигад дурман дзикөдз. Сэссия и Коляыс дзикөдз өшйис сы вылө — гөтрасям да гөтрасям. Дерт, вөлі кө сійө вывтi зывөктанаөн да сьолөмыслы ковтөмөн, Галина Петровна эськө эз жө пет сы сайө. Мыйкө на костын вөлі жө. Олыштан да мортыд дорө велалан, сэссия весиг пө мусмывлө на. Та вылө лачаөн и петис Коля сайө. Збылысь велалис. Сылөн төждысьом, отсөг вылө пыр дась локтөм дорас. Сыкөд эз жө вөв дзик гажтөм и. Вөрө шойччан лунъясө нулис, юысь чери кыйны велөдіс. Тадзи воясыс и лэбзисны. Дерт, челядь кө чужисны, мөд мөвпгяс Галина Петровналөн юрө поздысисны. Öнi жө олис öти көсиймөн: воас кад, и аддзас сійө мортөс, кодкөд позяс варовитны оз сідзи, кыдзи Коляыскөд. Литература, олөмлөн сюрөс да вылітi лэбалана мукөд пөлөс сёрнияс позяс нуөдны. А мыжаөсь таысь велөдчан нывьёртгясис. Кор кывлісны, мый петө верөс сайө тракторист сайө, ёна и шензисны. Мый йылысь нө пө тэ, велөдчөм, университет помалөм мортыс, сыкөд кутан варовитны? Куйөд кыскалөм йылысь али мый? Ёна парскисны Галяөс тайө кывъясыс. Пыдөдз вежөрас сатшисны. Оліс Коляыскөд быттьө эз аслас олөмөн. Вежөрыс корис верөсыскөд нуөдны мөдджык сёрнияс. А ковмыліс бызгыны сиктса төжд-мог йылысь. И юрас пыр олис самасьом лача, мый тайө ставыс недыр кежлө. Локтас кад, паныдасяс сійө велөдчөм морткөд, кодөс кутас радейтны мөд ногөнджык. Галина Петровна Колякөд олигөн эз вермы сетны сылы став меліунсө, кодi сэссия вочасөн чөжсис, корис петан туй. Пыдди пуктіс верөссө, а радейтіс-ө, эз төд. Ас ногыс, дерт, радейтіс да пыдди пуктіс. Эз кө өд, та дырасө эз ов. Но юрас пыр вөлі мөд пөлөс көсийөм. Мыйкө быттьө сеттөм на сылөн. Сөмын колө аддзыны мужичөйөс, кодлы позяс козьнавны став меліунсө, радейтөмсө. Чөжсьөма сылөн вежөрын и код вөсна кө төждысьны көсийөм. Мед сійө ачыс сьолөм доймытөдзыс майшасис сы вөсна, мед вөлі кодлыкө бур. Öнiөдз жө Галина Петровна олис сідз, мый төждысисны да майшасисны сөмын сы вөсна. Дасяс олис. Вась Микулайлөн ставыс вөлі артыштөма абу сөмын аския лун кежлө, но и локтан вояс йывсьыс нин бура мөвпыштөма.

Со татшөм мортыс и сюри. Ачыс Паськыдвидзас локтіс. Гелий Николаевичөн висьтасис. Галина Петровна ловнас и вежөр-нас дась нин вөлі выль пөлөс олөм дорас. Та вөсна и повтөг вуджис сы дорө. Эз кут яндысьны йөзлөн шуасьомысь. Ас окотась көсийис водзөсө овны. Мөд мөвпгясөн да көсийөмөн.

Сөмын өтитор абу вөлөм артыштөма. Чайтіс, мунас Вась Микулай дорсьыс, да мөдыс нэмсө сэссия өтнасөн и кутас кургыны-овны. Сы йылысь казтылөмөн, бөр локтөм вылө лача кутөмөн. Сійө төдіс, Коляыс мукөд моз шогысла оз юсьы. Кутас лючки овны. Но юрас некор эз воы мөвп, мый сы местаө налөн керкаас вермас пырны мөд нывбаба. Сійө мыйлакө асьсө эскөдіс, мый сылы быдтор позьө, а Коляыслы оз. Та вөсна öнi, Гелий Николаевичкөд орччөн куйлігөн, медводдзаысь мунөм бөрас, дзикөдз тырис лөсявтөм мөвпгясөн. Мыйла нө Миш Валяыс сы дорө воывлө? Оз өд кад лотөм могысь. Мыйкө өд юрас кутө жө гөтыртөг олысь мужик дорө пыравлігад? Ачыс Валяыс верөстөм и быдөн да. И арлыдыс буретш Коляыслы лөсялана. Оз вермы лоны, мед сылөн вөвлөм верөскөд орччөн кутас куйлыны мөд нывбаба, и Вась Микулайыс босьтчас шуавны сылы сійө

жӧ кывъяссӧ, кодъясӧ сылы шулывліс. Кутас тӧждысьны сы вӧсна, вӧчны ставсӧ, мед кодлыкӧ вӧлі лӧсьыд ськӧд орчӧн. Кыдзи олӧм чӧжыс зіліс вӧчны Галяыслы. Вежӧгтӧмӧмӧн тайӧ мӧвпъяссӧ он жӧ шу. Но мыйкӧ сылань муныштӧ. Эз кӧйы кодкӧдкӧ юксьыны Вась Микулайнас Галина Петровна и ставыс. Мый кӧть сэсся вӧч. Мунны кӧ татысь да сэсся дзикӧдз вунӧдны, мед эз аддзыв ни эз тӧдлы, кыдзи вӧвлӧм верӧсыс олӧ — сэтшӧм ногнад кызкӧ позяс на. Но ӧд некытчӧ нин муннысӧ. Гелий Николаевичлы да сылы. Некод найӧс оз виччысь. Гашкӧ, сьӧвзыны став вылас да мунны татысь? Позяс на аддзыны места, кытӧн найӧ лоасны коланаӧсь. Дерт, татшӧм арлыднад олан местатӧ вежны сьӧкыд. Но со тай вежис. Вуджис Гелий дорас. Позяс и водзӧ воськов вӧчны. Но мынас-ӧ Коля йывсьыс мӧвпъясысь? Эз вермы вочавидзны. Но мунӧм йылысь думъясыс неуна такӧдыштисны сійӧс, да коркӧ вермис жӧ унмовсьнысӧ...

* * *

Мӧд асывнас Галина Петровналы садьмӧмсянныс юрас воисны тӧрытъя мӧвпъясыс. Мӧдлаӧ мунӧм йылысь мӧвпыс эз нин сэтшӧма шонты. Кыдзкӧ эз вӧв окота янсӧдчыны сиктыскӧд, кӧні со кызь во оліс, кытӧн быд пу тӧдса. Школаыслысь быд пельӧс жӧ бура тӧдӧ. Йӧз йывсьыс и сёрнитнысӧ нинӧм. Кыдз нӧ ставсӧ тайӧс босьтан да эновтан? Мӧдлаын татшӧмыс оз ло.

Рытнас Гелий Николаевичкӧд рытйысигӧн пыр виччысис, кор дзуртыштас посводз джоджыс, да ӧдзӧсӧ небыдика тотшкӧдчасны. Видзӧдлывліс лабич улын лӧня куйлысь Тулан вылӧ. Сійӧ медводз чепӧсйӧ, кежӧ кӧ кодкӧ наланьӧ. Мӧдыс весиг пельяснас эз ворсышт. Вугыртлас, восьтлас синъяссӧ, быттьӧ видзӧдлас, тӧдмалас, мый ставныс на ас места вылынӧсь, да бара водзӧ ныровмунас. Сёр рыт нин воис.

— Вольсасям сэсся,— мыйлакӧ эз сэтшӧм збодера артмы Гелий Николаевичлӧн. Ышман руыс пыркалӧма, абу тӧрытъя кодь. Галина Петровналы кутіс весиг кажитчыны, мый оз нин сэтшӧм горша видзӧд сы вылӧ, кор босьтчис пӧрччысьны. Видлісны жӧ эськӧ водӧм бӧрас кильмыштны ӧта-мӧд дорас, да эз сэтшӧм визула. Быттьӧ мода вылас сӧмын. Кыкнанныс кокниа ышловзисны, кор ышмӧмысь водзӧ нинӧм эз артмы.

«Мый нӧ талун Коляыс эз мыччысьлы? Мыйкӧ лоис али мый?»— мӧвпаліс Галина Петровна.

«Со кытчӧдз воим. Николай Васильевичтӧг рытыс эз кут рытӧн кажитчыны»,— юрас вирдыштіс Гелий Николаевичлӧн.

Мӧд рытнас бара некод эз мыччысьлы. Коймӧдыс зэв кузьӧн кажитчис ӧтнанысӧн кургигад. Видлісны эськӧ мый йылысь кӧ сёрнитны, но эз ладмы. Нельӧд и витӧд рытнас некод жӧ нырсӧ эз мыччыв. Весиг Тулан гажтӧмавны босьтчис на вылӧ видзӧдӧмӧн. Мича кӧ вӧлі ывлаыс, позис кӧть сиктас петавны. Но зӧрӧмсьыс ёнасӧ эз дугдыв.

Шойччан лун сэсся суис. Асывсянныс Галина Петровна гораа босьтчис майшасьны:

— Меным Кармыльк грездас талун колӧ ветлыны. Ваня Киселев мыйкӧ ышмыны бӧръя каднас кутіс. Колӧ батъ-мамыскӧд

аддзысьлыны да сёрнитыштны, мед бурджыка пи бёрсяыс видзодасны. Гелий, тэ мекод он ветлы? Отнамёнлы быттё гажтём.

— Меным од колё жё сэтчё волинысё. Витя Пыстин выло элясьыштны,— пыр жё и сюри помкаыс модыслы.— Бур, мый тэ водзмөстчин. Ме эськё дыр на нюжмасы. Ветлам и эм. Со тай ывлаыс быттё югыштё.

Енэжыс збыльысь вощыштіс. Кымөръяс вөснялісны, весиг арся шонді мыччысьлывлыны кутіс. Зэв одйё лөсьодчисны да туйё петісны. Медся нимкодъ лои Туланлы. Водзас и котөртё. Пызйыштлас вель ылё да бергөдчөмөн виччысьё. Быттё юасьё — кодарё сэсся сылы кежны колё...

* * *

Вась Микулай эськё мод рытнас вөрзёдчыліс жё Паськыдвидзад ветлынытё, да падмодысь сюри. Миш Валялөн керка дорті мунігөн казяліс, кыдзи нывбаба тажъясьөмөн кыскё кузь да кызіник пөв.

— Оран,— сувтыштіс тайёс аддзём бёрын Микулай.

— Ог. Пес лэбулөй со абу. Колё вөчны,— водзё мый вынсьыс кыскис нуанторсё Валя.

— Мыйла нё ачылд? Корин мед кодөскё.

— Корны эськё позис да. Но од вештысьны колё. Кор на меным дышөдчөмсьыс сьөмсё ваясны. А мынтысьнысё пырысьтөм-пыр корёны.

Эз вермы тайёс видзөдны Вась Микулай, кежис нывбабалөн йөрө да кокниа кыскис пөвсё индөминөдзыс.

— Аттьё.

— Нинөмысь. Пес лэбувтё од куш пөвйысь он вөч. Сюръяс первой сувтөдлөны.

— Эмось од. Сөмын лэптыштнысё эг вермы. Зэр улас туктөмаось да свинеч кодьось. Но ковмас кыдзкё...

— Ме отсышта.

— Тэ бурлачитан паськөма да. Мунан, тыдалё, код дорё кө гуляйтны?

— Кокөс веськөдны петі. Дыр-ө нё вежсьынытё? А сэтчө... ме аски на верма ветлынытё.

— Ог и төд, мый шуны. Дерт, отсыштін кө — бур да. Сөмын шуа тай, мый пырысьтөм-пыр вештысьны уджсьыд ог вермы-а.

— Быд отсөгысь кө сьөм пычкыны — кутшөм нё сэки ми йөз?— збодера шуис Вась Микулай да тэрыба веськөдчис гортланьыс. Катша понйыс, коді мый выло кө лачаөн тшөтш жё вөлі ськөд туйё петөма, кутіс увтчыны. Быттё висьталіс, мый оз ков сыланьсё мунны. Ми пө модарё мунысьяс. Сэсся көзяин бёрсяыс модөдчис. Тані виччысьны эз кут. Код төдас, кытчө көзяиныс мунас.

Миш Валя бёрсяныс нюмъяліс. Төдіс кө эськё Микулайыс, мый сійё сөмын неважөн на гортсьыс петіс. Буретш сійё кад кежлас, кор Микулай вөлөк вуджны модөдчылё. Виччысис сылысь гортсьыс петөмсё да вөлісь босьтчис пөвсё тажъявны. Эскис, мый Микулайыс тайёс аддзём бёрын оз веськодя дінтіыс

шлывгы-мун. Сідзи со и лои. Торкис эськө мунөмсө мортыслысь да. Но да нинөм. Мый морла сылы сэтчө-татчө довъявнысө, кор дінас со эм? Сөмын сывтө нюжөд да топөдды.

Дзик пемдытөдз мошкоритчисны найө. Мужичөй сюръяяссө матыстис, нывбаба посниджык пөв торъяс кыскаліс. Зэв на гылыда сёрнитисны и. Өтчыд Микулай бөрас другысьөн бергөдчыліс да видзөдліс нывбаба вылө. И юрас быттьө нөшкөн косьөбтісны. Дзик Галяыс кодь быттьө Валяыс. Кутіс тшөкыдджыка видзөдлассө сылань шыблавны да уна өткодьлунсө мыгөрсьыс аддзис. Тушаыс, тэчасногыс быттьө кульөма да ёрөма — өткодь. Гашкө, рөмдыштис да сійөн тадзисө кажитчис? Бөрас Валя мырдысьөнмоз тшай юны пыртөдіс. Сэні Микулай пөсь васьыс ли мый дзикөдз небзис да юөртис:

— Лэбувтө збыльысь кад вөчны. Төв воас, да лым письыд пестө босьтавны сьөкыд лоас. Талун со ставсө матыстим, а аски ме сюръяяссө сувтөда. Слөйма кө, и пөвъяссө на тувъявны босьтчам.

— Гашкө, он нин да? Тэнад өд аслад могъяс. Медала өд кодөскө.

— Эн вай йөйтав. Кутшөм нө менам, өтка мортыдлөн, мог? Некод водзын эн кевмысь. Ме вөча. Шуи кө...

Вель дыр пукалісны, телевизор на видзөдыштисны и. Гортас Микулай локтіс нин өкмыс час гөгөр. Рытыс талун кутшөм өдйө лэбыштис — шензьыштис и быдөн.

Рытгоруvtө уджалігөн и зіль мортыд оз вермы өдйө ставсө вөчны. Кадыс эз судзсьы. Пемыдад чернад ноксигөн верман и кытчөкө лёка веськавны, ковмыліс дугөдчыны. Вит рыт колис, да век на помыс эз во. Вась Микулай абу велалөма эштытөм уджтө эновтны, да эз дугөдчыв. Эз и слөймы ветлыны Паськыдвидзад.

Шойччан лунө Вась Микулай мөвпыштис асывсянныс пес лэбувнас ноксьыны. Поводдяыс кө лэдзас, позяс талун эштөдны. А рытнас ветлас Паськыдвидзө. Мый могысь? Код төдас. Велавсьөма да, сійөн, гашкө. Вит лунсө тай оліс ветлытөг да век на со ловъя. Дерт, гөтырыс юрсьыс эз жө дзик петавлы.

Поводдяыс вежсис. Шонді со мыччасьны кутіс. Вась Микулай көсйө нин вөлі чер босьтны да петны Миш Валяясө, но сійө ачыс сы дорө воис. Өдзөсө тотшкөдчис да пырис. Картупеля шаньга пөжалөма водз асывсянь.

— Вайи со тшайтө юны,— ыстысис сійө шаньгаяссө пызан вылас пуктігмоз.

Позис, дерт, и гортас вердны да юктөдны, но эз чайт, мый и шойччан лунө мужичөй лөсьөдчө пес лэбулөн ноксьыны. Сійөн и ачыс со вайис.

— Ме буретш тіянө лөсьөдчи локны,— шай-паймуніс Микулай.

— Талун өд шойччан лун. Гашкө, костөдлам уджтө да? Тэныд өд коркө колө жө лолыштнысө. Уджсьыс.

— Помавны панөмасө колө. Со весиг зэрны дугдөма.

— Арыс кузь на. Эштас. Тэ вай тшайтө шаньганас ю. Ог төд, артмис эз бара-а. Ог өд бурасө и куж пөжасьнысө.

— Банийөма тай со и быдөн эськө да,— дульвасө весиг нылыштис Вась Микулай.

Сійо олөмас быдтор кужо, а со пөжасьомыд оз артмы. Коркө көсйис Галясө картупеля шаньгаон чөсмөдлыны, да өніөдз яндзим. Шляпмуні няньыс, пачсьыс дзик ульөс кыскис.

— Тэ видлы, видлы. Колөкө, сөйнысө оз шогмы,— көть эськө Миш Валя ассьыс пөжассө гортас видліс нин. Бура артмөма. Сэсся и Микулайлы вайөм вылө медся банийомаяссө бөрийис.— Пес лэбулыд оз на пышйы.

— Тэрмасьыштны жө эськө колө да,— рытөдзыс эштөдчөмысь майшасис Вась Микулай.— Недыртө позяс и виччысьлыны. Шаньга вылас вежөй нин петө, да видлытөг ог ов.

— Сөйыштан, да эбөсыд лоасджык.

— Ме эськө ог жө тшыг кынөмөн ов да.

— Тшайыд нө эм?

— Ваыс пөсь на. Чуткыла, мед пузыылас.

Вась Микулай чайник пуктіс. Сэсся пызан вылө вайис кык чашка. Валя тэчис тасьті вылө вайөмторсө. Ва пузьом бөрын выльысь заваритісны тшайсө. Мужичөй көсйис нин пуксьыны, но видзөдліс аслас уджалан паськөм вылө да босьтчис майшасьны:

— Лөк паськөмөн эськө татшөм банийөм шаньга дорас абу и лөсьыд пуксьынысө. Гашкө, көть нин дөрөмөс вежа?

Миш Валялысь весиг юасьны кутчысис. Но вочакывсө эз жө виччысь. Саймовтчыліс да локтіс медся мича дөрөмсө пасьталөм бөрын.

— Дзик тай жөник кодь,— шмонитыштіс нывбаба.

— Тшай юан дөрөмөс со аддзи,— ошйысьыштіс мужичөй. Сэсся ланьтыштіс да коса содтіс:— Жөник и эм да. Пөрысьөнэмө жөникөн со вөчисны.

Валя татчө нинөм эз сэсся шу. Мыйкө висьтавсяс, да оз сідз лөсъяв. Торкны асья сөйөмсө эз көсйы. Пуксисны, Вась Микулай азымпырысь курччис шаньгасө. Мөдыс виччысис, мый шуас ньылыштөм бөрас.

— Зэв тай чөскыд,— ошкыштіс Микулай.— Ачыд нө мый он сөй? Куш васө ырскан.

— Ме гортын пөттөдз нин няръялі. Збыльысь мөй артмөма?

— Зэв чөскыд. Менам Галя татшөмөс жө вөлі пөжавлө.

Татшөм өткодялөмыс Миш Валялы өна парскис. Эз вермы кутчысьны да крукыштіс:

— Грездсаяс шуөны, сійө пө нэмнас абу пөжасьывлөма да. Ме эськө ачым эг аддзыв, но со висьталөны.

— Йөзыд, гашкө, мыйсө оз шуны да,— видліс дорйыны гөтырсө Микулай, но видзөдліс нывбаба вылө да збыльсө висьталіс.— Сідзи и эм. Эз артмыв сылөн пөжасыд. Весиг эз босьтчыв. Пач дорад сійө гежөда сулавліс. Некор да. Видлы өнія челядтө велөдны. Нинөм вылө кадыд оз ло. Ме нин кызкө ачым...

— Тэнад быдтор артмө. Кадтө аддзан и,— ошкыштіс Валя.

— И тэ со сямман жө и,— водзөс мынтіс Вась Микулай. Сэсся нем виччысьтөг юаліс:— Валя, верөс мунөм бөрад сідзи өтнадөн и олін?

— Отнамөн. Код нө меным колас? Да и кодлы ачым кола?

— Колантор на эськө да. Кодлыкө. Некодкөд мөй эн төдмасьлы?

— Эг,— дзебис недыр кезлө аддзысьлөмгъяс йывсьыс Миш

Валя. Но эз жö кут ставсö гусьöн видзны да мыйлакö висьталіс сы йылысь, кызди газетö гижлöм бöрын паныдасьліс öти мужичöйкöд.— Öтчид аддзысьлім, а мöд луннас сійö повзис меысь да эз лок. Сылі.

— Йöй али мый?— шензис мужичöй.

— Зэв сюсь, да сійöн. Коді нö кутас ме вылö видзöдны? Татшöм пöрысь да мисьтöм вылад?

— Эн вай ышмы. Кутшöм нö тэ пöрысь? Ме бöрын на уна во мысти школатö помавлін да. Чужöм вылад мича и.

— Збыльысь?— ырсмуні Валя.— Збыльысь поэö на ме вылö видзöдлыны?

— Поэътöг оз ов! Зэв на нöшта поэö,— сьölöм сетіс мужичöй.— Аддзан на кодöскö.

— Гашкö да....

Пöсь тшай ырскигмоз мужичöйлöн коймöд шаньга нин быри. Нывбабалы таысь любö вöлі. Эз кө öд чöскыд вöv — нельöдö эз кутчысь. Вась Микулай чöv олыштіс да другысьöн юаліс:

— Век көсья вöлі тэнсьид тöдмавны, да кызкö эг лысьт юавнысö.

— Мый?— ырсмуні мöдыс.— Мый нö көсьян менсьым тöдмавны?

— Ог и тöд, мыйсянь босьтч... ны... ны,— мөмъявны кутіс Микулай.— Абу эськö лосьыд, да юала нин. Валя, тэ, нывбаба мортыд, ас кодьясыдлысь мөвгьяссö бурджыка тöдан. Кыз чайтан, мыйла Галяыс тадзисö вöчис?

— Кыз нö ме верма тöдны? Сылөн аслас юр, менам аслам жö дай.

— Но мыйлакö тай вöчланныд. Гелий Николаевичыс мöй меысь мичаджык?

— Ме сійöс синмөн на эг аддзыв да. Сэсся нелямын бöрад мичлунсьыд, чайта, этша мый босьтан. Мыйкö мөдтор, тыдалö, абу тырмылöма.

— Мый? Ме öд сійöс чунь помөн эг чуткыв. Кутшöм нин киён вартöм.

— Таысь оз жö быдөн мунлы. Нöйтöмъяссьыд мукöдыслы, гашкö, любö весиг.

— Дугды. Кодлыкö любö нöйтöмыд. Эн лосьöдлы сэні.

— Гашкö, сійö, кодкöд овмöдчис, быд рыт жбоньöдö?— видліс шмонитны Валя.

— Оз. Абу сэтшöм.

— Кытысь нö сійö уси?

— Карысь мутиясыс ки пölöдыс вайöдöмаöсь. Быттö сэні дзескыд лöма.

— Гöтыра жö вölöма?

— Коркö, важөн. Сідз тай висьталö-а.

— Сідзкö, наян морт. Локтіс карсьыд сиктад. Гажтöмыс шымыртіс. Со и аддзис, кодöс ас дорас босьтны, мед гажаджык вöлі.

— Эз жö кө куш та вöсна да? Радейта пö Галяöс да. Меным шуліс весиг.

— Оз öд кут висьтавны збыльсö. Ме тай чайта, мый мужик мортыдлы, коді йöз муö веськалöма, бурджык пөвтö корсьны да овны. Тайөн и Галина Петровнатö мырддис. Гашкö, и эз.

Сөра нинөм абусө. Мортсө төдтөг. Ме ас олөмысь нинөм ог гө-гөрво, кытысь нин йөзлысь. Эн и юась сэсся. Збылысь кө, чайта, Галина Петровнатө арлыдыс сконйыштіс.

— Ог гөгөрво,— важөн нин дугдіс сёйнысө да зэв сюся видзөдіс нывбаба вылө Микулай. Быттьө виччысис, мый регыд лоас вочакыв став вылас.— Нелямын сайө өд жө нин сылы.

— Сійө өд и эм. Нелямын бөрад пө нывбабаыдлөн баба гожом заводитчө. Нем виччысьтөг быттьө казялам, мый олөмыс колыны кутіс, а мыйкө жальөн, вөчтөмөн колис. Виччысям рытья шонділысь шонтөмсө. Көть эськө асья шондіыс кө оз шонты, рытьясьыд он нин нинөм босьт. Но век на тай лача кутам, мый көть нин рытьявывсө шонөдчыштам.

— Меным мед висьталіс дай, мый сылы колө. Ме эськө сылы мусө да васө бергөдөмөн вайи, мый эз тырмы.

— Оз, тыдалө, тэсянь вөлөм ков тайө вөчөмыс да. Ме чайта, мый йөйталөм тайө ставыс. Быттьө зілям олөмсө, том арлыдсө бөжөдыс тшапнитны, а оз нин ладмы.

— Збылысь оз артмы сылөн?— весиг сувтіс Вась Микулай.

Миш Валя сы ногөн сёрнитны эз көсйы да орөдіс лачасө:

— Кодсюрөлөн артмылө.>Addзөны сійөс, мый олөмас эз тырмыв. Налөн чайтөм серти. Сэсся водзөсө тыр-бур шудөн олөны...

— Мед оз,— венө пырис мужичөй.— Баба гожөмыд өд ок дженьыд. Он и төдлы, шутөвтас. Нинөм нин сэк он слөймы вежнытө.

— Сідз эськө да. Но мортыдылы тай чайтсьө, мый удзөдіс асьсө шуднас, да сійөн медсясө видлөны мыйкө вежнысө. Сэсся асьныс эськө регыд жө казялөны сорсьөмсө, но...

— Чайтан, бөр бергөдчас? Ме дорө?

— Ог төд. Чайта, мый оз. Галина Петровнатө ме неуна төдышта. Сійө асыра. Көть казялас, оз кос.

— Казялас кө, бара и косас,— эз сетчы мужичөй.— Сылы эм кытчө коснысө.

— Гашкө да,— эз сэсся көсйы дзикөдз орөдны мортыслысь лачасө Миш Валя. И кежөдіс сёрни визьсө:— Пукала тані, а со видзөда да, джоджыд чышкытөм тэнад. Гашкө, водзөс пыдди көть чышка?

— Төрыт на эськө корөсьөн нуөдлі да. Колөкө, эг сэтшөм бура. Абу эськө ёгөсь со да. Öти мортыдлөн нө кытысь ёгыс?

Мед водзө эз нуөд өтка олөм йывсьыс нюргана сёрнисө, Миш Валя кежавліс пачводз дорас.>Addзис корөсьсө да өдзөс дорсяныыс босьтчис чышкыны. Муртса на кыкысь-куимысь уди-тіс өвтыштны, кыдзи кыліс тотшкөдчөм шы.

— Восьса өд, пырөй,— зэв зіля артмис Микулайлөн. Быттьө нэмсө нин пель чошкөдөмөн виччысьөма тотшнитөмсө. Весиг ачыс уськөдчис да паськөдіс өдзөссө и кынмис.

Посводзсянь сы вылө видзөдіс Галина Петровна. Быттьө инөма сылөн неважөнся сёрни визьыс, кевмөма лой, да со кылөма.

— Галя! Бөр локтін?— эз сяммы дзебны нимкодьлунсө Вась Микулай.

— Йөймин али мый нө? Велөдчысьяслөн бать-мамыскөд адзысьлыны локтім. Дум вылө уси, мый лэчыд чер колө, да пыри юавны. Эм абу тэнад лишаланаыс?

— Ме чайті...

— Тэ коть мый чайт. Меным веськодь. Эм абу, мися, черыд?

— Мыйла? Мыйла ковмис?

— Эз кő өд ковмы, эг юась. Гелийос кőсья тшөктыны посводз пөвьяссө лөсьөдыштны.

— Ме на верма волены. Сылөн оз артмы чера уджыд.

— Артмас. Мужик мортлы сиктад ставсө вөчны ковмас велөдчыны.

— Мый нө посводзас сулалан? Пыр керкаад.

Миш Валя налөн сёрнитігкості коть и ньөжмөддіс вөрассө, но джодж чышкөмысь эз дугдыв. Галина Петровна аддзис сылысь пелькөдчөмсө да джөмдіс:

— Тэ тай кесйылөсөс аддзөмыд.

— Тайө и эм Миш Валяыд.

— Төда өд. Оз ков висьталөм. Сөмын тай оз сідз чышкы-а. Ме пыр вөлі өдзөс дорас ёгсө нуөда. А сійө пыранінсяньыс джодж шөрас чукөртө.

— Тайө, гашкө, тиян көнкө өдзөс дорсянь чышкысьлөны, а миянын пыр на пачводз дорө вайлісны ёгсө, медем сэсся чукөртиштны да пачас койыштны,— ярскөба вомаліс Миш Валя.

— Чышкысьны тай босьтчис. Ме эськө ачым на төрыт...

— Абу чышкылөмыд да. Со мыйта ёгыс. Эз кő быттьө бөкө-вөйяс пыртлыны... Шөйтысьыд век сюрас. Лөктөны корөм ни төдөм.

— Валяыс менө чукөстны воис. Шаньга со вайис...

— Дзик тай тэ, коньөр, тшыг. Быдөн вердны кő видзөдчөны,— пинь пырыс моз водзө сёрнитіс Галина Петровна.

Миш Валя помаліс чышкысьөмсө. Чукөртис ёгсө да пач пөдан восьтлөмөн койышти сэтчө. Зэв лэчыд видзөдласөн самасьліс Галина Петровна вылө. Көсийс мыйкө лөкөс шуны, но кутчысис. Вась Микулай казяліс налысь өта-мөд вылас бугжылясьөмсө да юаліс:

— Öтнадөн лөктін?

— Гелийкөд. Öтнамөн ме уна нин ветлөдлі. Кодсюрөлы век некор вөлі мекөд мунны,— мыйлакө руа талун вөлі Галина Петровнаыс. Тадзисө и өтлаын олігас эз сёрнитлыв.

— Көні нө сійө? Гелий Николаевичыс? Ывла вылас колин али мый? Ме час петавла да чукөста. Керка дорын оз жө кут сулавны,— чепөсийс Микулай.

— Сійө мела бөртиджык кежалас. Муніс Пыстиньясө. Пиыс вылө элясьны, мед бур ногөн быдтасны,— век на эз вежсьы бурланьө Галина Петровналөн гөлөсыс.— Тэнад нө кутшөм праздник талун?

— Некутшөм праздник абу. Мыйла юасян?

— Мича дөрөма да.

— Тайөс ме сідз пасьтавлі. Тшай юим. Час вежся. Ме өд Валяы пес лэбув вөчны отсася. Вит рыт нин со ноксям.

— Аслад чипасыд пөлыньтчөма-а.

— Мед абу. Кытөн?

— Керка сайын.

Миш Валя эз тэрмась мунны, коть эськө казявліс бугжыль видзөдлассө Галина Петровналысь. Весиг дэльөдчигмоз на кисьтіс аслыс тшай да пуксис пызан сайө. Вась Микулай эз төд, кытчө

воштысьнысö, мый шунысö. Медым вошны налөн син улысь, помка аддзис:

— Ме час черыдла петавла.

— Бурсö, мыйöн тай ме дорын уджалін, эн сет,— тшай ырскигмоз дöсадитчис Миш Валя.— Налясны кужтöгыз.

— Сійöс и лоö сетны. Менам эм на некымын,— Валяöс босьтчис такöдны мужичöй.— Пес лэбувтö помавны сюрас на черыз.

— Медся бурсö вай. Мед лэчтöма вöлі и,— сүйсис Галина Петровна.

— Николай, гашкö, чашкаястö ме мыська?— водзö ассъыс нырвизьсö нуöдіс Валя.

— Оз ков. Ме ачым.

— Менам став стöканыс мыськöма. Югъялö. Тэкöд рытывбыд сэсся тшай юам. Тэныд талун тэрмасьны некытчö. Асьныс со локтісны...— дэльöдчис суседкаыс.— Тэнö видлыны. Гажыс бырöма да.

— Гаж сысь эз на быр,— вомаліс Галина Петровна.— Могъяс вöліны, да локтім-а. Эз кө — татчö нырöс эг сүйлы. Колантор.

— Черсьыс öтдор дась волöмөн, гашкö, мыйкö нуанныд на?— майшасис Вась Микулай.— Уна на коланаторйыс тэнад коли да. Али нинöмла и нунысö?..

— Оз ков. Миян ставыс тырмö. Ковмас кө, ньöбам,— орöдіс Галина Петровна.

— Ставсö эн сетава. Аслыд на ковмас,— сүйсис Миш Валя.— Олöмыс кузь на...

— Валя, тэ мун да виччысь. Ме öд локта,— веськыда нин ыстыны кутіс суседкасö Вась Микулай.— Галялөн, гашкö, аскежся сёрни эм да.

Галина Петровна эз тöд, мый и шуны. Валяыс со чепöльтны видзöдчö, пукалö сэні. Быгтьö гортас уджыс бырöма. Да и Микулайкöд аскежся некутшöм сёрни абу. Кöсйис мыйкö көть шуны, да Валяыс пановтіс:

— Ме дырйи мед висьталö. Ме абу паськыд вома, некодлы ог ну.

Видзöдö Микулай, бурөн он мын суседкасьыс. Он öд шошаöдыс петкöд. Ачыс воськовтіс öдзöс тагöссö, лэчыз чер лöсьöдны медым. Нывбабаяс ас кежын кольöм бöрын нускыштісны. Некоднанныслөн сёрнитанторйыс эз вöв. Мужичöй дыр эз кут локны, да Галина Петровна крукыштіс:

— Тэ, гашкö, татчö вуджны нин видзöдчан да?

— Корö эськö Коля да. Эг на тай воча кывсö век сет-а. Мöвпала на. Донъяся со.

— Дерт нин Коля тэнö коравны кутас. Сöран нинöм абусö.

— Ассъыс юав, он кө эскы меным.

— Колантор. Вöчöй, мый көсьянный. Менам аслам олöм, сылөн аслас жö дай. Көть сötанасö татчö вайöдас.

— Видзöда да, чушис тэныд. Менö татысь аддзин, да льöбйыд тіравны босьтчыліс. Аслыд оз нин ков, а йöзлы мед эз жö вичмы. Сідз öд?

— Вöчöй, шуа тай, мый көсьянный.

— Бара ылөдлан асьтө да. Видзөда да, выльыс тэныд колө, и важсө дзикөдз воштыны жаль. Друг да...

— Зэв тай тэ востер кыв вылад лоомыд. Карад олигад.

— Быдторыйыс ме вывті мунліс. Со и аддза.

— Мый нин бара и сэтшөмсө аддзан-а?

Миш Валя эз слөймы вочавидзны. Пырис Вась Микулай. Черсө, тыдалө, посводзас кольома. Миш Валя наяна видзөдліс Галина Петровна вылө:

— Юав.

— Колантор.

— Мый нө көсьян юавны?— пыр жө и пысасис Галина Петровна дорө мужичөй.— Мыйкө нөшта колө али мый?

— Нинөм оз ков. Валя кывсө со песө. Гортас уджыс абу, да тшөкөлдывайтны йөз дорө петөма.

— Муна сэсса,— эз кут водзө быд кывйө пысасьны Валя. Көсийс воськовтны өдзөслань, да тотшкөдчөм кыліс.

Гелий Петрович ассьыс локтан могсө олөмө пөртөм бөрын тэрыба веськөдчис Вась Микулай керкалань. Тулан понйыс грездө пыригөн на паныдасис Катшакөд, коді кытчөкө котөртөдіс мөдсө. Гашкө, грездса понъяс водзын ошйысьны выль кавалер-нас. Со пө кутшөм ыджыд, ён да шыльыд жөникөс аддзи. Гелий Петрович вылө мукөддасяньыс петавлөмөн видзөдлісны. Грездад тай өдйө ставыс паськалө. Налөн локтөм йылысь юөрыс төв ныр моз вирдыштис. Кодсюрө синнас на абу аддзывлөмаөсь, коді пышйөдөма Вась Микулайлысь гөтырсө, да видзөдлыны петісны. Окота жө төдны, код сайө кылөм ни төдөм друкысьөн чепөсьома Галина Петровнаыс. Сійөн и тэрыба шавксөдіс Гелий Николаевич. Йөз синъяс улысь мед өдйөджык саймовтчыны. Керкасө Галяыс грездас пыригөн на индіс да корсьны эз вөв сьөкыд. Зэв мича оланін вөлөма пөлыслөн. Кайис кильчө вылас, пырис посводзө. Абу бара, майбыр, патераыслөн кодь крукась-лана пөвъяс вольсалөмаөсь. Мавтөмсьыс кокыд вильсьялө. Тотш-көдчис. Пырис да муртса эз весьөпөр. Сылы паныд сулаліс нывбаба. Сійө, кодкөд тай карас өтчидысь аддзысьліс да мөдысь-сө паныдасьөмысь повзис. Каститчө али мый нө? Вомсьыс ачыс чечыштис:

— Тэ?!

— Ме,— вочавидзис Валя, коді пырысьтөм-пыр төдіс Гелий Николаевичөс.— Та ыджда ныратө вунөдны сьөкыд.

— Мый нө тані вөчан?

— Ола ме тані.

— Николай Васильевичыскөд?— мыйлакө тайө юалөмыс арт-мис мужичөйлөн.

Миш Валя гылыда серөктіс. Вась Микулай да Галина Петровна нинөм гөгөрвотөг видзөдісны на вылө. Гелий Николаевич быттө сөмын өні казяліс мукөдсө.

— Чолөм, Николай Васильевич.

— Шойчы-шонтысь.

— Ті нө төдсаөсь али мый?— эз вермы водзө кутчысьны да юаліс Галина Петровна.

— Төдсаөсь. Неуна сөмын,— босыгчис мөмляйтны Гелий Николаевич.

- Неуна, неуна,— быттьо дэльöдыштис Миш Валя да ваш-мунис.— Сідз öд, Гелий?
- Сідз. Тэ весиг менсьым нимöс абу вунöдöмьд. Ме тай ог помнит. Энлы... Абу Валя?
- Валя,— мöд пыддйис висьталис Вась Микулай.
- Галина Петровнаы эськö окота вöлі пырысьтöм-пыр топöдны Гелийсö да юасьны ставсö. Но кутчысис.
- Сідзкö, бур. Оз нин ков тöдмöдны,— кыдз позьö шмонлив гөлöсөн сöмын шуис сійö.
- Карас тöдмасьлінныд али мый?— эз кут чöv овны Вась Микулай.
- Сэні,— вочавидзис Гелий Николаевич.— Сё дивöыд и эм. Муыд тай йöзыдлы векни. Он куж мövпыштны, кытөн бара паныдасян.
- Мыйла нö пышйин?— юасьны босьтчис Миш Валя.
- Эг жö пышйы. Эг вермы да. Локнысö сэсся...
- Валяыс нö мый, важ гöтырыд али мый?— другысьөн юрас воём мövпсö шуис Вась Микулай.
- Абу. Сідз тöдсаöсь,— вочавидзис Гелий Николаевич.— Галя, тэ абу на мунысь?
- Мунам сэсся. Коля, кытчö чертö пунктін?
- Он на жö мунöй,— ырсмунис Вась Микулай.— Тшай ютöгыс. Валя со зэв чöскыд шаньга пöжалöма. Видлöй кöть.
- Ті нö öтлаын збыльысь оланнды?— мыйлакö майшасьöмөн юасьны босьтчис Гелий Николаевич.
- Думайтaм на,— дэльöдчис Миш Валя.
- Дугды нинöм абусö сөрны,— вомалис Вась Микулай.— Ог, ог олöй. Ме Валялы пес лэбув отсала вöчны. Со и локтис, менö чукöстны.
- Абу и колöма воынысö,— ассьыс шуалис Галина Петровна.— Сöмын гудыртчыны кутис ставыс.
- Нинöм оз гудыртчы да,— эз гөгөрво Гелий Николаевич.— Ачыд тай мырдысьөн кыскин.
- Ме кыски?! Тэ тай шуин, мый Пыстинъясö колö ветлыны. Ме тшöтш вöтчи.
- Гашкö да,— пöлыслысь вежсьöм чужöмсö вöлисти казялис Гелий Николаевич.— Ме ветлі нин на дорö. Мунам сэсся.
- Тшай ютөг ог лэдз,— ассьыс долис Вась Микулай.
- Гортас юасны. Миян уджыс юр выв тыр. Пес лэбулыд виччысьö,— скойсис бара Миш Валя.— Тэрмасьöны йöзыс, да мырдысьөн кутан.
- Командуйтö нин со,— код тöдас коды вылö моз шуис Галина Петровна.— Вай мунам, а то тані дзикöдз...
- Бара пышъян,— Гелий Николаевичлы нин шуис Миш Валя.— Сэкса мозыд.
- Гелий, вай висьтав веськыда, коді тайö?— Валя вылö индіс Галина Петровна.
- Со. Валясö нин эз кут тöдны,— шензьыштис мыйлакö Вась Микулай.
- Тэ нöшта пиньтö кеслыны кутчысь,— чорыда öлöдіс Галина Петровна.— Гелий, висьтав. Нинöм меысь дзебтөг.
- Пырмунігмоз коркö паныдасьлім. Сідз öд, Валя?
- Кодлы кыз...

— Бөрас, Галя, висьтала. Збыльысь өд абу и ёнасө төдсаөсь весиг. Өтчыд коркө төдмасьлім... Мунам ли мый вай. Өдйөджык татысь.

— Мыйкө тані не сідз,— кос гөлөсөн шуасис Галина Петровна.— Быттьө збыльысь кодыськө пышъян.

— Галина Петровна, ми ськөд збыльысь абу торъя төдсаөсь,— мыйлакө жаль лои Гелий Николаевичыс Миш Валялы.

— Видзөдлам,— эскытөм синъяссө чөвтіліс сы вылө мөдыс.— Гашкө да. Коля, чертө вай. Ми мунам сэсся.

— Тшайтө тай эн юй-а. Ме тіянын век юла, да быттьө абу и лөсьыд Гелий Николаевичсяньыс,— майшасьны петігмозыс кутіс Вась Микулай.— Мөдысь волігөн сэсся оз юктав дай.

— Нинөмла шөйтнысө,— посводзө воськовтігмоз шуис Галина Петровна.— Тэтөг гажа.

— Нинөмла, нинөмла,— пыр жө и сы дор сувтіс Миш Валя.— Тані лөсьыд. Мунны кө кутас, ме ог лэдз.

— Тэ нөшта тшөкөдывайт,— бутжыльтчыліс Галина Петровнаыс.

Вась Микулай черсө вөлі гартыштөма чорыд дөраөн, мед оз вундысьны.

— На,— чургөдіс Гелий Николаевичлы.— Медся бур черөс ассьым сета. Дерт, менө кө чукөстлінныд посводзтө дзоньтавын, регыдөн и вөчи да.

— Асьным вермам. Сідз өд, Гелий.

— Ме эськө чера уджтө эг на ёна вөчлы да. Ковмас велөдчыны.

— Велалан,— сьөлөм сетіс Вась Микулай.— Ме өд первойсө уна чер жө нальлі. Ныжмас, да меным вайлы. Лэчтала.

— Видза колян, Николай Васильевич. Став бурсө, Валя,— шуаліс торйөдчигас Гелий Николаевич.

Галина Петровнаыс мыйлакө кыв шутөг восьлаліс потшөслань.

— Аддзысьлытөдз, Галина Петровна,— бөрсяньыс горөдіс Миш Валя.

Мөдыс эськө мыйкө вочавидзис, да эз кывны. Гелий Николаевич тэрыба босьтчис вөтчыны сы бөрся. Катша да Тулан горт дорас жө нин вөліны. Өтлаын мөдөдчисны мунысьяс кок туй кузя. Катша быттьө монявын Паськыдвидзө мөдөдчөма.

— Катша, лок, кытчө мунан?— понсө чукөстіс Вась Микулай.

Катша тэрыба бергөдчис да котөртіс сылань. Ок эськө, Галясө кө таdzi жө горөдөмөн косөдны! Оз өд кос. Горзы көть эн. Га-лина Петровна Гелий Николаевичлань видзөдөмөн мыйкө зэв сьө-лөмсяньыс юасис. Мөдыс кинас и кокнас быттьө вочавидзліс. Сувтыштлөмөн тай сёрнитіс весиг. Тыдалө, дорйысис мыйыськө. Мунысьяс саймовтчисны. И сөмын сэк Вась Микулай уськөдчис юасьны.

— Гелийсө нө кытысь төдан?

— Төда тай со.

— Меысь эн дзеб. Висьтав.

— Өнтай на сы йылысь гарыштлі да. Шулі тай, мый газетө ас йылысь юөр сетлі. И со өти мужичөй шыасьліс. Өтчыд воліс аддзысьлыны, а мөд луннас — эз.

— Тайө али мый? Мыйла нө мөдысьсө эз лок?

— Код төдас...

— Валя, а тэ сылы, буракö, кажитчан.

— Эн сөр.

— Збыльысь. Казявлі өд, кыдзи сійö пыригас тэ выlö видзö-
діс. Гашкö, рыгнас кыкөн на дорö ветлам да?

— Колантор. Менам аслам олөм. Сылөн, тыдалö, аслас жö
дай. Галина Петровнаыскöд. Мед олöны.

— Кыдзи мед олöны? А ме?

Валя нинөм эз вочавидз. Мөдөдчис ас керкаланьыс.

— Энлы, Валя. Ме час вежся да пета. Босьтчи да помала
нин,— уськөдчис гортланьыс Вась Микулай.

Ывла вылын талун гажа, шондіа. Көнсюрö, дерт, мыччысисны
нин юра кымөръяс. Вермасны регыд вевттыны шондісö. Он и
гөгөрво: баба гожöмыс сöмын на босьтчö али бара помасян вы-
йын нин. Гашкö, бөръя шондіа лунсö сöмын арыс мыччөдліс...



Чужан му йылысь

Чужан муёй — олөмын меддона,
Став лекторсьыс зільö менö видзны.
И кор олөм дойдлывлö зэв ёна,
Отсалö век сійö аслас мичнас.

Сійö видзö пытшкас мамлысь гөлөс,
Шонтö съөлөм мыла шыа горөн.
Коми сёрни помтөг сяльгö-шывгö
Чужан грездöй кузя сөстөм шорөн.

Чужан муөс бытьö Енсянь козин
Олөм помөдз видза съөлөм дінын.
Вунөдны-ö коркö сійөс позяс?
Олан гажöй менам, чужанінöй...



Куим лун да нэм

Ольга Туковалы сиа.

Төвшөр, 21 лун.

Өтчыд тэ шуин, мый йөз да миян костын йитөдыс — кодөнкö шуштөм төвся войö уна тор вылö орийөдлөм сунис. Тайö суниссö көрталігөн өтияскөд ми өтлаасям, а мөдъяскөд некор йитны позьтөм сунис помъясын колям. Ми видзөдам өта-мөд вылö, но огö кылöй ёрта-ёртнымөс, и та вөсна огö гөгөрвоёй. Ми горзам, но чизыр төв миянысь гораджык. Ми көсьям воськовтны водзö, но полам усьөмысь. Ми корам шонді югөръяс, но найөс аддзигөн куням синъяснымөс да сідзи и кольччам помтөг өшавны асланым сунис помын.

А чайгін-ö тэ, мый весиг өти сунис помын өшалысь ловъяс коркö кутасны төдтөмтчыны? Ме эска: миян тадзи оз ло... Не-кор... Сөмын воддза олөм вылам видзөдлігөн пола мөвпыштны мөдөс...

Тэ, көнкö, көсьян юавны, мыйла ме гига та йылысь өні, кор сөмын на талун вои гортö? Карын олөм бөрын сиктса сынөдыс садьмөдö ичөтдырсянь на вунөм мөвпъяс да көсийөмъ-яс... Заводитан видзөдны олөм вылö мөд синъясөн. Карса тшынөн вевттысьөм лов нимкодьясьö и шонді югөрлы, и мича лым чирлы, и вөр-ва шыяслы... Но өні вежөрöй чужан сиктса мичысь ылын...

Төвшөр, 22 лун.

Ме эг чайт, мый татшөм юалөм былө тэнад лоас сы мында вочакыв. Но эг на гөгөрво, бур тайö али лёк, сьөлөм пытшкысь и водзджык, быттьö ру пытшкысь, кылі тэнсьыд кывъястö. Ог көсийы велөдны тэнö, мыйкө гөгөрвоодны, өд и менö некор некод оз гөгөрво.

Тэ дась сетны ассьыд дневникъястö мортлы, кодкөд ёртасян сөмын неумын төлысь... Мыйла? Ме эськө тадзсö некор эг вöч. Тэ бара шуан, карса морт пö уна пөв сьöкыдджык сиктсасысь. Сійö дзутсьома олөмас, быттьö черань везйын. И мудзöма, ставөн кольөм, оз и мөвпыштлы корсьны петан туйсö. Джуджыд керкаяс сайөдоны сөмын на петны заводитөм шондисö, лэбачьясьлысь сьылөмсö важөн нин вежисны гым кодь шуштөм шыяс. Сөмын лэчöны найö оз енэжсянь, а му пыдөссиянь уна мытшөд пыр кайöны и кайöны вывлань. Мый вайöны найö йöзлы? Кутшөм төдчанлун кутöны?

Дерт, сиктса морт олө мөдторйөн... Та йылысь тэ төдны он вермы, а ме, көнкö, важөн нин вунөді... Либö көсийы вунөдны... Ми олам миянлы сетөм олөмөн, паныд шыасьтөг, нинөм вежтөг. Сөмын кодъяскö вежöны ёртъяссö, кызди коркө вежасны и миянös. Но ми полам мөвпыштны та йылысь, чайтсьö, öнi вывтi на водз... А кор лоö сёр, дойнымös йöз синъясысь дзебөмөн кутам овны водзö. Овны и овны водзö...

Төвшөр, 23 лун.

Төдан, пöся ыпъялысь талунъя вöртасын эм кутшөмкө төдчанлун... Кутшөмкө сійö лажмыд и йир кодь джуджыд, виччысьтөм и лöсьыд, енкöлаыскöд йитана и сэтшөм дженьыд... Сылөн ставсö шымыртысь биыс быттьö öзтö синмөн судзтөм лым толаяссö, öта-мөд бöрся сулалысь ловтөм керкаяссö. Татшөм вöртассö ме аддзывлi нин неумын во сайын, но мый йылысь сэки мөвпалi, мыйөн олi — вочавидзны сьöкыд. Мый көсийыс сины меным öшинь пыр джоджö водөм гөрд югөр? Вайыс сійö кутшөмкө юөр либö прöстö висьталis йöзлы шондi пырөм йылысь? Гашкө, тэ и вермин эськө гөгөрвоны сылысь вежöртассö, вöлiн кө тани... А ме, көнкö, и вунөді нин, а вермас лоны, некор эг и велавлы гөгөрвоны.

Мыйла төвся кымöрыс сэтшөм пыдөстөм да чусыд? Прöшви кодь орьöдлөм енэжыс косявлö лолös...

Весьшөрö ме гижа тайös тэныд, өд роч кыв былö вуджөдөм бöрын тайö кывъясылөн төдчанлуныс вежсьö, и найö чужтöны мөдсяма сьөлөмкылөмъяс. Но ме эска... Мыйö ме эска?..

Алөйгөрд кыаыс кусi, и кызкö немтор йылысь лои гижнысö... Регыд ме муна карö и ог и казявлы, кызди дзутся некытчö мытшасьтөг гөвкъялысь черань везйö.

Тэ шулiн, мый и уна-уна йöз пöвстөд мунигөн кылан асьтö öткаөн. Ме төда: тадзи кокниджык, өд йöз да миян костын йитöдыс — кодöнкö шуштөм төвся войö уна тор былö орьöдлөм сунис. Тайö суниссö көрталигөн öтияскöд ми öтлаасям, а мөдъяскöд колям некор йитны позьтөм сунис помъясын...



«Войвыв кодзув» журнал талунъя лыддысьяслы, чайтам, абу нин сэтшӧм бура тӧдса Михаил Ильич Лудыковлӧн нимыс. М.Лудыков зӱля заводитӱс ёртасьны журналкӧд 1966 воын. «Сё майбырӱй, кыйсьӧмӱй!», «Абу тай еретнича — еретник вӧлӧма», «Мый медчӧскыд», «Юква» да мукӧд — сьӧрсӧн-бӧрсӧн кутисны петавны гижысьлӧн дженьыдик серамбана висътъяс да мойдъяс. Бурети найӧ, кыдзи и гижӧ казътылӧмъясас Лия Васильевна гӧтырыс, сылӧн медбура артмисны. Ыджыдкодъ повесът — «Пужга вылын тулыс» — йӧзӧдӱс журналын 1969 воын.

Лия Лудыковалӧн верӧс йывсьыс, ськӧд тӧдмасьӧм да ӧтув олӧм йылысь казътылӧмъясас петкӧдсьӧ сійӧ кадся олӧмыс и сійӧ кадыслӧн тӧжд-могъясыс. Та вӧсна редакция и лыддӧ коланалӧн йӧзӧдны казътылӧмъяссӧ.

Лия ЛУДЫКОВА

Велӧдысь гозъя

КАЗЪТЫЛӧМЪЯС

Миша Лудыковкӧд тӧдмасим институтын, I курсын. Сійӧ велӧдчис роч группаын, ме — комиын. Та вӧсна ӧтлаын веськавлім сӧмын лекцияяс вылын. Медводз менӧ чуймӧдӱс овыс — таӧдз эг на кывлы: медмустӧм ловъя лолыслӧн нимыс. Гортын тайӧ добраыд война дырйи тырмымӧн вӧлі: узыны эз лэдзны.

Ӧтчыд, сёр арнас нин, коми кыв урок вылын пуксис ме дорӧ Оньков Степан да сетӱс бумагатор. Лыдди: «Лудыков Мишкалӧн сьӧлӧмыс вӧрзьӧма тэ вӧсна». Вочавидзи: «А тэ пыклы, сямман кӧ, кытчӧдз менам оз вӧрзьы».

Степанлысь гижӧдсӧ пыдди эг пукты, думайті, шмонитӧны, кӧнкӧ пӧ, кокни мывкыда да эскас. А мен сӧк вӧлі любӧ и нимкодъ, пӧшти пыр вашъялі-нюмъялі: ӧд збыльмис менам кӧсйӧм — институтӧ веськалі! Мися, мыйкӧ кӧ збыльысь лои Мишка пытшкас, аслыс колӧ висътавны ли гижны... Мӧд-кӧ, менам эз на помась челядь арлыдӧ ӧзйӧм медводдза любовӱй, а вӧзйысьӧ нин мӧд, тӧдтӧм, и пыр жӧ радейтчыны кодӧкӧ мӧдӧ эг вермы.

Медводдза любовӱй чужис война заводитчан воас. Декабр 31 луӧ дедӧ вуджаліс Угдымӧ ез видлавны. Вайис вель уна чери. Сывдіг-керигкостіыс воймис. Водтӧдз дедӧ и шуӧ:

— Ну Шестаковъясӧ свежӱй черисӧ, Елена Ивановна юасьӧ вӧлі. Тӧдан керкасӧ?

Ме эськӧ зэв полысь, но кывзысьысь вӧлі. Шестаковъяс олісны Яксиктын, кӧні оліс ыджыд мамӧ. Керканысӧ тӧда, кывлі, кодъяс найӧ, но эг на аддзыв: велӧдчи сӧки Трошсиктса начальнӱй школаын. Полигад он и тӧдлы, кыдзи лэбзян, мед некод оз кут. Котшкӧдчи — лэдзисны. Радныс! Свежӱй чери пӧ!

Ас кындзиныс вöліны челядя госьтьяс. Менö пөрчөдісны, пуксьөдісны пызан сайö, пока öтнамös: дас кыкыс эз на вöv. Челядь котралісны, верстьöяс ноксисны чериön. Тьötкаыс, батыслөн чойыс, вайис меным рис рок да компот — татшöмторъясö таöдз некор на эг сёйлы ни юлы, көть батьö вузасис сельпоын. Сёйи ньöжйö, гөгөр видзöдаліг. Челядь век котралісны. Мен кажитчисны чоя-вока, дзик мамныс кодь мичаöсь — Юрий да Клара.

Война мөд вонас помалі Трöшсиктса начальнöй школа. Юрий сэки жö помаліс Вичкодорса начальнöй школа. Ми веськалім öти классö. Сійö велөдчис бура, пасьтасис öкуратнöя. Квайтөдсизимөд классъясын мен кутіс кажитчыны сыын ставыс. Юрий лои мен сынөд кодьön. Мыйкö сыын вöлі сэтшöм, мый шонді моз шонтіс менö, көть төді, радейтö мөд нылös. Ме сотчылі яндзимöйла, мыйкö кө эг вермыв вочавидзны урок вылын.

Война помасьöм бöрын пыравлі велөдчыны педучилищеö, но тшыгъялөм вöсна висьми, лои бөр локны гортö. Бабö вöзйис менö шойнатыса рөдвуж ордö кага видзысьön. Рыт-асывсö кага видзи, луннас нулі яслиö, ачым сэккості котөртлі школаö, велөдчи көкъямысöд классын. Тадзи олöмыс бара йитіс медводдза радейтанторкөд. Но öкмысöд классын Юрий ышмис: кутіс юны, нывъясасьны, эз волив урокъяс вылö. Дерт, майшаси, көть эськö сылы ме вöлі нинöм. А сэсся сійös школаысь вөтлісны. Елена Васильевналы, учитель-мамыдлы, яндзимыд!

Юрий муніс Воркутаö. Но сьölöмын сійö дыр на оліс, некодös эг сибөд, көть кодсюрöйс вöзйысьлісны. Сёрнитлі та йылысь чойыскөд, да, тыдалö, висьталöма Юрийлы. Кор нин велөдчи пединститутын, мөдөд курсын, ытіс письмö, мый мөдөдчö Нёбдінö да пыравлас видлыны. Локтіс кодön, и ме пышйи төдса нывъяс дорö. Аскинас локтіс садь. Вöлі дасьтыся экзамен кежлö общежитиесайса керъяс вылын. Унатор йылысь сёрнитім, но эгö радейтчöм йылысь. Казялі: сьölöмын ни вежöрын Юрий дорö нинöм абу кольöма — любовыд öтнас сотчöма. Юрий мен вöлі веськодь. Вот тадз помасис менам медводдза радейтчöмöй! Позьö шуны, сэсся эгö нин и аддзысьлöй. Но мамö да чойсö öнөдз радейта, торъя нин Елена Ивановнаös. Век көсйи лоны сы моз жö велөдысьön да сы кодь жö мича оласнога мортön.

А Мишка Лудыковлөн и збыль сьölöмыс вөрзьöма ме вöсна. Но сійö кажитчис уна нывлы. Сöмын мыйла ме дорö öзйис радейтчöмыс? Бура дыр эг эскы, эг лэдз радейтны ачымös. Войтөн-войтөн сылөн муслуныс тёпкис-пырис ме пытшкö. Кор Мишö аддзас менö, ловзяс, мичмас — сэтшöма тыдалö радейтöмыс! Прөверяйтіс ёнакодь. Ыстас кутшöмкö мича зонмös, мед ылөдлас менö. Гоз-мөдысь тадз вөчліс, да гөгөрвои сэсся и дугді на ордö пыравлыны...

Көть Лудыков Мишöлы некутшöм воча кыв эг на сет, сійö лыддис менö аслас нылөн нин и восьса вежөгтіс, мыйкö кө эз кажитчы. Сійö мастера гудöкасис, гашкö, сійön и кажитчис нывъясыдлы. А ме аддзывлі асланым школаысь сыысь на бура ворсысьös и эг чуймав. Быд субöтаö общежитиеын йөктылісны, и менö кө кутшöмкö зон корліс йөктыны — водзö эз ворс. Быть лолі либö нывкөд йөктыны, либö мунны жырйö лыддысьны. Тайö Мишöын мен эз кажитчы.

Коркө гожомланьыс нин, госэкзаменъяс дырйи, ветлі танцы вылө паркө воча воыскөд, моряккөд. Мишө ачыс тшөктіс ветлыны. Гашкө, бара прөверяйтіс. Ветлігкості юма, гартышт-чөма прөстыняөн и войнас шөйтө общежитие коридортыс, ом-лялө көин моз. Локті, да дежурной висьталіс:

— Лудыков Михаил виччысьö тәнө...

Збыль, вылі судтаас өшинь вылас пуксьөма да лөвтіг дзоргө өшиняс. Нуөді жыръяс, водтөді, пукалышти, кытчөдз эз ланьт. А воча воыс эз и пырав, гашкө, поліс Мишөкөд тышкө воөмысь.

* * *

Велөдчөм помасис. Удж вылө индалысь комиссия шуис мө-дөдны менө Югыдтыдорса школаө директорөн. А Шойнатыса школаын вожатөялігөн аддзылі, кызди оз радейтны директортө. Сэтчө жө помөсдинса да пожөгса студентъяс висьталісны, көні сійө да кызди сэтчө воөдчыны. Шогсьөмла-бөрдөмла висьми. Жалитісны унаөн, а Мишө эз сөмын жалит, но петкөдліс, мый збыль радейтө менө. Медводз шыөдчөма асланыс группаөн веськөдлысь дорө, сыкөд мунөмаөсь институтса директор дорө да сөрнитчөмаөсь вежны уджалан местаяснымөс и мөдөдны миянөс өтлаын Пожөгө. Да нөшта шуөмаөсь вөчны комсомоль-скөй свадьба. Менө корисны дирекцияө. Директор юалис, радей-та-ө Миша Лудыковөс. Шуи, кызди, мися, та бөрын он радейт мортсө. Көть ачым бурасө эг на төд, збыльсь-ө радейта. Но комсомольскөй свадьбаысь өткажитчи. Мамө зэв стрөг вөлі, весиг зонмасьны эз на тшөкты. Олім ми гөля, и семьяын ме первойөн лөсьөдча босьтны сьом. А колө на чөйясөс велөдны, мамөлы отсавны чукөртны сьом керка стрөитөм вылө — сылөн нэмөвөйся көсйөмыс.

Сьөкыд вөлөма олөмыс и Мишлөн, да мекөд сөглас лои.

— Гозъясям сэк, кор көсьян,— шуис сійө.— Но овны кутам өтлаын.

Мед, көнкө, некод оз мырдды менө. Но өтлаын олөмлы ме вөлі паныд.

* * *

Гортъясө мунтөдз матыстчис миян дорө Оньков и шуө:

— Мишка и Лия, мыйла онө босьтчөй вуджөдчыны?

— Мый вуджөдны?— юалам.

— Роч книга. Мишка роч кывсө бура төдө, тэ, Лия, комисө. Век нин сьом.

Юасим, кызди-мый сэтчө босьтчыны. Ставсө висьталіс, сетіс адрес. И ми кутчысим сөгласа уджө. Тайө миянөс нөшта матыс-тіс. Вуджөдім кык книга: «Повтөмъяс да кужысьяс йылысь» и «Ю вылын бияс». Первойя книгасьыс весиг «Войвыв кодзу-лын» ошкисны. Мөдсө вуджөдім велөдігөн нин, тэрмасьомөн, но лэдзисны жө 1950 вояся «Войвыв кодзулын». Сетлісны бура уна сьом. Гөлиник велөдысьясыдлы ыджыд и отсөг вөлі. Мен төвся пальто ньөбим, а Мишлы — баян.

* * *

Нёбдинӧ воӧм бӧрын мамӧлы, дерт, эг лысьт висътавны, мый уджавны муна зонкӧд. Эськӧ гезъяліс.

Мишӧ локтігкежлӧ, волейболасигӧн, музгыльті кокӧс, да вочаавны сійӧс ветліс Ида чой. Найӧ тӧдмасьлісны институтын велӧдчигӧн на: каникулъяс дырйиыс Ида волевліс ме дорӧ.

Мишӧ узыліс турун видзан сарайын, вонйын. Уна куритчис, да мамӧ шуӧ:

— Пет сы дорӧ, а то пӧжар вӧчас.

Дерт, эг кывзысь. Кыдзи нӧ зон дорӧ пета?! Яндзим вӧлі чойясысь, ыджыд мамысь. Зонкӧд узылыны — сё дивӧ! Вӧвлы-тӧмтор!

Но луннас век вӧлім ӧтлаын — вуджӧдчим. Таӧдз ӧтнам прӧст здукъясӧ уна нин уджалі, и Мишӧ локтӧм бӧрын кыкӧн видлалім выльысь, корсялім стӧчджык, вынаджык кывъяс. А мамӧлы гижан уджыд — нинӧм. И миянлы помся тшӧктіс мыйкӧ вӧчны: потшсьыны, ветлыны турун «гусявны», лук весавны...

Нёбдинын недыр олыштӧм бӧрын мӧдӧдчим удж вылӧ, выль олӧмӧ. Мый сэн миянӧс виччысьӧ?! Кайим «Бородиноӧн». Медводдзаысь век ӧтлаын, медводдзаысь помся любуйтчӧм, ӧта-мӧдӧс тӧдмалӧм.

Мен вӧлі любӧ сыысь, мый кодкӧ тӧдса пыр орчӧн, позьӧ нёровтчыны сы бердӧ. Оз вӧрзы, кытчӧдз ачим ог садьмы. Ме яндысьысь вӧлі да сы моз эг лысьт петкӧдлыны муслунӧс. И Мишӧс йӧз водзын вывтӧасьӧмысь куті жӧ.

Медводз мусмисны Мишлӧн киясыс: ыджыдӧсь, ёнӧсь, но шоныдӧсь. Миян семьяын, дедӧ кындзи, мужикуловыс эз вӧв — ставныс усины фронт вылын. Дедӧ пӧрысь нин вӧлі, велӧдіс миянӧс, челядьӧс, уджавны: дӧмны гын сапӧг, вӧчны гӧлик-корӧсь, кыны тыв, летны вурун... Казялі, Мишӧлӧн киясыс дедрӧн кодъ жӧ ыджыдӧсь, но сэтшӧм небыдӧсь, помся ме гӧ-гӧр и бергалӧны.

Эжва вывлансьӧ Вомынысь водзӧ эг на кайлы да зэв окота вӧлі видзӧдлыны мукӧд сиктьяссӧ, сэтчӧс йӧзсӧ. Медъяна чуймӧдіс Уллына манастир. Ылісяныс зэв на и мича, кӧть висъталісны, мый ёна нин пӧ киссьӧма. Уллына видзӧдлыны палуба вылӧ кайисны, позьӧ шуны, ставныс, весиг пароходыс ганёвтчис. Синмӧ шыбитчисны Мамченко, Прометей Чисталёв да накӧд кодкӧ коймӧд. Мишӧ эз жӧ тӧд. Найӧ, вӧлӧм, Кулӧмдинӧ кайӧны, петӧмаӧсь каютасыс, мед манастирсӧ снимайтны. Сёрнитісны гораа рочӧн, да йӧзыс ёнджыка на вылӧ и видзӧдісны.

Аслыспӧлӧсӧн кажитчис Кулӧмдин. Тайӧ сикт йывсьыс мый-сюрӧ тӧді Нёбдинса Витторлӧн «Кулӧмдинса бунт» драмаысь. Но сәні этша гижӧма. Эг кӧ ас синмӧн аддзыв, эг и куж серпасавны. Кулӧмдин абу мукӧд сиктьяс кодъ: йӧзыс кужӧмӧн пукталӧмаӧсь керкаясӧ гӧра горувсяныыс йылӧдзыс сідз, мед став ӧшиньыс видзӧдіс Эжва юас. Тыдалӧ, ёна радейтӧны Эжва-мамтӧ.

А складъясыс! Лыдтӧм-тшӧттӧм! Уна судтаӧсь! Тӧдчӧ: грузсӧ ю кузяыс вайӧны уна, мед тӧвбыд тырмис.

Кулӧмдин пристаньын пароходыс кушмис. Сы мында йӧз

отпырйö чеччис татчö. Сиктса вельторъяс вылö чуймалыштöм бöрын кутим мовпавны сёйöм да узянин йылысь. Велöдчигчöж унакöд тöдмасьлим, но Кулöмдинысь некод эз вöв ни менам, ни Мишлөн, кöть сйö кокниа асмортасьö. Мишö кодъяскöдкö сёрнитыштіс, и миянлы сюри узянин, а сёйны ветлім индöм столовöйö.

Кызди тулысын лунысь лунö пуяс вылын паськалöны коръясыс, сидз жö син водзын восьё Мишлөн сямьс. Сйö оз надейтчы ме вылö, а мöдарö, видзö менö. Меным тайö вельтор, буртор, весиг мусатор.

Юасим, кызди воöдчыны Пожöгö.

— Сöмын пöпутнöй вöлөн.

— Кызд пöпутнöйөн?!

— Кодъяскö ваясны Кулöмдинö йöзöс, а бöрсö кайöны тыртöг. Вот и босьтасны ногъяснытö, а асьныд подөн ветымын верст... Кык лунөн воанныд: ю дорын узяд и водзö — Вылыс керкаöдз. А сэн сэсся узяд или воöдчад...— висьталісны тöдысьяс.

Тади сэсся и ветлім отпускъясö бура уна во.

Чеччим водз, мед эськö сюрас жö пöпутнöй вöлыс. Виччысим Пожöгö каян туй вожас. Но, миян шуд вылö, Эжва йылö кайисны артистъяс. Мишлөн сюрины тöдсаяс, и миянöс босьтісны.

А туйыс! Куш няйт гуранъяс, кöть вöлі кос август тöлысь. Кайисны кык машинаөн: öтиыс кö сибдас, мöдыс кыскö. Миянöс сölöдісны декорацияяс пöвстас. Мунігөн эгö и казаялöй, кызди Мишөлөн панера чоботаныс усьöма. Ветліс корсьны.

Пожöгö воим сёр рытын нин. Миянöс нуöдісны Опонь Михайлö керкаö, кöні олісны куим велöдысь. Войсö узим на ордын, а асывнас нуöдісны Дяк Ардашö. Сэні сэсся олім вит во.

Гожся керкааныс овлöмаöсь нин велöдысь гозъя. Мунöмаöсь мöдлаö.

— Тöвъяснас кöдзыд,— эз дзеб кöзяиныс.— Но кагатöгыдовны позьö: кык пач, ыджыд и ичöt,— индіс.— Школа пессö вайис.

Диван, ыджыд пызан, пу крöвать — некөн ни öти вевттьöд. Весиг öшиняс занавесьясыс эз вöвны. Ме вайи вольпась эжöд, юрлöс, кык важ прöстыня (пыр и вундалім занавесьяс вылö), чугун, тасьті, пань. Мишö — сöмын пань.

Колö вöлі корсьны идзас. Мишö шыöдчис кöзяева дорас. Найö юалісны бригадирлысь, позьö-ö босьтны идзассö гумла вывсьыс. Сетісны. Вольпась лои джуджыд и небыд. Шебрасьлім Мишөлөн пальтоөн, кытчöдз эгö ньöбöй эшкын. Узьлім гортын олан көлуйөн — во мында эг лысьт пöрччысьлыны — яндыси зонсьыс.

Локтöмөн тшöтш Мишö петіс клубö — гажыс бырöма гудöксьыс. А аскинас миянö локтісны нин сиктса зонъяс, кодъяскöд тöдмасьöма сэні. Куритісны ас табак, тшындісны, кöть чер öшöд. Мишö нинöм эз шу, и ме эг жö лысьт чирыштны, кöть тайö зэв эз кажитчы. Мыйөн мунісны, пасьтаси, восьті öдзöссö да öвтчи корöсьөн — ыркöді керкасö. А сэсся заводиті лöсьöдны урок, кöть велöдтöдзыс бура уна кад на вöлі. Окота велöдны, да мед эськö бура артмис!

Локтім ми 1951 вося август шöрын, школаыс вöлі нин дась. И сельсöветсянь тшöктісны ветлыны Пожög ю вылö ГЭС

строитанінö. И вот Мишö лои, кыз шуасны, ас местаас, йöз пöвстын, лун и вой. Полі, мед эськö этшö эз вошты. Мишö моз ме эг вермы öдйö тöдмасыны да рытьяссö коллялі öтнам. Виль ёртъяс эз на вöвны, дай быдöнкöд ог вермы лöсявны.

Кор кутім велöдны, медводдза ёртъясөн лоины аслам, 7 «б» класса, нывкаяс. Найö волісны субöтаö, вöскресенньöö, кор Мишö эз вöв гортын. Велöдчим вышивайтчыны, кысьыны.

Öтчид, субöта рытö, Мишö локтіс садътöм код, весиг порог вомöныс эз вермы вуджны да кыссис. Пуксис джоджö да шуö:

— Ме вылын зонъяс сералöны, мый ог вермы ныв чинтö босьтны. Кöсйöны вöлі пырны, мед кокъястö кутны... — и заводитіс чеччыны, кöсйис матыстчыны крöвать дорö, кöні вöлі куйла.

Ме йöткышті — код мортыд пыр и турбыльтчис джоджö. Ачым кайи паччөрö: сэтчö татшöмыд оз вермы кавшасьны. Сэні и тупляси войбыд, пöтмөн бөрді. «Но и артист,— мөвпалі,— ныж пуртөн орёдіс чужысь муслунсö. Абу тай прамöй морт вöлöма. Кодлöнкö тшöктöм серти олö,— сьölөмöй нора да шога топавліс, синвайö исковтіс чужöм кузя.— Паськыд вома зон, ставсö ми олöмысь висьтавлö сиктас. Татшöм гажъялöмыд бурөн оз помась. Бур, институтын эг кöсйысь свадьба вылад... Шулöны, мед морттö тöдмавны, колö пуд сов сёйны, а ми килосö на эгö сёйöй, а воссис нин. Он кö ас кадö чирышт — нöшта на вельмас. Сэтшöмтор думыштöма — юрсиыд сувтлас... Торйöдчыны! Мунны та дорысь... Абу тай прамöй морт!» — сизьдіс юрöй, а сьölөмöй бөрдіс и бөрдіс.

Войбыд нюлі Мишөн вöчöм дойсö и кылі, кызди пытшкын мыйкö оръясис и оръясис. Прамöя узътөг чеччи, чукöрті кöлуйс, босьтчи сюявны мешöкö — садьмис Мишö.

— Кытчö нö?

— Гортö,— вочавидзи скöрысь.

— Мый лои?

И ме висьталі ставсö, мый оз кажитчы. Сöмын на заводитім öтлаын овны, мися, а вöлі нин и тöвся кöдзыдыс, и арся нйытыс. Висьталі, мый зывök, кызди кутö асьсö сиктса зонъяс дырйи, кутшöм омöль кывъяс шуис тöрыт войнас...

— Нинöм ог помнит... — кутчысис юрас, дерт, пöкмелля. — Прöститлы вай ещö, эн мун. Дугда тадз овны... — шуаліс синва сорөн. — Юръяндзим!

— Ладнö,— кöсйиси,— кольчыла ещö, видзöдла...

Сэксянь гётрасьтöдзным узьлöм йылысь сёрни эз вöв. Велöдчим овны йöзö нййт петкөдтөг. Позьö шуны, тайö сёрни бöрас олöм дзикöдз вежсис. Сиктса зонъяс эз кутны волыны, но Мишö накөд дружитіс пыр.

Лоины виль ёртъяс. Субöта-вöскресенньöö воывліс Пётр Федотович Шахов гöтырыскöд. Найö олісны и уджалісны Помöсдінын. А воывлісны Кекурас, гортас, бать-мамыс дінö.

Локтісны виль велöдысьяс: Шарль Леонидович Савинов, Сумароков гозъя. Накөд бура дыр жö ёртасим. А Мартюшевъяскöд, Нина Тимофеевна да Феликс Арсентьевичкöд, öнөдз волям. Мишö кулöм бöрын весиг корлывла отсасьны.

Аттö ставныслы юрсянь да кок улөдз, мый эз вунöдлыны дай öні оз вунöдны.

* * *

Пожогын овмөдчөмсянь коли во. Локтіс гожом, и миянөс лэдзисны отпускө. Сэтшөма нин гаж быри ставсьыс — өдйөджык эськө гортө. Но... Медым веськавны Кулөмдинө, колө подөн лэччыны ветымын верст.

Школа сетліс телегаа вөв. Увланысь локтөм велөдысьяс өтув петім туйө. Нопъясным — телегаас. Комиясыд велалөмаось подөнтө ветлыны, да шаркъям-мунам. Роч морт, Валерия Сергеевна, мөдөдчис джуджыд бөрляа туплиөн. Кык верст мунөм мысьт шуө:

— Водзө мунны ог вермы: көмтөг эг велав, а туплиөн — мудзи,— и пуксис туй бокас.

Мишө босьтіс телегасыс чер да керыштіс каблукъяссө. Сідзи и лэччис Кулөмдинөдз. Но ми жалитім сійөс да тшөкыдджыка пуксьөдлім телегаас. Кулөм ю дорын узим. Узьомыс кө узьом вөлі! Куш ном!

Чеччим шөндікөд тшөтш, мед веськавны асья пароход вылө. А мудзим!.. Но сэсся лэччигчөж шойччим: сөйим буфетын, узим каютаын озыр йөз моз.

Мишкөд первой олыштім Нөбдінын, отсасыштім гортсаясы. Сэсся шуим ветлыны Гамө, мамыс дорө. Мишөлы тшөкті ньөбны костюм, дөрөм, мед мичаөн локны гортас. Босьтім гөснеч мамыслы, чойыслы, вокыслы. Ме мамөлы сетышті жө сьөм керка кер лэдзөм вылө. Аслым ньөби дзоридзьяса мича лөз платтө, джуджыд бөрляа лөз тупли — мича гозъя лоим.

Вочаалісны бура. Керка дорас йөзыс чукөрмөма концерт вылө моз. Локтісны өртъясыс, кодъяскөд помаліс институт: Оньков, Огнөв да зятъпуыс — Иван Белоголов. Луныс вөлі мича. Ывлаас йөзыс жуис — ставныслы окота видзөдлыны Илля Мишкалыс гөтырсө.

Мамыс ыджыдсьыс-ыджыд тшанын пуис сур — свадьба кежлө пө. Керкаас марляыс вөчалісны вонъяс: өтисө — мен да Мишлы. Мөдсө — аслыныс.

Но гортас воөм бөрын Мишө, кылалыс чаг моз, воши — лунтыр эз воны. Мися, тыдалө, семьяөн овны абу на дась. А ачымөс кута: не вежөгтыны, не суйсьыны мөдлөн олөмө.

Мамыскөд, Иллария Ивановнакөд, дыр сөрнитім Пожогын олөм йылысь (лөксө, дерт, эг висьтав), но шуи, мый ми абу на гозъя, и водзө нинөм эг көсйысь, свадьбаысь аттөалі, но өткажитчи. Аски асывнас шуи бөр мунны Нөбдинө, отсасыны мамөлы. Мишө воис сөр войнас. Пытшкын деливө, көть бөрд, но некодлы нинөм эг шу, эг петкөдлы нярмылөмөс. Аттөалі ставнысө, и Вовакөд, Мишөлөн ичөтджык вокыскөд, мөдөдчим пристаңө.

Тайө вөлі Иллария Ивановнакөд медводдза и медбөръя аддзысьлөм: мөд онас, февраль төлысьө, сійө кулі.

* * *

Гамысь кайөм бөрын вежон мында лөбалі карын. Майбыр, өтнам. Олі чойяс ордын. Кайлі институтө, сэтшөма гажөй бырө-

ма. Сеті заявление заочнőя водзō велодчōм могысь. Ветлі театрѣсō...

Нѣбдінō воигкежлō менō виччысис Мишōсянь письмō. Гижō-ма рочōн, а рочнад, шулōны, кывйыс небзѣ: сы мында мича кыв — сѣлōмьд тїпкō-ловзѣ. Тōвбыднад мича кывѣяссō эз слōймыв шуавлыны, а гашкō, коминас эз куж. Гижōд сертиыс тай ēна радейтō! Сїдзкō, колана ногōн олї.

Мишōлы некымынысь нин висѣтавлї, мыйла ог на пет верōс сайō: сōмын дугдї кага видзны да ог на кōсйы асѣым лōсѣдны. Первой мамōлысь видзи куимōс (мамō чужтыліс квайт кага), сѣсся ыджыд мамō моньлысь видзи 5—7 классын велодчигōн. 8—10 классын велодчигōн видзи йōзлысь кагасō. Куш кага видзōм — онōдз вōтасьла! Потан дорас и уроктō вōлі велōда — сѣтчō и вугырта... Сѣсся тшыг олōм. Институтын на кынōмōй век вōлі гурѣялō, но зато велодчан! Кōть и пась ни кōм.

«Эг тōдлы челядь кадōс. Ōнї, петї ас сѣм вылō да, видла кокныдджыка овны,— висѣтавлї Мишōлы.— А верōс саяд пѣтан — красуйтчыссяс. Сōмын верōс да челядь вōсна тōжд».

Аддзылі ме мам-батьлысь олōмсō. Батьō, прōстит! Зѣв шань и велодчōм морт вōлі, да юōм пондаыс эз тōждысь некод вōсна. Висѣталї тай, мися, эгō сѣйлōй некутшōм чōскыд рок, кōть уджалїс сельпоын. Некутшōм запас эз лōсѣдлы война кезлō — пыр и кутїм тшыгѣявны...

Сōмын кампеттō уна сѣйлї войнаōдз. Мамō вōлі мōдōдас батьōла (мен кажитчыліс, мый батьō менō ēна радейтō), сїйō зеп тыр сетас кампеттō да шуас:

— Мун гортад, ме тѣ бōрся локта...

Ме нывкаяскōд, чōсмасиг, муна, а сїйō оз лок. Мамōсянь ēна сюрывліс!

* * *

Помасис медводдза отпуск. Тōлысь чōж уджалї колхоз видз вылын, мамōлы содтōд чукōртї трудовень. Майбыр, том кадōй! Уджалїм войковѣясōн ылі видзѣяс вылын, уна удитїм вōчны, кызвынсō котōрōн-панѣясьōмōн. Кор висѣталї мунōм йылысь, унаōн жалитїсны, аттѣоалїсны. Торѣя нин Степан дядь, бригадирным.

А тайō уджыс и мем буртор сетїс: сѣдōдз гожѣялі, быттō лунвылō ветлі. Но и номѣясōс чōсмōдлыштї жō.

Мишō сѣрнитчōм кадō эз лок. Лов вылын бара гажтōм, сѣкыд: мый лой? Олōмыс быттō рудōдїс, но эг петкōдлы, кōть пессисны и сѣлōмōй, и вежōрōй.

Пожōгō мōдōдчи ѳтнам. Любовыд, шулōны, сѣкыд висѣом кодь: туй чōж сōмын Мишō йылысь и думайтї. Кулōмдїнō вой бур тōдса дорō моз. Шуд вылō, пыр жō сюрины Пожōгō кайысьяс — вайōмаōсь велодчыны мунысьясōс. Ставныс юасѣоны:

— Кōнї Михаил Ильич?

— Мам дорас...— висѣталї.— Локтас...

Локтїс вежон мысти. Заводитліс менō мыжавны. А ме воча:

— Институтō мунтōдз, 1948—49 воясō, уджалї старшōй вожатōйōн Шойнатыса шōр школаын. Сэн директорнас вōлі военнōй морт, ранитчылōм офицер, и требуйтїс бур дисциплина.

Ті серти пö велöдчöны овны некымын сё том морт. Вот и ме сэні велалі ставсö вöчны, кыдзи шуöма, бура, стöча да ас кадö...

Та вылын сёрниным и помасис.

* * *

Сійö жö воас, октябр тöлысьö, Мишöлы воис повестка — босътöны армияö. Войыс коли радейтчöмөн, бöрдöмөн. Некодöс эгö корлöй: торйöдчим сьöкыда. Мишö эз эскы, мый виччыся сійöс куим во. Но узьöм йылысь и сёрни эз вöв. Дерт, позьö домавны кага дорö. Но син водзö сувтліс нёбдінса нывъёртöй, кодöс верöсыс шаня видзис медводдза кага чужтöдзыс, сэсса заводитіс гуляйтны мукöдкөд, а гöтырыс быд во чужтіс и чужтіс, мисьтöммис... Коньöрöс эз радейтны ни энька-мамыс, ни «муса» мужикыс. Юсис да томөн и кулі — сизим челядь колины мамтöг. Оз, тадзи оз позь!

Аскинас Дяк Ардаш керка дорö локтіс ставнас школаыс — эз велöдны. Поводдяыс вöлі мича, и Мишöс колльöдісны кладбище весьтöдз — сэн прöщайтчим. Йöз дорас яндыси бöрдны, а мыйөн локті гортö, паськөмөн уськөдчи крöвать вылö да дыр лимзалі-бöрді, сэтшöм гажтöм вöлі.

Асъядорыс муртса вугыртлі, и школаö. Нярмөм сьölöмнад, пыктöм чужöмнад гажтöм урокъяс артмисны. Овлö!

* * *

Тöлысь мысти Мишö виччысьтöг локтіс бөр: мамыс висьмöма, да лэдзöмаöсь.

Аддзысьöм вöлі сэтшöм шудаөн да мусаөн. Кыкнанным ловзим. Ме радöйла быттьö эг ветлы, а лэбалі. Ставыс: и йöзыс, и енэжыс, и муыс — югдісны. Гөгөрвои: ми радейтам öта-мöд-нымöс збыльысь и ёна.

Армияö ветлöмыс быттьö вежис Мишöс — локтіс дзик мөд мортөн. Урокъяс бöрын заводитіс ёна лыддысьны, мыйкö корсьысьны сиктса библиотекаысь, а рытьяснас гижны и гижны лампа би улын. Юалі:

— Мый вöчан?

— Көсья «Сборник диктантов и изложений» лөсьöдны. Лэдзасны кө, сьöмыс колö мамöс лечитны...

— Вот и бур,— шуа, а ачым думайта: «Бурлачитан руыс прöйдитыштис».

Но субöтаясö важ мозыс петавліс клубö и другъясыскөд юліс, но эз нин кыссьымөн.

А сьöмтö нажөвитны эз удит: февраль тöлысьö мамыс кулі. Мишö подөн ветліс Гамö.

— Мунігчөж бöрді,— висьталіс локтöм бöрас.— Муні öтнам вой и лун, соби толаястіыс...

Мен Мишö вöлі сэтшöм жаль: омöльтчöма, шогысла, бöрдöмысла син гуранъясыс сьöдöдöмаöсь. Пожөгö локтіс эз öтнас, Вова вокыскөд. Зоя чойыс сэки велöдчис медучилищын. Виччысьтöг миян лои ыджыд кага. Олöмным вежис: содіс кодкө вöсна тöжд. Вова вöлөм куритчö, а Пожөгын сэксö тайөн быттьökö эз на дурны (мый дзик эз куритчыны, юрöс керыштны

ог жö сет). Мишö заводитлис дугöдны таысь: первой сёрнион, а сэсся босьтчис тасмаö. Мöдыс пышйис да öдвa и сюри. Но дугдылис ли эз сэсся, ог и помнит.

Сизим класс помалöм бöрын колö вöли кайны велöдчыны Помöсдинö. (Сэк Пожöгас шöр школаыс эз на вöв). Мишö сёрнитчис Политовъяскöд, да найö босьтисны Воваöс ас дораныс. Кыдзи мырсис Мария Прокопьевна куим зонканас, думыштны ог куж. Эз тай норасьлы-а. Вова волевлис миян дорö субöта-вöс-кресеннö кeжлö да каникулъяс дырйи.

Дас класс помалöм бöрын Вова шуис мунны Микуньö, железнодорожной училищеö, Иван зятъыс моз көсийис лоны машинистон. Микуньö ветлим куимнанным.

Но училище помалöм бöрас Вова эз мöд уджавны паровоз вылын, мунис велöдчыны Ленинградö, связь институтö. Мишö моз велöдчис ворсны баянön, мичаа сьылис. Гожомъяснас, каникулъяс дырйиыс, ёна и гажöдис нёбдинсаясöс. Уна ныв радейтис сийöс. Но гөтрасис ас курса вылас, кодкөд мунисны уджавны «Сивöй Маска» станцияö. Ветлывлім видлыны найöс, и найö волевлисны Пожöгö гөститны.

* * *

Кор кулі Мишöлön мамыс, отпускъяс кутім коллявны Нёбдинын, миянын. Вöлөмкö, Гамас налön асланыс керканыс абу вöлөма. Олöмаöсь квартираын, и мам кулөм бöрас сэтчö овмөдöмаöсь мөдъясöс.

Мамöлön другысь лои кык пи: Мишö да Вова. Мишö мамöлы отсалис стрöитны выль керкасö, а ме ветлывлі институтö сессия вылö.

Öтчид, иностранной литература сдایتөм бöрын, локті Яковлевнаясö (сийö Нёбдинысь, Трöшсиктысь, гамса Николай Иванович Отевлön гөтырыс). Олісны найö общежитиелы воча вөр пиас, ичөтик керкаын. Көть оланіныс ичөт, йöзыс пöшти некор эз быравлы. А Яковлевна эз дözмыв: век вöли долыд чужöма, тэрыб вöраса и зэв шмоньлив. Öнөдз чуймала татшөм шань морт вылас.

Тані менö виччысисны дедö да Мишö, гажаöсь. Муртса эг усь. Мед нин Мишö локтöма, но дедö, сизимдас сайö арöса морт.

— Воліс друг,— гөгөрвоөдіс дедö,— ми сийöс колльöдім да эгö и казялö: теплоходыд мунö нин. Мишö шуö, лэччылам пö Лия дорö. Но лэччылам, мися. Ёна нин гажыс тэысь бырöма да.

«Но и но!— думайта дедö йылысь.— Пöрысь морт, а гаж бырөм на гөгөрвоö».

Мишö помся менö кутлö. Йöз дорсьыс лои петавлыны «радейтчыны».

А Нёбдинын найöс воштöмаöсь — быдлаысь корсьöны. Рытъя теплоходнас куимнанным кайим гортö.

* * *

Кор Володялы тыри дас көкъямыс арös, Мишös бара босьтисны армияö, Вöлөгдаö, но сöмын куим тöлысь кeжлö. Мед учитель-мортыд эз вошты велöдан кадсö, нулісны отпуск дырйиыс, го-

жѳмнас. Ме коли ѳтнам. Со и думыштї ветлыны тѳдмасыны СССР-са карьясѳн. Медводз бѳрїи Ленинград: сы мында сы йылысь кывлї да лыддылї!

Олѳмбыдѳн Ленинградѳ ветлї куимысь, но сїдз эг и пѳт. Сѳмын Эрмитажыс быдса государство кодъ, сѳтшѳма чуймѳдѳ. Нулї и ассым классѳс. Во-мѳд сѳсся казтылїм ветлѳмсѳ. Сѳѳрысь вайи уна серпас, гижѳд, мед выльысь и выльысь сѳрнитны накѳд, мед, быдмасы да, асыныс ветласны, и оз сѳмын Ленинградѳ, но и мукѳд карьясѳ да государствосѳ.

Медводдзайсь Ленинградѳ ветлї 1953 воын, кор Мишѳ вѳлї армияын. Сѳк карас тыдалїсны на Ыджыд войналѳн пасьясыс. Олїм школаын. Группаын вѳлїм ветымын нывбаба. Узылїм раскладушкаяс вылын. Луннас — экскурсия, рытнас — театрьяс. Медводдзайсь ас синмѳн аддзылї-кывзї Лемешевѳс, Козловски-йѳс, Меркурьевѳс...

Олїм дас лун, и быд лун Мишѳсянь воис письмѳ. Ёна и чуймалїсны нывбабаясыд:

— Сѳ дивѳ!— шуалѳны.— Колѳ жѳ сїдз радейтны, мед быд лун корсьны кад письмѳ гижны...

Налѳн Мишѳ йылысь шоныд кывьясыс топѳдлїсны сѳѳлѳмѳс радейтана дойѳн, содтїсны окоталунѳс аддзысьлыны. Гижи вѳча письмѳ, юѳртї, кутшѳм лунѳ, кутшѳм вагонын кута мунны Комиѳ. Эгѳ и аддзысьлѳй! Гортѳ воѳм бѳрын Мишѳ висьталїс, мый волѳма, корсьѳма. Кодным сорсим?

Коми мортыс группаын вѳлї ѳтнам, да тшѳктывлїсны сывны комиѳн. Ёна и кажитчис налы!

Ленинградѳ ветлѳм бѳрын окота лои аддзывны мукѳд места-яс, и мѳд онас нин Мишѳкѳд ветлїм Москваѳ, сѳсся — Волга кузя теплоходѳн, Кавказѳ, Прибалтикаѳ... Майбыр, путѳвкаяс сѳки вѳлїны донтѳмѳсь.

* * *

1956 вося августын шуим гижсьыны. Гѳгѳрвоим: гѳг сюрѳсь-ясным бура нин гартчѳмаѳсь, ѳта-мѳдтѳг ѳгѳ нин вермѳй овны, сѳвмим нин, мед быдтысьны.

Гортсаяс эз тѳдны, мый ми ѳгѳ на гозья моз олѳй, дай не-код нин эз эскы таѳ. А миянлы вѳлї веськодъ — олїм аслыным. Мишѳс важѳн нин лыддисны зятѳн, локтѳмсянныс вѳлї ас мортѳн, ставныс радейтїсны ме серти ѳнджыка.

Кѳлысьсѳ вѳчны отпускнѳй сѳѳмным эз нин вѳв.

— Босьтам бутылка и пукалыштам гортын,— шуа ме.

А дедѳ кывлѳма да локтїс миянѳс дивитны:

— Ме ятшик вина пукта, бабаяс сѳян-юан лѳсьѳдасын.

Эг и кутчысьлы некытчѳ. Пуѳмаѳсь-пѳжалѳмаѳсь чѳскыд-сьыс-чѳскыда: бабѳ сы вылѳ мастер вѳлї. Локтїм дасяс — ставыс гѳтов, и гѳсьтьясѳс коралѳмаѳсь. Кымын пѳлѳс чери, яй, нянь! Сѳтшѳм озыр пызансѳ эг сѳсся аддзыв, кѳтъ вѳвлї уна свадьба вылын.

Со и лоим гозьяѳн. Мыйѳн кутїм выль нога овны, меным, кыз шулѳны, пыр и ѳшїѳма. Та йылысь тѳдмалї, кор чѳвтчи. Лои тайѳ Пожѳгын нин.

Гортса став уджсё вёчи ме, сы вёсна мый Мишёс индiсны директорён. Сійё сэтшöма зiлис-уджалiс, мый гортö волiс сöмын узыны.

Вöскресеннöö пeсласи да ыджыд тазйөн лэччылi пожъясь-ны Эжва дорö. Вöли октябр тöлысь, кöдзыд нин, ёна кынми. Öдва вои гортö, эг удит петны ывлаö, тазйö мыйкö тельсмуни-уси да кутiс визувтны вир. Повзи. Кöзаяка корис больничаса уджалысьöс. Локтiс бабка (тадзи сиктсаяс шуисны акушерка Анна Матвеевнаöс).

— Петкöдлы,— шуö,— мый уси тэ пытшкысь,— видлалiс.— Тöлысь-мöдся кагаöс чöвтöмьд, зонмöс,— и юасис, кыдзи-мый вöли.

Вирыд мунiс лун дас кымын. Сюялисны уколъяс. Сойöй пыктiс. Дзик нинöмö волi — вот-вот кула, думайта. А сэтшöм окота на овны.

Волiс Константин Семёнович Фёдоров, пельшөр, шуö:

— Колök, мянöс судö сетанныд?

— Мыйысь?— юалi.

— Дурка уджалöмсьыным: сойныд пыктiс да.

— Лечитöй,— шуа.— Кужанныд öд.

Збыльысь, йöзыс ёна ошкöны вöли сійöс. Вундалiс — петiс бура уна ор, та бöрын медводдзаысь узи кага моз.

Öти асылö локтiс Матвеевна да шуö:

— Судзöдi лекарство — вирыд сувтас, но челядьыд вермас не лоны.

— Медтыкö ловъяён кольны,— шуа.— Оз кö и оз, йöзыс тай олöны челядьтöгыс,— и син водзö сувтiсны бура уна тöдса.

Вöли сэтшöм слаб, но, стенмö кутчысьмөн, заводит чеччывлыны. Мен эз кажитчы пeславтöм кöлуйöй. Öтитор кö верма пыдзыртны, кажитчис подвигөн нин. Няйт васö школаысь локтöм бöрын петкöдлiс Мишö. Эськö эз на тшöкты уджавны: бурдан пö да — вöлись. Но öд няйтыс! Кöть ачыс пeсласьны мыйлакö эз отсав. А тшöктыны абу лöсьыд. Мися, мамыс абу велöдлöма, яндысьö, тыдалö. Но шуны нинöм эг лысьт, пинясьны эг жö кöсйы. Велöда, думайта, вочасөн... Öни медшöрыс — бурдöдчыны! Петавлыны ывлаö! Синöд вылö! Сійö пö медбур лекар — тадз велöдлiс Фёдоров. Мишö кутöмөн мöдiс петкöдлыны кильчö вылö рытьяснас. Ачыс сы костi пусис ли шонтiс столойысь вайöм сёян. Волывлiсны больничасянь, вежлалiсны сойысь кöртöдсö. Мöдi бурдны. Медводз ловзисны синъясöй. Сэс-ся дугдiс пöрöдны-шатлöдлыны. Кутi вермыны мыйсюрö вöчны...

Ен-батьöй мездiс менö кулöм гыжъясысь!

Но уджавны Фёдоров эз тшöкты: слаб на, вежон бöрын пö видзöдлам. И со тупкисны больничнöй, ветлi ачым, мед аттьöавны бурдöдысьясöс. Аски бара школаö! А кутшöма гажöй быри челядьысь, велöдысь-ёртыясысь! Но мыйлакö видлыны эз и воыны? Гашкö, Мишöлысь юасьлисны?

Кыдзи век, мунам гозъя. Школа кильчö вылын тырыс челядь. Кыла: «Лия Васильевна локтö!» Мыйөн матыстчим, пыр и босьтiсны портфельöс, кодъяскö кутчысисны сойö... Гажныс бырöма! Мен сэтшöм любö — синъясöй вазисны, горшöй гöрдзасьлис. «Здравствуйте! Здравствуйте!»— сöмын и кыла, и юрöс копрöдлiг радла-шöпка воча: «Здравствуйте!..» Синъяс серти-

ныс гөгөрвои: радось кодсюрö и велöдысьясось пиись, чолöмалісны бурдöмөн.

Медводдза лунас школаын ёна яндыси сысь, мый ёна омöлтчи, а плешкын вöлі ёкмыльтор, и сійö кутіс бура тöдчыны. Мамö меон кынöма дырйиыс усьлöма сарайсянь карта вёлö да дойдöма менö медтыдаланінас. Кор справитчылі-ёнмыштілі, омöля тöдчис. Челядьыд, наянъясыд, пыр и нимтісны Сюра Лияён.

Неважөн вöвлөм велöдчысь, öні пöрысь нин, пенсия вылын, юаліс:

— Тöдан, кыдзи ми тэнö нимтылім?

— Ог,— йöй улö лэдзчыси.

— А көн нö плешсьыд сюрөд?— шмонитö.

— Көн нö, збыльысь?— шмонита жö.

Сералыштім öтлаын.

А лои тадз. Бурдыштöм бöрын öти лунö думышті ломтыны пывсян. Моздор пескөн пыригөн ёна люкаси куричас. Быттьö би сявкнитіс, синъяс пемдылісны, кийсь пескыс уси, ачым удиті кутчысьны стенмас, а сэсся ньöжйöник пукси. Пукалышті да восьті синъясöс — аддзöны. Колö, мися, кöдзыд ваон зыравны, мед оз лöзöд. Мöді зыравны плешкöс, а ёкмыльыд абу! Радöй! Котөрөн гортö, видзöдлыны рөмпöштанö. Збыль, ёкмыльыд абу! «О, Енмöй-батйöй,— думышті,— мездін мисьтöм ним новлөдлöмысь».

* * *

Матыстчис Виль 1957 во. Сьölöм вылын долыд: ог вись, плешкысь сюрöй быри. Мишö радейтіс важсьыс ёна. Матвеевнанысь шуöмсö, мый челядь менам сэсся вермас не лоны, сылы эг висстав. Майбыр, видзчысьны оз ков.

Виль во пасйыны, кыдзи век, чукöртчим ичöt школаын, көні вöвлі библиотека. Ни электрической би, ни радио, ни телевизор сәки эз на вöвны. Гудок да ми! Сёян вайисны, кодлөн мый вöлі: тшак, капуста, чери, ош, көч, ур яй... Сэсся зэв гажаа сьылім да йөктім асылөдз.

Гажөдчигөн öти велöдысь пуксис ме дөрö да шуö:

— Вежсям верöсьяснад.

Шйöвошлі: татшöмторсö эг на кывлы. Тöда, гусьон унаөн радейтісны Мишöс.

— Ме тiянлысь верöснйтö весиг эг на аддзыв,— шуа воча,— а öд мортсö нöшта и радейтны колö. А Мишö кө кажитчö, да тi сылы кажитчаннөд, ачыс мунас...

Коркө сёрөн нин, кад кольöм бöрын, висьтавлі Мишлы тайö сёрнисö.

— Ме сійöс терпитны ог вермы,— сöмын и шуис.

* * *

Май төлысьö менö кутіс номсöдлыны. Ветлі больничаö — кынöма! Шензьöмöй! А збыль кө, ёна нин окота вöлі ас кагаөн ноксыны. Висьталі Мишлы.

— Некутшом сьёкыдтор эн лысьт босьтны ни вöчны,— шуö.— Ачым ставсö вöча.

Рытьяснас Мишö нарошнö вöли петавлö дурны-ворсны детсад-са челядькöд, найö ёна радейтисны сійöс.

Кызди овны, мый сёйны-юны кынöма дырйи, нинöм ог тöд. Мöдi корсьысьны книгаяс, но Пожöгын сэтшöмыс эз вöв. Карысь сюри «Мать и дитя», сійөн и вöдитчим сэсся и ме, и менам челядь.

Больничаö мунi лун-мöдөн водзджык, думайтi, кагаыд öдйö петас, ог удит воöдчыны. Мöд асывнас, кор нин пытшкысь мöдöдчис ваыс, кылi акушеркаяслысь сёрнисö:

— Лия Васильевналөн, гашкö, кыка.

Кагаöй тай да нин вöли петас, но повзёмöйла быттё кутiс бөр кайны. Локтiс Мишö, да ме сылы бöрдöмөн шöпкöдi кык кага йылысь.

— Йöюк,— шуö,— асланым öд.— И мöдiс окавны бöрдан синъясöс.— Не было ни гроша, и вдруг алтын. Вот и бур. Ош-йысян тай вöли: чукöрта пö квайтöс да вая. Кык кө и кык — быдтам!

Мен лои кокныдджык. Но нервничайтöмнад чужтi сьöкыда. Вын-эбöсöй кутiс бырны, да Константин Семёнович тшöктiс вöчны укол. Кагаыд быйкнитiс-петiс, öти вöлöма, а ме воштылi садёс. Аттьö Фёдоровлы: некытчö эз мöдöд, эз вöч кесарево. Чужтi нывкаöс. Нимсö сетiм Наташа. Ме зэв ёна радейтi Л.Н.Толстойлөн «Война и мирьсь» Ростовъяслысь семьясö, и көсйи, мед миян челядь лоины сэтшöмось жö.

Натакöд туплясиг-бурдöдчигкостi, Мишö вöчöдöма кага потан. Краситöма тувсов енэж рöма краскаөн. Зэв мича! Позбö гычöдны. Но ми челядьнымöс эгö гычöдлöй. Велöдi ас кадö сёйны и узьны, да эз и ёна бöрдлыны — тадзи велöдöмаось книгаын.

Висьтавлi нин, олiм Дяк Ардашлөн гожея керкаас. Тöвнас сійö ёна көдзавлiс, но ми öд кагатöмось вöлим: öта-мöд дорад топöдчан и шоналан. И вот вайим татчö Наташаöс. Мишöлы лолi войнас чеччывны да ломтыны ичöt пачсö. Тадзи олiм декабрсö Виль 1958 воöдз.

Виль олысь чужöмөн чолöмавны локтiсны Пётр Федотович гозъя.

— Тiян нывка,— шуö Пётр Федотович,— миян пи. Мед жö, быдмасны да, кыз шулöны, гозъяөн лооны...

Пырис Дяк Ардаш и босьтчис ыждавны:

— Виль во встречайтад, а миянös он и чуксалöй! Мед аски жö миян керкаын дукныд эз вöв...

Татшöм гажтöм Виль воыс енэжа-муа костас сэсся нэмсö эз вöвлы. Забеднöла войбыд бöрдi. Войнас, дерт, некытчö эгö петöй, а асывнас Мишö мунiс корсьны виль оланiн.

— Аслым юр сюянiн быть лöсьöда,— шуö,— ог жö кут нэм чöж йöз синмö видзöдны, шудтöм көк моз овны...

Овмöдчим Петыр Öндрейö. Мича керка, садъя. Öти жырйыс шоньд — челядьнад бур. Олiм сэнi зык-шумтöг көкъямыс во.

Арös тыртöдз на Наташа висьмис. Каганас сійö вöли зэв визув, помся йöктыштö, нюмъялö. Яслиас койкасянныс усьöма — уджалысьясыс эз висьтавны. Кутiс восны, нинöм эз сёй. Позбö

шуны, кулан выйөдз воліс. Водтөдісны больничаө. Ме войнас кага дорын, луннас — школаын. Больничнөй эз сетны.

Өтчөд локті школаыс и чуйми: Наталөн синъясыс ловзё-маөсь, сөйөма йөв. Евдокия Егоровна (Фёдоровлөн гөтырыс) висъталіс:

— Кор Константин Семёнович муніс гортө, ми Меланья Петровнакөд веськөдім кагаыдлысь юрсө, и Наташаыд ловзис.

А ме, том мортыд, эг и думышт сөйөс. Со мый и колө вөлөм кагаыдлы. Та бөрын ачым велөдчи юр веськөдны. Ыджыд аттө Евдокия Егоровналы да Меланья Петровналы бур вөчөм-сьыныс!

1959 воө чужис пи, Петя. Нимсө сетіс батыс. Но эз Ростовъяс серти, а ёртыс, Пётр Иванович Отев, корис. Наташаөс вөлі нёнөда на, а кывлі: нёнөдчан кө пө, он кынөмась. Менам тай эз сідз ло. Петя чужис — дедө кулі, и пийө сэтшөма мунө дедө вылө. Петяөс чужті кокниа. Муртса удиті больничаө пырны, кагай чужны нин кутіс. Но дыр эз шыась, вөлөмкө, гөг сюрөсыс голя гөгөрыс гартчөма. Петя чужөм бөрын Нёбдінсян воліс мамө. Ёна и отсасис: быд лун ломтіс пывсян, мыськис-старайтіс кагаөс и менө: гөгөр зыраліс, мед пө быд лы местаас лоө.

Быдтысьны вөлі и кокни, и сьөкыд. Кокни сы вөсна, мый чоя-вока пөшти өткодъ арлыдаөсь да векджык ворсісны. А сьөкыдыс, мый кык поснитө колө новлөдлыны яслиө. Сэки декретнөй отпускыд вөлі нель төлыс: кык төлыс чужтытөдзыс и кык — чужтөм бөрас. Көляскаяс эз вөвны, дай туйыс шогмытөм. Майбыр, төвнад: батыс пуксьөдас ас вөчөм даддяс кык-наннысө и искөвтөдас яслиө.

Ёна отсасьлісны менам класса велөдчысьяс, торъя нин Ярашъяуыс Маша Дөмина да Юлия Мингалёва. Олісны найө интернатын, а рытьяснас волісны миянө, мед лэдзлыны клубө: кино видзөдны, концертасьны, лекцияяс лыддыны. Локтам: челядь узьоны, гөгөр мыськөма-пелькөдөма. Машакөд нэм кежлө ёртъясөн лоим. Ёні на воывлө видлыны. Ыджыд аттө Машуклы шаньлунсьыс, зільлунсьыс, пыдди пуктөмсьыс.

* * *

Шуим лөсьөдны ассъыным поз. Но көні да кутшөмөс? Ме вөлі нуөда Шойнатыө: сэн кыкнаннымлы вөлі уджалан места, дай рөдвужыд матынджык. Нөшта корисны уджавны Сыктыв-карө.

— Татысь,— шуө Мишө,— некытчө ог мун: йөзыс бурөсь, кызди и сынөдыс. Ставыс төдса, ставыс ас. А сэн... бара выльысь төдмась.

Книгаяс гижөмнад сьөм чукөрмис тырмымөн. Да и удждонысь быд төлысь пукталі. Кутім видзөдавны быдлаысь сиктса керкаяс. Кыкнаннымлы кажитчис Нёбдінысь Бабка Мишлөн керкаыс. Верандаөс вөчим воча вок Валерьянлөн кодьөс. Мусмис Петыр Оңдрейлөн садъя йөрыс, но пуяссө шуим пуктавын йөр пөлөн, мед шондіыс видзөдіс уна өшиня керкаө водз асывсянныс сөр рытөдзыс. Став пусө Мишө ваяліс вөлөн, ачыс пукталіс.

— Пöрысьмам да, майбыр, шлагъяв öшинювса вöрти, апав чöскыд көрсö,— ачыс любуйтчö посни на пуяснас.

И збыль, кувтöдзыс пыр радейтліс пукавны пуясувса парта сайын.

Керка стрöитім öдйö — отсасисны сиктсаяс. Пытшö кыз-вынсö вöчалісны Филимон Павлович, Николай Михайлович (Степан Миш Кольö) да верöсöй, кор вöлі прöст. Öшинь-öдзöсьяс Степан Миш вöчис. Пачьяс тэчисны Кирилл Васильевич да Мишö. Кирпичьясла да шиперла лэччылі карö колхозлөн куим машинаөн. Лэптöм бöрас, мöд онас нин, петім овны. Кильчöыс эз на вöv, да ветлім леснича-пості.

А радным! Ставыс асланым — нинöмысь оз ков повны, яндысьны, юасьны, кок чунь йылын ветлыны. Сöмын и котöртам, чепсасям, гажöдам выль керканымöс. Ми эськö радлім нин да, а челядь!.. Налөн быттö бордъяс быдмисны. Лэбалöны оз сöмын куимнан жырті, но и лэччылöны гöбöчö, кайлöны лöскö. Быдтор видлалöны-вешталöны местаясьыс, быдлаö вöчöны аслыныс чом. Мен быть ковмыліс юасьны, көні сійötö да сійötö. Найö быдтор тöдісны, торъя нин Петя.

Кор овмöдчим ас керкаö, Мишö и шуö:

— Ой-ей окота кагаөн ноксьыштны ас керкаын...

— Абу прöтив,— шуа воча.— Но ковмас дугдыштлыны юнытö.

— Сöглас.

А кага чужтыны ме лют. Кор нин вöлі кынöма квайт ли сизим тöлысь, шуим ветлыны Волга кузя турпоходö теплоходөн Ярославльсянь Ростов-на-Донуöдз. Сы мында выль йöзкөд тöдмасим! Сы мында кар аддзылім! Сы мында книга, фотоальбом ньöбалім, мед челядькөд школаын уджавны, петкөдлыны, ку-тшöм миян Рöдинаным.

Астраханьын аддзысьлім Иван чож гозъякөд. Найö пенсия вылынöсь нин вöліны. Иван чож — вöвлöм лётчик. Ыджыд войнасö заводитчöмсяньыс помöдзыс вуджис, эм уна медаль и орден. Война бöрас дыр на служитіс Германияын. Гежöда, но волевліс Нёбдинö, ставнымлы вайлывліс козинъяс.

Мишö да Иван чож ветлісны Волга вылö кыйсьыны да вайисны метра джын кузьята вит чери. Тётя Аня, гöтырыс, вундаліс юрьассö, көсйис шыбитны. А ме шуа:

— Меным юрыс и медчöскыдыс.

Пуис, да пöтмөн вильöдчи. Сэтшöм чöскыдöсь да пötöсаöсь гырысь чери юрьасыс. Сэсся сэтшöмыс менам нэмын эз нин вöv.

Выль керкаын горт овны кольлім öкмыс арöса нылös да сизим арöса пиös. Öні думайта да, ыджыд сьölöма жö и вövсьöма.

Молодцы, лöсьыда олöмаöсь! Узьлöмаöсь ёртъясыскөд, найö Наташалөн, кыдзи и батыслөн, уна. Сөйöмаöсь-юöмаöсь, мый вöлі гортын, видзöмаöсь став сьöмсö, мый кольлім, дай содтöд босьтасьöмаöсь магазинысь уджйöзөн. Бура дözьöритöмаöсь град йөр, парник. Öгурцыыс быдмöма гырыся — менам сэтшöмыс некор эз вöвлы. Асьныс и керка дзоньвидзаöсь. «Вот и бур,— думайта,— прамöй челядь быдмöны!»

* * *

Женя чужис 1967 вося төвшöрын. Чужті Наташаöс моз сьöкыда. Думайті, ныв — гусьöн радлі. Но чужис пи. Эз ёна бöрдлы. Нимсö бöрйисны челядь. Ме вöлі кöсья Николайöн нимтыны, бара жö Л.Н.Толстойлөн «Война и мир» серти. Мишö — Володяöн, сы вöсна мый матын вöлі В.И.Ленинлөн кулан луныс. А чоя-вока бöрдöмөн мöдiсны корны: «Женя да Женя!» Сетчим.

Женя вöлі лöнь öбичаа, да чоя-вока ворсiсны аканьöн моз, зэв ёна радейтiсны. Миянöс ыстывлiсны клубö, мед чеччавны потан вомöныс. Кымынысь и уськöдлiсны жö коньбöрöс! Öтчыд тöкөтö куvmöныс эз кольмöдны: мед кагаыд оз кынмы, пачтö пöдлалöмаöсь водз. Ме сэки клубын литературнöй конференция нуöдi. Бара Константин Семёнович спаситіс. Аттьö жö нин сылы!

Женялы эз на вöв арöсыс, мекöд лолі лектор.

Асывнас вердi челядьöс, мöдöдi школаö, яслиö и муні удж вылö. Школа бöрын пыравлі больничаö лечитны пинь. Сюйисны пенициллин укол. Лечитöм бöрас öдва петі, кокъясöй оз кывзысьны. Туй шöрад пуксынытö абу лöсьыд, да кыздкö кысси школа котельнöй дорöдз. Пукси лымъя из шом вылас: час, мися, шойччышта, сэсся и гортö муна. А котельнöяс тырыс мужик вöлöма, да бöрас висътасисны: видзöдам пö, но и юöма Лия Васильевнаыс — веськыда шатлалö. Некор на пö эг аддзылö татшöмнас...

Буретш веськавсьöма ыджыд переменаö, дагырысь классаяс казьялöмаöсь менö, босьтöмаöсь из шом кыскалан вор да бөр тюрöдöмаöсь больничаö.

Тайöс ме нинöм ог помнит, йöзыс висътасисны.

Друг меным лои сэтшöм югыд, шоныд — гөгөр кольквиж, но некод абу. Буракö, мöдар югыдас нин вöвсьöма.

Фёдоров пыр жö корöма Кулöмдiнысь врачöс, сүйöмаöсь сьöлөм ловзьöдан укол. Майбыр, сöвет власьт дырйиыд вертолёт-ыд öдйö вöлі воас да нöшта сикт шöрад пуксяс. Прöститöй, ог тöд бурдöдысьлысь нимсö ни овсö. Аттьö бур вöчöмсьыныд.

Палялі сыысь, мый кодкö помся чуксалö да вөрöдö. А сэтшöм окота на вугыртны-узыштны.

— Сöмын энö лэдзöй ланьтнысö,— кыла Фёдоровлысь гөлөссö.

Видзöдлі бокö, а сэнi морт дас сулалöны. Мишö бöрдöмөн чуксалö менö. Вöлись пальöдчи... А муні кö гортö?.. Эськö эг нин вöв ловъя.

* * *

Книгаяс вуджöдöм, изложение да диктант чукöртöм-гижöм бöрын Мишöлөн вежөрлы бара коліс кутшöмкö удж. Заводитіс посниторянь — шмонитана висътъясьянь. Найö сылөн артмисны. Жаль, абу чукöртлöма, öнi колö корсьысьны «Войвыв ко-дзулысь», «Чушканзыысь», «Коми муысь». Медуна лэдзис «Ленин туйöд» — районса газет.

Мишöös тöдiсны кызвын гижысьыс. Кор воливлiсны Пожөгö, ставнысö вöлі корö миянö: ломтас пывсян, вердас-юкталас,

узьтөдас. Гижысьяскөд аддзысьлөмъясыс, накод сёрнитöмыс эв вöлі дона да сьölөм сертиыс Мишöлы.

* * *

Челядь чужтөдз Мишöлы клубыд вöлі сям петкөдланінөн: кужис сьывны, ворсны спектаклясын, лыддыны кывбурьяс мукöдлысь и ассьыс, серамбана висьтъяс, тешъяс, кодъясöс лөсьöдліс ачыс. Быд празникö ворсіс гудөкөн школаын и клубын — ставсö, мый сяммис, вöчис йöзлы. Быдлаын и быдöнлы вöлі ас мортөн, кужис кывзыны и гажöдны. Аслас гудөкөн, сьölөм вөрзьöдана ворсöмөн кыпöдліс йöзлысь гажсö.

* * *

Кодөн сöмын эз уджавлы Мишö: классрукөн, директорөн, завучөн. Пуктылісны и сельсöветса предö. Ог нин сёрнит йöз пöвстын удж йылысь. Локтöмөн тшöтш индісны агитаторьясөн. Но мый дон вöлі сьöмтöм колхозникъястö заём вылö гижөдöмыс! Локтан гортаныс, керка тырыс челядь, гөгөр киссьöма, а тэ:

— Вай гижсямöй — вобыднад вештанныд... — тадз велөдлісны сельсöветын. — Йöвтö, яйтö вузыштанныд, но сы пыдди государстволы отсыштанныд войнабöрся сьöкыд воясас.

Жальöсь, ой-ей жальöсь вöліны йöзыс, но гораа жалитны он лысьт — пыр и сельсöветö корасны.

Лэдзавлім Мишөкөд «Молнияяс»: сійö мичаа рисуйтчис, а ме — гижи, юөрьяссö босьтлім бригадирьяслысь, предлысь... Сэсся ветлывлім быд колхознöй собрание вылö и бура тöдім, кызд олö-вылö колхозыс. Öд ковмас висьтасьны сельсöветын, партийнöй собрание вылын. Няйт, зэрö, лымъялö, пемыд, а тэныд быть вöч тайö уджсö.

Тöлысьысь тöлысьö, воысь воö йöз пöвстын уджыс содіс. Сельсöветын казялісны Мишöлысь зільлунсö, тöдöмлунъяссö и индісны пропагандистөн коммунистьяс пöвстын, көть ачыс эз вöv коммунистөн.

Ме партияд эг жö пыравлы. Томдырйи вöлі кажитчö, мый коммунистлы колö лоны Павел Корчагин кодьөн: асьсö ставнас сетны йöзлы бур вöчөм вылö. Комсомолын семьятöмөсь на вöлім да уна удж и вöчим.

А мыйөн Пожөгö мөдөдісны Шарль Леонидовичös, олөм вылö видзөдласъяс вежсисны вужвыйөн. Сійö висьтавліс сэтшöмторьяс — юрсиыд вöлі сувтлас. Но эгö на эскöй, кытчөдз асьным эгö ньöбöй «Родина» радиоприёмник. Войнас, кор сельсöветын некод нин эз вöv (ми олім орчча керкаын), гозъя кывзылім «Голос Америки». Ыджыд шум пырыс мыйсюрö позис кывны. И.В.Сталин кулөм бöрын Н.С.Хрущёв осььтіс унатор, мый ми кывлім нин, но некодлы эгö ошйысьлöй: тöдім, мыйөн вермас помасьны.

* * *

Кор кулі И.В.Сталин, гозъя войбыд бөрдім. Бөрдім сы вöсна, мый полім, мед эськö эз жö заводитчы выль война: öд сы

мында мучитчим Отечественнӧй дырйиыс. А Сталинысь полім...
Полім и радейтім...

Слабог, война эз пансы, и ми, война кадся челядь, кодӧ
ловъя на, олам мирын. Но Ыджыд война бӧрад сиктыд дыр
на висис, нюлис дойяссӧ, но пессис-мырсис воддза моз: гӧрис-
кодзис нянь, быдтіс картофель, сёркни, морков — ставсӧ, мый
колӧ олӧмлы.

Кор лоины совхозъяс, кор уджысь кутісны мынтысьны сьӧ-
мӧн, ставыс ловзис, заводитіс вильмыны, мичмыны. Босьтчис-
ны лэптавны виль керкаяс, стрӧитны виль школа, клуб, скӧт
картаяс... Татшӧм мича олӧмсӧ сиктыс эз на тӧдлы. Овны лои
долыд, кокни, кыпыд. Челядьлы лои окота велӧдчыны, босьтны
кутшӧмкӧ специальность, и уджсӧ оз ков корсьны кыськӧ бо-
кысь — сиктад вӧлі тырмымӧн: совхозын, больничаян, сад-
яслиын, школаын...

Но дыр красуйтчыны эз сетны. Власът дорӧ воисны мӧдъяс.
Во-мӧдӧн ставсӧ кисьтісны, мырддялісны-зепталісны.

Заводитчис гӧгӧрвотӧм олӧм.

* * *

Михаил Ильич школаын уджаліс ветымын во. Петіс 71
арӧсӧн, 2001 воын. Школаыс сылы вӧлі меддонаторйӧн. Петӧм
бӧрас на ветлывліс медводдза и бӧръя звӧнокъяс вылӧ, аслас
вӧвлӧм класс дорӧ, школа помалысьяслӧн рытьяс вылӧ и сідз
прӧстӧ, кытчӧдз новлӧдліс кокыс.

Сылӧн эз вӧвны радейттӧм велӧдчысьяс. И найӧ эз вунӧдлы-
ны вӧвлӧм велӧдысьяссӧ: быд гожӧм воывлісны видлыны
миянӧс да казтыштны велӧдчан вояссӧ.

Сетӧма дженьдӧдӧмӧн.



ПЫДДИ ПУКТАНА АВТОРЪЯС!

Редакцияӧ гижӧдъяснытӧ ыстігӧн быть колӧ юӧртны:

1. Ассынынӧм, вич, ов; кор да кӧні чужлӧмныд (лун, тӧлысь, во).
2. Паспорт юӧръяс: номер, серия, кор да кӧні сетісны, гортса адрес (прописка серти).
3. Индивидуальнӧй налогӧвӧй номер — ИНН (кодлӧн эм).
4. Страховӧй свидетельство номер.

Тайӧс юӧрттӧг редакция гонорар оз вешты.

*Журналын йӧзӧдтӧм гижӧдъяс
редакция оз рецензируют и авторыслы найӧс оз мӧдӧд.
Редакция оз век во ӧти кывӧд авторъяскӧд.*

Комп. набор и верстка **Н.Кузнецова**. Корректор **Т.Югова**.

Адрес редакции: 167982. ГСП-2, г. Сыктывкар, Дом печати, каб. 202.
Телефоны редакции: 24-47-52 (гл. редактор), 24-51-52 (общ. отд./факс).

E-mail: kodzuv@mail.ru

Подписано к печати 05.08.2010. Формат 70х108^{1/16}. Печать офсетная. Усл. печ. л. 7; усл. кр.-
отт. 8,4; учётно-изд. л. 7,54. Тираж 830. Заказ № . Регистр. ПИ № ФС 3 - 0226.
Публикация материалов по освещению реализации социально значимых проектов осуществля-
ется при государственной поддержке в форме субсидии Агентством Республики Коми по
печати и массовым коммуникациям. Отпечатано в ООО «Кировская областная типография»,
610000, г. Киров, проезд Динамо, 4.